

神農本草經

上

413.081

145

二二(一)

中國醫學大成第一集

藥物類

神農本草經 上

上海大東書局印行



3 0472 5991 0

神農本草經提要

本草經三卷。傳爲神農所作。故曰神農本草經。但漢書藝文志不錄。考漢平帝紀則云。元始五年。舉天下通知方術本草者。詔傳遣詣京師。樓護傳。稱護少誦醫經。本草方術數十萬言。始見本草之名。或曰。上古未有文字。師學相傳。謂之本草。兩漢以來。名醫漸多。張華輩始就古學。附以新說。編述成書。由是本草乃見於經錄。寇宗奭曰。漢書雖言本草。不能斷自何代所作。淮南子雖言神農嘗百草以和藥。亦無本草之名。惟帝王世紀云。黃帝使岐伯嘗味草木定本草經。造醫方以療衆疾。則本草之名。實自黃帝始。韓保昇曰。藥有玉石草木鳥獸蟲魚。而云本草者。爲諸藥中草類最多也。李時珍曰。神農本草藥分三品。計三百六十五種。以應周天之數。上品一百二十種爲君。主養命以應天。無毒。久服不傷人。能輕身益氣者。中品一百二十種爲臣。主養性以應人。無毒有毒。斟酌其宜。欲遏病補羸者。下品一百二十五種爲佐使。主治病以應地。多毒。不可久服。欲除寒熱邪氣。破積聚愈疾者。本書爲魏吳普增輯。再由孫星衍等博採名醫別錄。太平御覽。及經史諸子百

家。而輯述之。關於藥物學說。雖已美備。其所引據。於性味功用。實無所發明。蓋孫氏非知醫者。亦無足怪。其於名物形狀。羅列富有。惟莫辨是非。如水萍與藻蘋並列。柳華和檉杞同種。均有未合。茲備錄各家考證。以待來哲之攻究。今所以舍顧本而從孫刊者。取其徵引之豐富耳。至於名象之是非。功用之變化。在善讀者之自得之矣。

邵序

記曰。醫不三世。不服其藥。鄭康成曰。慎物齊也。孔冲遠引舊說云。三世者。一曰黃帝鍼灸。二曰神農本草。三曰素女脈訣。康成周禮注亦曰。五藥。草。木。蟲。石。穀也。其治合之齊。則存乎神農子儀之術。是禮記注所謂慎物齊者。猶言治合之齊。指本草諸書而言也。冲遠既引舊說。復疑其非。鄭義過矣。漢書引本草方術。而藝文志闕載。賈公彥引中經簿有子儀本草經一卷。不言出於神農。至隋經籍志。始載神農本草經三卷。與今分上中下三品者相合。當屬漢以來舊本。隋志又載雷公本草集注四卷。蔡邕本草七卷。今俱不傳。自別錄以後。累有損益升降。隨時條記。或傳合本文。不相別白。據陸元朗經典釋文所引。則經文與名醫所附益者。合併爲一。其來舊矣。孫君伯淵偕其從子。因大觀本草黑白字書。釐正神農本經三卷。又據太平御覽引經云。生山谷生川澤者。定爲本文。其有豫章朱崖常山奉高郡縣名者。定爲後人羸入。釋本草者。以吳普本爲最古。散見於諸書徵引者。綴集之。以補大觀本所未備。疏通古義。系以攷證。非澹雅之才。沈鬱之思。未易爲此也。古者

協陰陽之和。宣羸縮之節。凡夫含聲負氣。以及倒生旁達。蠖飛蠕動之倫。胥盡其性。遇物能名。以達於利用。生生之具。儒者宜致思焉。淮南王書曰。地黃主屬骨。而甘草主生肉之藥也。又曰。大戟去水。亭歷愈張。用之不節。乃反爲病。論衡曰。治風用風。治熱用熱。治邊用蜜丹。潛夫論曰。治疾當真人參。反得支羅服。當得麥門冬。反蒸橫麥。已而不識。真合而服之。病以侵劇。斯皆神農之緒言。惟其臆涉者博。故引類比方。悉符藥論。後儒或忽爲方技家言。漁獵所及。又是末師而非往古。甚至經典所載。鳥獸草木。亦展轉而昧其名。不已慎乎。後漢書華佗傳。吳普從佗學。佗準佗療。多所全濟。佗以五禽之戲。別傳。又載魏明帝使普爲禽戲。普以其法語諸醫。疑其方術相傳。別有奇文異數。今觀普所釋本草。則神農、黃帝、歧伯、雷公、桐君、醫和、扁鵲。以及後代名醫之說。靡不賅載。則其多所全濟。由於稽考之勤。比驗之密。而非必別有其奇文異數。信乎非讀三世書者。不可服其藥也。世俗所傳黃帝神農扁鵲之書。多爲後人竄易。余願得夫閱覽博物者。爲之是正也。因孫君伯仲校定本草而發其端。至其書考證精審。則讀者宜自得之。餘姚邵晉涵序。

張序

儒者不必以醫名。而知醫之理。則莫過於儒者。春秋時和與緩。神於醫者也。其通周易辨血蟲之義。醫也。而實儒也。世之言醫者。必首推神農。然使神農非與太乙遊。則其傳不正。非作赭鞭鉤鏹。巡五岳四瀆。則其識不廣。非以土地所生萬千類。驗其能治與否。則其業不神。傳不正。識不廣。業不神。雖日取玉石草木禽獸蟲魚米穀之屬。歷試之。親嘗之。亦僅與商賈市販等耳。於醫乎何與。吾故曰神農千古之大儒也。考崇文總目載食品一卷。五臟論一卷。皆繫之神農。其本久不傳。傳之者神農本草經耳。而亦無專本。唐審元哀輯之。書錄解題謂之大觀本草。讀書志謂之證類本草。厥後繆希雍有疏。盧之頤有乘雅半偈。皆以本經爲之主。然或參以臆說。或益以衍斷。解愈紛。義愈晦。未有考核精審。卓然有所發明者。則證古難證古。而折衷於至是爲尤難。孫淵如觀察偕其從子鳳卿。輯神農本草經三卷。於吳普名醫外。益以說文。爾雅。廣雅。淮南子。抱朴子諸書。不列古方。不論脈證。而古聖殷殷治世之意。燦然如列眉。孔子曰。多識於鳥獸草木之名。又曰。致知在格物。

則是書也。非徒醫家之書。而實儒家之書也。其遠勝於希雍之頤諸人也。固宜。或以本草之名。始見漢書平帝紀樓護傳。幾有疑於本草經者。然神農始嘗百草。始有醫藥。見於三皇紀矣。因三百六十五種。注釋爲七卷。見於陶隱居別錄矣。增一百十四種。廣爲二十卷。唐本草宗之。增一百三十三種。孟昶復加釐定。蜀本草又宗之。至郡縣本屬後人所附益。經但云生山谷生川澤耳。洪範以康寧爲福。雅頌稱壽考萬年。又何疑於久服輕身延年。爲後世方士之說者。大抵儒者之嗜學如醫然。淵源其脈也。覆審其胗視也。辨邪正。定是非。則溫寒平熱之介也。觀察方聞。綴學以鴻儒名。海內求其著述者。如金膏水碧之珍。儒卿好博聞。妍丹吮墨。日以儒爲事。則上溯之羲皇以前。數千年如一日。非嗜之專且久而能然耶。顧吾獨怪是編中無所謂治書癖者。安得起神農而一問之。嘉慶四年太歲在己未冬十月望日宣城張炯譔於瞻園之灌木莊。

孫序

神農本草經三卷。所傳白字書。見大觀本草。按嘉祐補注序云。所謂神農本經者。以朱字。名醫因神農舊條。而有增補者。以墨字。間於朱字。開寶重定序云。舊經三卷。世所流傳。名醫別錄。互爲編纂。至梁貞白先生陶宏景。乃以別錄參其本經。朱墨雜書。時謂明白。據此。則宋所傳黑白字書。實陶宏景手書之本。自梁以前。神農、黃帝、岐伯、雷公、扁鵲。各有成書。魏吳普見之。故其說藥性主治。各家殊異。後人纂爲一書。然猶有旁注。或朱墨字之別。本經之文。以是不亂。舊說本草之名。僅見漢書平帝紀及樓護傳。予按藝文志有神農黃帝食藥七卷。今本譌爲食禁。賈公彥周禮醫師疏引其文。正作食藥。宋人不考。遂疑本草非七略中書。賈公彥引中經簿。又有子儀本草經一卷。疑亦此也。梁七錄有神農本草三卷。其卷數不同者。古今分合之異。神農之世。書契未作。說者以此疑經。如皇甫謐言。則知四卷成於黃帝。陶宏景云。軒轅已前。文字未傳。藥性所主。當以識識相因。至於桐雷。乃著在於編簡。此書當與素問同類。其言良是。且藝文志農兵五行雜占經方神僊諸家。俱

有神農書。大抵述作有本。其傳非妄。是以博物志云。太古書今見存有神農經。春秋傳注。賈逵以三墳爲三皇之書。神農預其列。史記言秦始皇不去醫藥。卜筮之書。則此經幸與周易並存。顏之推家訓乃云。本草神農所述。而有豫章。朱崖。趙國。常山。奉高。真定。臨淄。馮翊等郡縣名。出諸藥物。皆由後人所屬。非本文。陶宏景亦云。所出郡縣。乃後漢時制。疑仲景元化等所記。按薛綜注張衡賦。引本草經。太一再餘糧。一名石腦。生山谷。是古本無郡縣名。太平御覽引經上云。生山谷。或川澤。下云。生某山某郡。明生山谷。本經文也。其下郡縣。名醫所益。今大觀本俱作黑字。或合其文云。某山川谷。某郡川澤。恐傳寫之誤。古本不若此。仲景元化後。有吳普。李當之。皆修此經。當之書世少行用。魏志華佗傳。言普從佗學。隋經籍志稱吳普本草。梁有六卷。嘉祐本草云。普修神農本草。成四百四十一種。唐經籍志尙存六卷。今廣內不復存。惟諸書多見引據。其說藥性寒溫五味。最爲詳悉。是普書宋時已佚。今其文惟見掌禹錫所引藝文類聚初學記。後漢書注事類賦諸書。太平御覽引據尤多。足補大觀所缺。重是別錄。前書因采其文。附於本經。亦略備矣。其普所稱有神農。說者卽是本經。大觀或誤作黑字。亦據增其藥物。或數浮於三百六

十五種。由後人以意分合。難以定之。其藥名有禹餘糧。王不留行。徐長卿。鬼督郵。之屬。不類太古時文。按字書以禹爲蟲。不必夏禹。其餘名號。或係後人所增。或聲音傳述。改古舊稱所致。又經有云。宜酒漬者。或以酒非神農時物。然本草衍義已據素問首言。以妄爲常。以酒爲漿。謂酒自黃帝始。又按文選注引博物志亦云。杜康作酒。王著與杜康絕交。書曰。康字仲寧。或云黃帝時人。則俱不得疑經矣。孔子曰。述而不作。信而好古。又云。多識於鳥獸草木之名。今儒家拘泥耳目。未能及遠。不覩醫經本草之書。方家循守俗書。不察古本。藥性異同之說。又見明李時珍作本草綱目。其名已愚。僅取大觀本。割裂舊文。妄加增駁。迷誤後學。予與家鳳卿集。成是書。庶以輔翼完經。啓蒙方伎。略以所知。加之考證。本經云。上藥本上經。中藥本中經。下藥本下經。是古以玉石草木等上中下品分卷。而序錄別爲一卷。陶序朱書云。本草經卷上注云。序藥性之源本。論病名之形診。卷中云。玉石草木三品。卷下云。蟲獸果菜米合三品。此名醫所改。今依古爲次。又帝王世紀及陶序稱四卷者。掌禹錫云。按舊本亦作四卷。韓保昇又云。神農本草上中下并序錄合四卷。若此。則三四之異。以有序錄。則抱朴子養生要略。太平御覽所引神農經。或云問。

於太乙子。或引太乙子云云。皆經所無。或亦在序錄中。後人節去之耳。至其經文。或以痒爲癢。創爲瘡。淡爲痰。注爲蛀。沙爲砂。兔爲菟之類。皆由傳寫之誤。據古訂正。勿嫌驚俗也。其辨析物類。引據諸書。本之毛詩。爾雅。說文。方言。廣雅。諸子雜家。則鳳卿增補之力居多云。陽湖孫星衍撰。

周序

著本草者。代有明哲矣。而求道者必推本於神農。以爲神聖之至誠盡性。其興物以全民者。義至精而用至大也。歷三代之世。以迄秦漢。守其書而傳習之。蓋無敢違其教者。自陶貞白雜入明醫別錄。朱墨分書。其書無專本矣。至宋以降。朱墨互淆。其書無真本矣。紛紜散亂。千有餘歲。好古者乃欲一一收拾以復其舊。亦難矣哉。故靈胎徐氏有本草百種錄。修園陳氏有本草經讀。各於經旨有所發明。不愧述者。要止體厥功能。以便世用。而於三品之全物。卒闕焉而無聞。久之乃得顧氏輯本。復於同郡石埭徐氏借得孫氏輯本二書。皆以考核爲能者也。而於其中不能無疑焉。孫氏之書。比於顧氏。詳且博矣。其所引據。於性味功用。一無所發。蓋孫氏本非知醫者。此無足怪。乃於名物形狀。亦徒羅列。富有莫正是非。如水萍則藻蘋並列。柳華則檉杞同稱。如此之類。未可殫舉。然而備錄前文。以待來哲之論定焉。猶曰賢者至虛至慎。闕所不知之義也。若夫橘柚用其實也。非用其木。青蘘爲巨勝苗。巨勝九穀長。其可實穀而苗草耶。二種出入。嫌於妄作矣。尤異者。孫顧二

書。同出大觀。而三品互殊。幾於十二。顧氏詆孫不考本經目錄。故三品種數。顯與名例相違。夫本經目錄。載在李氏綱目第二卷。昭昭者也。孫氏之輯此書。不可謂不勤者矣。獨於此忽焉。而不一寓目耶。豈謂本經久無真本。安所得其目錄。李氏所述不足據耶。然而名例相違。又何也。夫數典者。經生之空談。而無與於醫之實用者也。天下無無用之物。而患無用物之人。物無不樂效用於人。而人每至於負物。是書也。苟不求所以用之。卽名物品數。盡如神農之舊。而何所濟於世。古聖垂教之深心。歷代賢士表章之盛意。其在是耶。用藥一用兵也。善用則攻。卽爲補。不善用則補。亦殺人。世人於兵皆知不可妄動。獨於醫藥。往往輕於嘗試。抑獨何哉。學海慮古籍之湮也。亟爲刊佈。而敍其梗概如此。以見舍顧而從孫者。亦取徵引之富贍耳。至於名象之是非。功用之變化。在善讀者之自得之矣。時光緒辛卯秋仲建德周學海澂之記

神農本草經目錄

卷一 上經

丹沙	四
雲母	五
玉泉	六
石鍾乳	六
涅石	七
消石	八
朴消	八
滑石	八
石膽	九
空青	一〇

神農本草經 目錄

曾青	一〇
禹餘糧	一一
太一餘糧	一一
白石英	一一
紫石英	一二
五色石脂	一二
白青	一三
扁青	一四
菖蒲	一四
蘼華	一五
人參	一五
天門冬	一六

甘草	一六
乾地黄	一七
朮	一七
兔絲子	一八
牛膝	一九
充蔚子	一九
女萎	二〇
防葵	二〇
茆胡	二一
麥門冬	二二
獨活	二二
車前子	二三
木香	二四
薯蓣	二四

薏苡仁	二五
澤瀉	二五
遠志	二六
龍膽	二六
細辛	二六
石斛	二七
巴戟天	二七
白英	二七
白蒿	二八
赤箭	二八
菴闥子	二九
析蓂子	二九
著實	三〇
赤芝	三〇

卷柏	三二
藍實	三二
芎藭	三二
蘼蕪	三三
黃連	三三
絡石	三三
疾藜子	三四
黃耆	三五
肉松容	三五
防風	三五
蒲黃	三六
香蒲	三六
續斷	三七
漏蘆	三七

營實	三七
天名精	三八
決明子	三八
丹參	三九
茜根	三九
飛廉	四〇
五味子	四〇
旋華	四〇
蘭草	四一
蛇牀子	四一
地膚子	四二
景天	四二
因陳	四二
杜若	四三

沙參	四四
白兔躑	四四
徐長卿	四四
石龍芻	四五
薇銜	四五
雲實	四六
王不留行	四六
升麻	四六
青蘘	四七
姑活	四七
別羈	四八
屈草	四八
淮木	四八
牡桂	四九

菌桂	四九
松脂	五〇
槐實	五〇
枸杞	五〇
柏實	五一
伏苓	五一
榆皮	五二
酸棗	五三
檠木	五三
乾漆	五三
五加皮	五四
蔓荊實	五四
辛荑	五四
桑上寄生	五五

杜仲	五五
女貞實	五六
木蘭	五六
蕤核	五七
橘柚	五七
髮髮	五八
龍骨	五八
麝香	五九
牛黃	五九
熊脂	五九
白膠	五九
阿膠	六〇
丹雄雞	六〇
雁肪	六一

石蜜	六一
蜂子	六一
蜜臘	六三
牡蠣	六三
龜甲	六三
桑蜚蛸	六四
海蛤	六四
文蛤	六五
蠶魚	六五
鯉魚膽	六五
藻實莖	六六
大棗	六六
蒲萄	六七
蓬蘽	六七

雞頭實	六八
胡麻	六八
麻黃	六九
冬葵子	七〇
萹實	七〇
瓜蒂	七一
瓜子	七一
苦菜	七一

卷一一 中經

雄黃	四
石硫黃	四
雌黃	五
水銀	五

石膏	五
慈石	五
凝水石	六
陽起石	六
孔公孽	七
殷孽	七
鐵精	七
理石	八
長石	八
膚青	八
乾薑	八
象耳實	九
葛根	九
括蕒根	一〇

淫羊霍	一七
白芷	一六
貝母	一六
知母	一五
百合	一五
秦艽	一四
元參	一四
瞿麥	一三
蠶寶	一三
芍藥	一二
通草	一二
麻黃	一一
當歸	一一
苦參	一〇

黃芩	一七
狗脊	一八
石龍芮	一八
茅根	一九
紫菀	一九
紫草	一九
敗醬	二〇
白鮮	二〇
酸醬	二〇
紫參	二〇
藁本	二一
石韋	二一
草薺	二一
白薇	二二

水萍	二二二
王瓜	二二三
地榆	二二三
海藻	二二三
澤蘭	二二四
防己	二二四
款冬花	二二五
牡丹	二二五
馬先蒿	二二六
積雪草	二二六
女莞	二二六
王孫	二二七
蜀羊泉	二二七
爵床	二二七

假蘇	二二七
翹根	二二八
桑根白皮	二二八
竹葉	二二九
吳茱萸	二二九
卮子	二三〇
蕪菁	二三〇
枳實	二三一
厚朴	二三一
秦皮	二三一
秦茱	二三一
山茱萸	二三三
紫葳	二三三
豬苓	二三四

白棘	三二四
龍眼	三三四
松羅	三三五
衛矛	三三五
合歡	三三六
白馬莖	三三六
鹿茸	三三六
牛角腮	三三六
羚羊角	三三六
牡狗陰莖	三三七
麤羊角	三三七
犀角	三三七
燕屎	三三八
天鼠屎	三三八

蝟皮	三三九
露蜂房	三三九
驚甲	四〇〇
蟹	四〇〇
柞蟬	四〇〇
螬	四〇一
烏賊魚骨	四〇二
白僵蠶	四〇二
鮫魚甲	四〇二
樗雞	四〇三
活輪	四〇三
石龍子	四〇三
木蛭	四〇四
蜚虻	四〇四

蜚廉	四五
麋蟲	四五
伏翼	四五
梅實	四六
大豆黃卷	四七
粟米	四七
黍米	四八
蓼實	四八
葱實	四九
水蘇	四九
卷二 下經	
石灰	三
礬石	四

鉛丹	四
粉錫	五
代赭	五
戎鹽	五
白堊	六
冬灰	六
青琅玕	六
附子	七
烏頭	七
天雄	八
半夏	八
地文	九
虎掌	九
鴛尾	九

大黃	一〇
亭歷	一〇
桔梗	〇
葇蕩子	一
草蒿	二
旋復花	二
藜蘆	二
鉤吻	三
射干	三
蛇合	四
恆山	四
蜀漆	五
甘遂	五
白斂	六

青葙子	一六
藿罔	一六
白及	一七
大戟	一七
澤漆	一七
茵芋	一七
貫衆	一八
萹花	一九
牙子	一九
羊躑躅	一九
商陸	二〇
羊蹄	二〇
篇蓄	二〇
狼毒	二一

白頭翁	一一
鬼臼	一一
羊桃	一一
女青	一一
蓮翹	一一
蘭茹	一一
烏韭	一一
鹿藿	一一
蚤休	一一
石長生	一一
陸英	一一
蓋草	一一
牛扁	一一
夏枯草	一一

莞華	一一
巴豆	一一
蜀茺	一一
阜茨	一一
柳花	一一
棟實	一一
郁李仁	一一
莽草	一一
雷丸	一一
桐葉	一一
梓白皮	一一
石南	一一
黃環	一一
深疏	一一

鼠李	三三
藥實根	三三
藥華	三三
蔓椒	三四
豚卵	三四
麋脂	三四
羆鼠	三五
六畜毛蹄甲	三五
蝦蟆	三五
馬刀	三六
蛇蛻	三六
邱蚓	三七
蠟蟪	三七
吳蚣	三八

水蛭	三八
班苗	三八
貝子	三九
石蠶	三九
雀甕	四〇
蛻螂	四〇
螻蛄	四〇
馬陸	四一
地膽	四一
鼠婦	四二
螢火	四二
衣魚	四三
桃核仁	四三
杏核仁	四四

腐婢	四四
苦瓠	四四
水蘄	四五
彼子	四五
本草經佚文	四七
附吳氏本草十二條	四九
附諸藥制使	五〇
玉石上部	五一
玉石中部	五一
玉石下部	五二
草藥上部	五三
草藥中部	五六
草藥下部	五八
木藥上部	六〇

木藥中部	六一
木藥下部	六一
獸上部	六二
獸中部	六三
獸下部	六三
蟲魚上部	六三
蟲魚中部	六四
蟲魚下部	六五
果上部	六五
果下部	六五
菜上部	六五
米上部	六五
米中部	六六

神農本草經

卷一 上經

上藥一百二十種。為君。主養命以應天。無毒。多服久服不傷人。欲輕身益氣不老延年者。本上經。

丹沙	雲母	玉泉	石鍾乳	涅石	消石
朴消	滑石	石膽	空青	曾青	禹餘糧
太乙餘糧	白石英	紫石英	五色石脂	白青	扁青
右、玉石上品一十八種。舊同。					

魏 清 清

陽湖 建德 鄞縣

吳 孫 周 曹

醒 學 炳 章

普 黓 海 圈

同 點



屈草	雲實	杜若	旋華	天名精	防風	蘼蕪	薯蕷	巴戟天	薏苡仁	苾蒘	朮	昌蒲
淮木	王不留行	沙參	蘭草	決明子	蒲黃	黃連	赤黑青白黃紫芝	白英	澤瀉	麥門冬	兔絲子	蘼華
	升麻	白兔藿	蛇牀子	丹參	香蒲	絡石		白蒿	遠志	獨活	牛膝	人參
	青囊	徐長卿	地膚子	茜根	續斷	蒺藜子	卷柏	赤箭	龍膽	車前子	充蔚子	天門冬
	姑活	石龍芻	景天	飛廉	漏蘆	黃耆	藍實	奄闔子	細辛	木香	女萎	甘草
	別羈	薇銜	因陳	五味子	營實	肉松容	芎藭	析蓂子	石斛	署豫	防葵	乾地黃

右、草上品七十三種。舊七十二種。

牡桂 茵桂 松脂 槐實 枸杞 柏實

伏苓 榆皮 酸棗 葉木 乾漆 五加皮

蔓荊實 辛夷 桑上寄生 杜仲 女貞實 木蘭

蕤核 橘柚

右、木上品二十種。舊一十九種。

髮 髮

右、人一種。舊同。

龍骨 麝香 牛黃 熊脂 白膠 阿膠

右、獸上品六種。舊同。

丹雄雞 鴈肪

右、禽上品二種。舊同。

石蜜 蜂子 蜜臘 牡蠣 龜甲 桑螵蛸

海蛤 文蛤 蠹魚 鯉魚膽

右、蟲魚上品一十種。舊同。

藟實莖 大棗 葡萄 蓬蒿 雞頭實

右果上品五種。舊六種。

胡麻 麻黃

右米穀上品二種。舊三種。

冬葵子 莧實 瓜蒂 瓜子 苦菜


右菜上品五種。舊同。

丹沙味甘微寒。主身體五藏百病。養精神。安魂魄。益氣明目。殺精魅。邪惡鬼。久服通神明不老。能化爲汞。生山谷。太平御覽引多有生山谷三字。大觀本作生符陵。宜改爲白字。而以郡懸爲黑字。下皆仿此。

吳普本草曰。丹沙神農甘。黃帝苦有毒。扁鵲苦。李氏大寒。或生武陵。採無時。能

化未成水銀。畏磁石。惡鹹水。太平御覽

名醫曰。作末。名真朱光。色如雲母。可折者良。生符陵山谷。採無時。

案說文云。丹巴越之赤石也。丹象丹井。象丹形。古文作亦作彤。沙水散石也。頌丹沙所化爲水銀也。管子地數篇云。山上有丹沙者。其下有銚金。淮南子

地形訓云。赤天七百歲生赤丹。赤丹七百歲生赤頰。高誘云。赤丹。丹沙也。山海經云。丹粟。粟。沙。音之。緩急也。沙。舊作砂。非。汞。卽頰。省文。列僊傳云。赤斧能作水。頰。鍊丹與消石服之。按。金石之藥。古人云。久服輕身延年者。謂當避穀絕人道。或服數十年。乃効耳。今人和肉食服。遂多相反。轉以成疾。不可疑古書之虛誣。雲母味甘平。主身皮死肌。中風寒熱。如在車船上。除邪氣。安五藏。益子精。明目。久服輕身延年。一名雲珠。一名雲華。一名雲英。一名雲液。一名雲沙。一名磷石。生山谷。

名醫曰。生太山齊廬山。及瑯邪北定山石間。二月采。此錄名醫說者卽是仲景之無從別耳亦以補普書不備也

案。列僊傳云。方回鍊食雲母。抱朴子僊藥篇云。雲母有五種。五色並具而多青者。名雲英。宜以春服之。五色並具而多赤者。名雲珠。宜以夏服之。五色並具而多白者。名雲液。宜以秋服之。五色並具而多黑者。名雲母。宜以冬服之。但有青黃二色者。名雲沙。宜以季夏服之。晶晶純白。名磷石。可以四時長服之也。李善文選注引異物志。雲母一名雲精。入地萬歲不朽。說文無磷字。玉篇云。磷。薄也。

雲母之別名。

玉泉味甘平。主五藏百病。柔筋強骨。安魂魄。長肌肉。益氣。久服耐寒暑。御覽引能耐
古不飢渴。不老神僊。人臨死服五斤。死三年色不變。一名玉杵。御覽引作玉濃初
之長生不死。御覽又引云。玉桃服之。長生不死。若不得
早服之。臨死日服之。其尸畢天地不朽。則杵疑當作桃。生山谷。

吳普曰。玉泉一名玉屑。神農。岐伯。雷公。甘。李氏。平。畏款冬。惡青竹。覽。白玉杵如
白頭公。同上專類賦引云。白玉體如白首翁。

案。周禮。玉府。王齋則供食玉。鄭云。玉是陽精之純者。食之以禦水氣。鄭司農云。
王齋當食玉屑。抱朴子。僊藥篇云。玉可以爲米酒。及地榆酒。化之爲水。亦可以
蔥漿消之爲糝。亦可餌以爲丸。亦可燒以爲粉。服之一年以上。入水不露。入火
不灼。刃之不傷。百毒不犯。不可用已成之器。傷人無益。當得璞玉。乃可用也。得
于闐國白玉尤善。其次有南陽徐善亭部界山中玉。及日南盧容水中玉亦佳。
石鍾乳味甘溫。主欬逆上氣。明目益精。安五藏。通百節。利九竅。下乳汁。御覽引云。
亂。大觀本一作。生山谷。

吳普曰。鍾乳一名虛中。神農。辛。桐君。黃帝。醫和。甘。扁鵲。甘無毒。御覽引云。生山

谷。御覽引云陰處崖下溜汁成。御覽引作溜。如乳汁。黃白色。空中相通。二月三

月采陰乾。凡吳晉本草掌禹錫所引者不復注。惟注其出御覽諸書者。

名醫曰。一名公乳。一名蘆石。一名夏石。生少室及太山。采無時。

案。范子計然云。石鍾乳出武都。黃白者善。凡選注御覽及大觀本草列僊傳云。

印疏。黃石髓而服之。謂之石鍾乳。鍾當爲湏。說文云。乳汁也。鍾。假音字。

涅石。舊作攀石。據郭璞注。山海經引作涅石。味酸寒。主寒熱洩利。白沃陰蝕。惡創目痛。堅筋骨齒。鍊

餌服之。輕身不老。增年。一名羽磈。生山谷。

吳普曰。礬石一名羽磈。一名羽澤。神農。歧伯。酸。扁鵲。鹹。雷公。酸無毒。生河西或

隴西。或武都石門。采無時。歧伯久服傷人骨。

名醫曰。一名羽澤。生河西及隴西。武都石門。采無時。

案。說文無礬字。玉篇云。礬。石也。磈。礬石也。西山經云。女牀之山。其陰多涅石。郭

璞云。卽礬石也。楚人名爲涅石。秦名爲羽涅也。本草經亦名曰涅石也。范子計

然云。礬石出武都。淮南子倣真訓云。以涅染縵。高誘云。涅。礬石也。舊涅石作礬

石。羽涅作羽磈。非。

消石。味苦寒。主五藏積熱。胃張閉。滌去蓄結。飲食。推陳致新。除邪氣。鍊之如膏。久服輕身。御覽引云一名芒硝。大觀本作黑字。生山谷。

吳普曰。消石。神農苦扁鵲甘。見御覽。禹錫所引。跡。

名醫曰。一名芒消。生益州及武都隴西西羌。采無時。

案。范子計然云。硝石出隴道。據名醫一名芒消。又別出芒消條。非。北山經云。京山其陰有元礪。疑礪卽消異文。

朴消。味苦寒。主百病。除寒熱邪氣。逐六府積聚。結固留癖。能化七十二種石。鍊餌服之。輕身神僊。生山谷。

吳普曰。朴硝石。神農。歧伯。雷公。無毒。生益州或山陰。入土千歲不變。鍊之不成。不可服。御覽

名醫曰。一名消石。朴生益州。有鹽水之陽。采無時。

案。說文云。朴。木皮也。此蓋消石外裹如玉璞耳。舊作硝俗字。

滑石。味甘寒。主身熱洩瀉。女子乳難。癰閉。利小便。蕩胃中積聚寒熱。益精氣。久服輕身。耐飢。長年。生山谷。

名醫曰。一名液石。一名共石。一名脫石。一名番石。生潯陽及太山之陰。或掖北白山。或卷山。采無時。

案。范子計然云。滑石白滑者善。南越志云。管城縣出管石。卽滑石也。

石膽味酸寒。主明目目痛。金創諸癩瘡。女子陰蝕痛。石淋寒熱。崩中下血。諸邪毒氣。令人有子。鍊餌服之不老。久服增壽神僊。能化鐵爲銅。成金銀。御覽引一作合釧一名畢石。生山谷。

吳普曰。石膽。神農。酸小寒。李氏。大寒。桐君。辛有毒。扁鵲。苦無毒。御覽引云一名生羌道。或句青山。二生羌道。子辛丑采。

名醫曰。一名黑石。一名碁石。一名銅勒。生羌道羌里句青山。二月庚子辛丑日采。

案。范子計然云。石膽出隴西羌道。陶宏景云。僊經一名立制石。周禮瘍醫。凡療瘍以五毒攻之。鄭云。今醫方有五毒之藥。作之合黃墜。置石膽。丹砂。雄黃。礬石。慈石。其中燒之。三日三夜。其煙上著。以雞羽掃取之。以注創惡肉。破骨則盡出。圖經曰。故翰林學士楊億嘗筆記。直史館楊峴有瘍生於頰。人語之。依鄭法合

燒藥成。注之瘡中遂愈。信古方攻病之速也。

空青味甘寒。主青盲耳聾。明目。利九竅。通血脈。養精神。久服輕身。延年不老。能化

銅鐵。鈇錫作金。生山谷。

吳普曰。空青神農甘一經。酸。久服有神。僊玉女來侍。使人志高。覽

名醫曰。生益州及越嶲山。有銅處。銅精薰則生空青。其腹中空。三月中旬采亦

無時。

案。西山經云。皇人之山。其下多青。郭璞云。空青。曾青之屬。范子計然云。空青出

巴郡。司馬相如賦云。丹青。張揖云。青青。青腹也。顏師古云。青腹。今之丹青也。

曾青味酸。小寒。主目痛。止淚出。風痺。利關節。通九竅。破癥。堅積聚。久服輕身不老。

能化金銅。生山谷。

名醫曰。生蜀中及越嶲。采無時。

案。管子揆度篇云。秦明山之曾青。荀子云。南海則有曾青。楊倞注。曾青。銅之精。

范子計然云。曾青出宏農。豫章。白青出新涂。青色者善。淮南子地形訓云。青天

入百歲生青曾。高誘云。青曾。青石也。

禹餘糧。味甘寒。主欬逆寒熱。煩滿下痢。御覽有赤白。血閉癥瘕大熱。鍊餌服之。不飢。輕身延年。生池澤及山島中。

名醫曰。一名白餘糧。生東海及池澤中。

案。范子計然云。禹餘糧出河東。列僊傳云。赤斧上華山取禹餘糧。博物志云。世傳昔禹治水。棄其所餘食於江中而爲藥也。按。此出神農經。則禹非夏禹之禹。或本名白餘糧。名醫等移其名耳。

太一餘糧。味甘平。主欬逆上氣。癥瘕血閉漏下。除邪氣。久服耐寒暑。不飢輕身。飛行千里。神僊。御覽引作若神僊。一名石墻。生山谷。

吳普曰。太一禹餘糧。一名禹哀。神農。歧伯。雷公。甘平。李氏。小寒。扁鵲。甘無毒。生太山上。有甲。甲中有白。白中有黃。如鷄子黃色。九月采。或無時。

名醫曰。生太山。九月采。

案。抱朴子金丹篇云。靈丹經用丹沙。雄黃。雌黃。石硫黃。曾青。礬石。磁石。戎鹽。太一禹餘糧。亦用六一泥。及神室祭醮合之。三十六日成。

白石英。味甘微溫。主消渴陰痿不足。欬逆。御覽引逆胸鬲間久寒。益氣。除風溼痺。御覽

引作陰

久服輕身御覽引作

長年。生山谷。

吳普曰。白石英。神農。甘。歧伯。黃帝。雷公。扁鵲。無毒。生太山。形如紫石英。白澤長者二三寸。采無時。御覽引云。久服通日月光。

名醫曰。生華陰及太山。

案。司馬相如賦。有白堊。蘇林云。白堊。白石英也。司馬貞云。出魯陽山。

紫石英。味甘溫。主心腹欬逆。御覽引作嘔逆邪氣。補不足。女子風寒在子宮。絕孕十年無

子。久服溫中。輕身延年。生山谷。

吳普曰。紫石英。神農。扁鵲。味甘平。李氏。大寒。雷公。大溫。歧伯。甘無毒。生太山。或

會稽。采無時。欲令如削。紫色。達頭如樗蒲者。

又曰。青石英。形如白石英。青端赤後者是。赤石英。形如白石英。赤端白後者是。

赤澤有光。味苦。補心氣。黃石英。形如白石英。黃色如金。白後者是。黑石英。形如

白石英。黑澤有光。御覽掌禹錫引此節文。

名醫曰。生太山。采無時。

青石。赤石。黃石。白石。黑石。脂等。味甘平。主黃疸洩利。腸癰膿血。陰蝕下血。赤白邪

氣。癰腫疽痔惡創。頭瘍疥搔。久服補髓益氣。肥健不飢。輕身延年。五石脂各隨五色。補五藏。生山谷中。

吳普曰。五色石脂。一名青。赤。黃。白。黑。符。青符。神農。甘。雷公。酸。無毒。桐君。辛。無毒。李氏。小寒。生南山。或海涯。采無時。赤符。神農。雷公。甘。黃帝。扁鵲。無毒。李氏。小寒。或生少室。或生太山。色絳滑如脂。黃符。李氏。小寒。雷公。苦。或生嵩山。色如獾腦。雁雛。采無時。白符。一名隨。隴岐伯。雷公。酸。無毒。李氏。小寒。桐君。甘。無毒。扁鵲。辛。或生少室。天婁山。或太山。黑符。一名石泥。桐君。甘。無毒。生洛西山空地。

名醫曰。生南山之陽。一本作南陽。又云黑石脂。一名石涅。一名石墨。

案。吳普引神農甘云云。五石脂各有條。後世合爲一條也。范子計然云。赤石脂出河東。赤色者善。列遷傳云。赤須子好食石脂。

白青。味甘平。主明目。利九竅。耳聾。心下邪氣。令人吐。殺諸毒三蟲。久服通神明。輕身。延年不老。生山谷。

吳普曰。神農。甘平。雷公。酸。無毒。生豫章。可消而爲銅。覽。名醫曰。生豫章。采無時。

案、范子計然云。白青出巴郡。

扁青味甘平。主目痛明目。折跌癰腫。金創不瘳。破積聚。解毒氣。御覽引利精神。久服輕身不老。生山谷。

吳普曰。扁青神農、雷公、小寒無毒。生蜀郡。治丈夫內絕。令人有子。御覽引云。治身輕。

名醫曰。生朱崖武都朱提。采無時。

案、范子計然云。扁青出宏農、豫章。

右、玉石上品一十八種。舊同。

菖蒲味辛溫。主風寒溼痺。欬逆上氣。開心孔。補五藏。通九竅。明耳目。出聲音。久服輕身。不忘不迷。或延年。一名昌陽。御覽引云。生石上。三字有云。一寸九節者。久服輕身。云云。

黑字。生池澤。

吳普曰。昌蒲一名堯韭。藝文類聚引

名醫曰。生上洛及蜀郡巖道。五月十二日采根陰乾。

案、說文云。芣。昌蒲也。益州生菝。芣。菝也。廣雅云。芣。昌陽。昌蒲也。周禮醢人云。昌

本。鄭云。昌本昌蒲根。切之四寸爲菹。春秋左傳云。饗以昌歠。杜預云。昌歠。昌蒲菹。呂氏春秋云。冬至後五旬七日。昌始生。昌者百草之先。於是始耕。淮南子說山訓云。昌羊去蚤蟲。而來蛤鼈。高誘云。昌羊。昌蒲。列僊傳云。商邱子胥食昌蒲根。務光服蒲韭根。離騷草木疏云。沈存中云。所謂蘭蓀。卽今昌蒲是也。

蕪華。味苦平。主風頭眩腫痛。目欲脫。淚出。皮膚死肌。惡風溼痺。久服利血氣。輕身耐老延年。一名節華。生川澤及田野。

吳普曰。蕪華一名白華。初學一名女華。一名女莖。

名醫曰。一名日精。一名女節。一名女華。一名女莖。一名更生。一名周盈。一名傅延年。一名陰成。生雍州。正月采根。三月采葉。五月采莖。九月采花。十一月采實。皆陰乾。

案說文云。蕪。治牆也。蕪。日精也。似秋華。或省作蕪。爾雅云。蕪。治牆。郭璞云。今之秋華。菊則蕪。蕪。蕪。皆秋華字。今惟作菊。說文以爲大菊。蘧麥。假音用之也。

人參。味甘微寒。主補五藏。安精神。定魂魄。止驚悸。除邪氣。明日開心。益智。久服輕身延年。一名人銜。一名鬼蓋。生山谷。

吳普曰。人參一名土精。一名神草。一名黃參。一名血參。一名人微。一名玉精。神農。甘小寒。桐君。雷公。苦。歧伯。黃帝。甘無毒。扁鵲。有毒。生邯鄲。三月生。葉小。兌核黑。莖有毛。三月九月采根。根有頭。足手面目如人。覽御

名醫曰。一名神草。一名人微。一名土精。一名血參。如人形者有神。生上黨及遼東。二月四月八月上旬採根。竹刀刮暴乾。無令見風。

案說文云。藎。人藎。藥草。出上黨。廣雅云。地精。人藎也。范子計然云。人參出上黨。狀類人者善。劉敬叔異苑云。人參一名土精。生上黨者佳。人形皆具。能作兒啼。天門冬。味苦平。主諸暴風溼偏痺。強骨髓。殺三蟲。去伏尸。久服輕身。益氣延年。一名顛勒。爾雅注引云。門冬。生山谷。一名滿冬。今無文。

名醫曰。生奉高山。二月七月八月采根暴乾。

案說文云。藎。藎。藎。藎冬也。中山經云。條谷之山。其草多藎冬。爾雅云。藎。藎冬。列僊傳云。赤須子食天門冬。抱朴子僊藥篇云。天門冬。或名地門冬。或名筵門冬。或名顛棘。或名淫羊食。或名管松。

甘草味甘平。主五藏六府寒熱邪氣。堅筋骨。長肌肉。倍力。金創。廕。解毒。久服輕身。

延年。御覽引大觀一本名美草生山谷。

名醫曰。一名密甘。一名美草。一名蜜草。一名蔞。蔞作草生河西積沙山及上郡。

二月八月除日采根暴乾十日成。

案說文云。甘。甘草也。蔞。大苦也。苦。大苦。蔞也。廣雅云。美草。甘草也。毛詩云。隰有

苓。傳云。苓。大苦。爾雅云。蔞。大苦。郭璞云。今甘草蔓延生。葉似荷。青黃。莖赤黃。有

節。節有枝相當。或云蔞似地黃。此作甘。省字。蔞。苓通。

乾地黃。味甘寒。主折跌絕筋傷中。逐血痺。填骨髓。長肌肉。作湯除寒熱積聚。除痺。

生者尤良。久服輕身不老。一名地髓。生川澤。

名醫曰。一名苜。一名芭。生咸陽黃土地者佳。二月八月采根陰乾。

案說文云。苜。地黃也。禮曰。鈇毛。牛薶。羊苜。豕薇。廣雅云。地髓。地黃也。爾雅云。苜。

地黃。郭璞云。一名地髓。江東呼苜。列僊傳云。呂尙服地髓。

苜。味苦溫。主風寒溼痺。死肌癰疽。止汗除熱。消食作煎餌。久服輕身。延年不飢。一

名山薶。薶作山薶生山谷。

吳普曰。苜。一名山連。一名山芥。一名天蘇。一名山薑。薶文

名醫曰。一名山薑。一名山連。生鄭山。漢中南鄭。二月三月八月九月採根暴乾。
案。說文云。荒。山薺也。廣雅云。山薑。荒也。白朮。牡丹也。中山經云。首山草多荒。郭
璞云。荒。山薺也。爾雅云。朮。山薺。郭璞云。今朮似薺而生山中。范子計然云。朮出
三輔。黃白色者善。列僊傳云。涓子好餌朮。抱朴子僊藥篇云。朮一名山薺。一名
山精。故神藥經曰。必欲長生。長服山精。

兔絲子。味辛平。主續絕傷。補不足。益氣力。肥健。汁去面疔。久服明目。輕身延年。一
名兔蘆。生川澤。

吳普曰。兔絲一名玉女。一名松蘿。一名烏蘿。一名鴨蘿。一名複實。一名赤網。生
山谷。覽御

名醫曰。一名菟縷。一名唐蒙。一名玉女。一名赤網。一名兔纍。生朝鮮田野。蔓延
草木之上。色黃而細。爲赤網。色淺而大。爲兔纍。九月採實暴乾。

案。說文云。蒙。玉女也。廣雅云。兔邱。兔絲也。女蘿。松蘿也。爾雅云。唐蒙。女蘿。女兔。
兔絲。又云。蒙。玉女。毛詩云。爰采唐矣。傳云。唐蒙。菜名。又薦與女蘿。傳云。女蘿。蘿。
絲。松蘿也。陸璣云。今兔絲蔓連草上生。黃赤如金。今合藥兔絲子是也。非松蘿。

松蘿自蔓松上。枝正青。與菟絲異。楚詞云。被薜荔兮帶女蘿。王逸云。女蘿。兔絲也。淮南子云。千秋之松。下有茯苓。上有兔絲。高誘注云。茯苓。千歲松脂也。兔絲。生其上而無根。舊作菟。非。

牛薺。味苦酸。御覽作主寒傷寒。御覽作溼痿痺。四肢拘攣。膝痛不可屈伸。逐血氣傷熱火爛墮胎。久服輕身耐老。御覽作一名百倍。生川谷。

吳普曰。牛薺。神農。甘。一經。酸。黃帝。扁鵲。甘。李氏。溫。雷公。酸。無毒。生河內。或臨卽。葉如夏藍。莖本赤。二月八月采。御覽

名醫曰。生河內。及臨胸。二月八月十月采。根陰乾。

案。廣雅云。牛薺。牛膝也。陶宏景云。其莖有節似膝。故以爲名也。膝當作薺。

充蔚子。味辛微溫。主明目益精。除水氣。久服輕身。莖主癰癤痒。可作浴湯。一名益母。一名益明。一名大札。生池澤。

名醫曰。一名貞蔚。生海濱。五月采。

案。說文云。菴。菴也。廣雅云。益母。充蔚也。爾雅云。菴。菴。郭璞云。今菴蔚也。毛詩云。中谷有菴。傳云。菴。菴也。陸云。舊說及魏博士濟陰周元明皆云。菴。閭是也。韓詩

及三蒼說。悉云益母。故曾子見益母而感。劉歆曰。蕕。臭穢。臭穢卽莞蔚也。舊作莞。非。

女萎味甘平。主中風暴熱。不能動搖。跌筋結肉。諸不足。久服去面黑。好顏色。潤澤。輕身不老。生山谷。

吳普曰。女萎一名葳蕤。一名玉馬。一名地節。一名蟲蟬。一名烏萎。一名熒。一名玉竹。神農苦。一經。甘。桐君。雷公。扁鵲。甘無毒。黃帝。辛。生太山山谷。葉青黃。相值如薑。二月七月采。治中風暴熱。久服輕身。御。一名左阿。久服輕身耐老。上。名醫曰。一名熒。一名地節。一名玉竹。一名馬熏。生太山及邱陵。立春後采。陰乾。案爾雅云。熒。委萎。郭璞云。藥草也。葉似竹。大者如箭筈。有節。葉狹而長。表白裏青。根大如指。長一二尺。可啖。陶宏景云。按本經有女萎無萎蕤。別錄有萎蕤而爲用正同。疑女萎卽萎蕤也。惟名異耳。陳藏器云。魏志樊阿傳。青黏。一名黃芝。一名地節。此卽萎蕤。

防葵。味辛寒。主疝瘕腸洩。膀胱熱結。瀉不下。欬逆溫瘧。癩癩驚邪狂走。久服堅骨髓。益氣輕身。一名黎蓋。生山谷。

吳普曰。房葵一名黎蓋。一名爵離。一名房苑。一名晨草。一名利如。一名方蓋。神農辛小寒。桐君扁鵲無毒。歧伯雷公黃帝苦無毒。莖葉如葵。上黑黃。二月生根。根大如桔梗。根中紅白。六月花白。七月八月實白。三月三日采根。覽御
名醫曰。一名房慈。一名爵離。一名農果。一名利茹。一名方蓋。生臨淄及嵩高。太山少室。三月三日采根暴乾。

案博物志云。防葵與狼毒相似。

芘胡味苦平。主心腹去腸胃中結氣。飲食積聚。寒熱邪氣。推陳致新。久服輕身。明目益精。一名地熏。

吳普曰。芘葫一名山菜。一名茹草。神農歧伯雷公苦無毒。生寃句。二月八月采根。覽御

名醫曰。一名山菜。一名茹草。葉一名芸蒿。辛香可食。生宏農及寃句。二月八月采根暴乾。

案博物志云。芸蒿葉似邪蒿。春秋有白蒿。長四五寸。香美可食。長安及河內並有之。夏小正云。正月采芸。月令云。仲春芸始生。呂氏春秋云。菜之美者。華陽之

芸。皆卽此也。急就篇有芸。顏師古注云。卽今芸蒿也。然則是此苾胡葉矣。苾柴前聲相轉。名醫別出前胡條。非。陶宏景云。本經上品有苾胡而無此。晚來醫乃用之。

麥門冬。味甘平。主心腹結氣。傷中傷飽。胃絡脈絕。羸瘦短氣。久服輕身。不老不飢。生川谷及隄阪。

吳普曰。一名馬韭。一名蘗冬。一名忍冬。一名忍陵。一名不死藥。一名僕壘。一名隨脂。太平御覽引云。一名羊。一名秦。一名馬。一名韭。一名禹。一名越。一名神農。一名岐伯。一名甘平。一名黃帝。一名桐君。一名雷公。一名甘無毒。一名李氏。一名甘小溫。一名扁鵲。一名無毒。一名山谷肥地。一名葉如韭。一名肥澤。一名叢生。一名無時。一名實青黃。

名醫曰。秦名羊韭。齊名愛韭。楚名馬韭。越名羊著。一名禹葭。一名禹餘糧。葉如韭。冬夏長生。生函谷肥土石間。久廢處。二月三月八月十月采。陰乾。

案。說文云。葱。葱冬草。中山經云。青要之山。是多僕壘。據吳普說。卽麥門冬也。忍葱壘。音同。陶宏景云。實如青珠。根似穰麥。故謂麥門冬。

獨活。味苦平。主風寒所擊。金瘡止痛。賁豚癩瘡。女子疝瘕。久服輕身耐老。一名羌

活。一名羌青。一名護羌使者。生川谷。

吳普曰。獨活一名胡王使者。神農黃帝苦無毒。八月采。此藥有風花不動。無風

獨搖。覽

名醫曰。一名胡王使者。一名獨搖草。此草得風不搖。無風自動。生雍州或隴西

南安。二月八月采根暴乾。

案。列僊傳云。山圖服羌活。獨活。則似二名。護羌胡王皆羌字。緩聲。猶專諸爲專

設諸。庾公差爲庾公之斯。非有義也。

車前子。味甘寒無毒。主氣癰止痛。利水道小便。除溼痺。久服輕身耐老。一名當道。

御覽有云。一名牛舌。大觀本作云。牛遺黑字。生平澤。

名醫曰。一名茅苜。一名蝦蟇衣。一名牛遺。一名勝鳥。生真定邱陵阪道中。五月

五日采陰乾。

案。說文云。茅。一曰茅苜。苜。茅苜。一名馬鳥。其實如李。令人宜子。周書所說。廣雅

云。當道馬鳥也。爾雅云。茅苜馬鳥。馬鳥車前。郭璞云。今車前草大葉長穗。好生

道邊。江東呼爲蝦蟇衣。又隴牛羶。孫炎云。牛前一。名牛羶。毛詩云。采采茅苜。傳

云茅苜馬鳥。馬鳥，車前也。陸璣云：馬鳥一名車前，一名當道。喜在牛蹟中生。故曰車前當道也。今藥中車前子是也。幽州人謂之牛舌草。

木香，味辛，主邪氣，辟毒疫溫鬼，強志，主淋露。御覽引云：大觀本作黑字，不久服不夢寤覺寐。

御覽引云：一名密青，又云輕身致神，仙大觀本俱作黑字。生山谷。

名醫曰：一名蜜香，生永昌。

署豫，舊作薯蓣，御覽引云：是味甘溫。主傷中，補虛羸，除寒熱邪氣，補中益氣力，長肌肉，久服耳目聰明，輕身，不飢延年。一名山芋，生山谷。

吳普曰：薯蓣一名諸署。御覽作署，豫作諸署，藝文類聚亦作諸署。齊越名山芋，一名修脆，一名兒草。

御覽引云：秦楚名玉，延齊越名山芋，鄭趙名山芋，一名玉延。神農甘小溫，桐君雷公甘。御覽無毒，或生臨胸。鍾山始生赤莖，細蔓，五月華，白七月實，青黃八月熟，落根中白皮黃類芋。御覽引云：二月三月八月采根，惡甘遂。

名醫曰：秦楚名玉延，鄭越名土藟，生蒿高。二月八月采根暴乾。

案廣雅云：玉延，藟，署預也。北山經云：景山草多藟，莫郭璞云：根似羊蹄，可食。今江南單呼為藟，語有輕重耳。苑子計然云：藟，莫本出三輔，白色者善。本草衍

義云。山藥上一字犯宋英廟諱。下一字曰蕘。唐代宗名豫。故改下一字爲蕘。
蕘。苳苳仁。味甘微寒。主筋急拘攣。不可屈伸。風溼痺下氣。久服輕身益氣。其根下三
蟲。一名解蠡。生平澤及田野。

名醫曰。一名屋茨。一名起實。一名贛。生真定。八月采實。采根無時。

案。說文云。蕘。蕘苳。一曰蕘英。贛。一曰蕘苳。廣雅云。贛起。實蕘巨也。吳越春秋。鯨
聚於有辛氏之女。名曰女嬉。年壯未孳。嬉於砥山。得蕘苳而吞之。意若爲人所
感。因而妊孕。後漢書馬援傳。援在交趾。常餌蕘苳實。用能輕身。省欲以勝瘴。蕘
俗作蕘。非。

澤瀉。味甘寒。主風寒溼痺。乳難。消水。養五藏。益氣力肥健。久服耳目聰明。不飢。延
年輕身。面生光。能行水上。一名水瀉。一名芒芋。一名鵠瀉。生池澤。

名醫曰。生汝南。五六月采根。陰乾。

案。說文云。蕘。水寫也。爾雅云。瀘蕘。郭璞云。今澤瀉。又蕘牛脣。郭璞云。毛詩傳云。
水蕘也。如續斷寸寸有節。拔之可復。毛詩云。言采其蕘。傳云。蕘。水鳥也。陸璣云。
今澤瀉也。其葉如車前草大。其味亦相似。徐州廣陵人食之。

遠志。味苦溫。主效逆傷中。補不足。除邪氣。利九竅。益智慧。耳目聰明。不忘。強志倍力。久服輕身不老。葉名小草。一名棘菴。陸德明爾雅一名萋繞。御覽作一名細草。生川谷。

名醫曰。生太山及冤句。四月采根。葉陰乾。

案說文云。菴。棘菴也。廣雅云。棘菴。遠志也。其上謂之小草。爾雅云。萋繞。棘菴。郭璞云。今遠志也。似麻黃。赤華。葉銳而黃。

龍膽。味苦澀。主骨間寒熱。驚癇邪氣。續絕傷。定五藏。殺蟲毒。久服益智不忘。輕身耐老。一名陵游。生山谷。

名醫曰。生齊胸及冤句。二月八月十一月十二月采根。陰乾。

細辛。味辛溫。主效逆頭痛。齧動。百筋拘攣。風溼痺痛。死肌。久服明目。利九竅。輕身長年。一名小辛。生山谷。

吳普曰。細辛。一名細草。御覽引云。神農黃帝雷公桐君辛小溫。歧伯無毒。李氏

小寒。如葵葉。色赤黑。一根一葉相連。御覽引云。三

名醫曰。生華陰。二月八月采根。陰乾。

案、廣雅云。細條、少辛、細辛也。中山經云。浮戲之山。上多少辛。郭璞云。細辛也。管子地員篇云。小辛大蒙。范子計然云。細辛出華陰。色白者善。

石斛、味甘平。主傷中除痺下氣。補五藏虛勞羸瘦。強陰。久服厚腸胃。輕身延年。一

名林蘭。御覽引云一名禁。生山谷。

吳普曰。石斛神農、甘平。扁鵲、酸。李氏、寒。御覽

名醫曰。一名禁生。一名杜蘭。一名石蘧。生六安水傍石上。七月八月采莖陰乾。

案、范子計然云。石斛出六安。

巴戟天、味辛微溫。主大風邪氣。陰痿不起。強筋骨。安五藏。補中增志。益氣。生山谷。

名醫曰。生巴郡及下邳。二月八月采根陰乾。

白英、味甘寒。主寒熱入疽消渴。補中益氣。久服輕身延年。一名穀菜。元本譌生山

谷。

名醫曰。一名白草。生益州。春采葉。夏采莖。秋采花。冬采根。

案、爾雅云。苻鬼目。郭璞云。今江東有鬼目草。莖似葛葉圓而毛。子如耳瑋也。赤

色叢生。唐本注白英云。此鬼目草也。

白蒿味甘平。主五藏邪氣。風寒溼痺。補中益氣。長毛髮令黑。療心懸少食常飢。久服輕身。耳目聰明不老。生川澤。

名醫曰。生中山。二月采。

案。說文云。繫。白蒿也。艾。冰臺也。廣雅云。繫。母。蒨。勃也。爾雅云。艾。冰臺。郭璞云。今艾。白蒿。夏小正云。二月采繫。傳云。繫。由胡。由胡者。繫。母也。繫。母者。旁。勃也。爾雅云。繫。皤。蒿。郭璞云。白蒿。又繫。由胡。郭璞云。未詳。毛詩云。于以采繫。傳云。繫。皤。蒿也。又采繫。祁。傳云。繫。白蒿也。陸璣云。凡艾白色者。爲皤。蒿。楚詞。王逸注云。艾。白蒿也。按。皤。白音義。皆相近。艾是藥名。本草經無者。卽白蒿是也。名醫別出艾條。非。

赤箭。味辛溫。主殺鬼精物。蠱毒惡氣。久服益氣力。長陰肥健。輕身增年。一名離母。一名鬼督郵。生川谷。

吳普曰。鬼督郵。一名神草。一名閻狗。或生太山。或少室。莖箭赤無葉。根如芋子。

三月四月八月采根。日乾。治癰腫。

御覽

名醫曰。生陳倉。雍州及太山少室。三月四月八月采根。暴乾。

案抱朴子云。按僂方中有合離草。一名獨搖。一名離母。所以謂之合離離母者。此草爲物。下根如芋魁。有游子十二枚。周環之。去大魁數尺。雖相須而實不相連。但以氣相屬耳。別說云。今醫家見用天麻。卽是此赤箭根。

菴闔子。舊作菴闔。是味苦微寒。主五藏瘀血。腹中水氣。臚張留熱。風寒溼痺。身體諸痛。久服輕身。延年不老。生川谷。

吳普曰。菴闔。神農。雷公。桐君。歧伯。苦。小溫。無毒。李氏。溫。或生上黨。葉青厚。兩相當。七月花白。九月實黑。七月九月十月采。驢馬食僂去覽。

名醫曰。駝驢食之神僂。生雍州。亦生上黨及道邊。十月采實陰乾。案。司馬相如賦。有菴闔。張揖云。菴闔。蒿也。子可治疾。

析黃子。味辛微溫。主明目。目痛淚出。除痺補五藏。益精光。久服輕身不老。一名蕺析。一名大蕺。一名馬辛。生川澤及道旁。

吳普曰。析黃。一名析目。一名榮冥。一名馬駢。雷公。神農。扁鵲。辛。李氏。小溫。四月采乾。二十日生道旁。得細辛良。畏乾薑。苦參。薺實。神農。無毒。生野田。五月五日采陰乾。治腹脹。覽

名醫曰。一名大薺。生咸陽。四月五月采暴乾。

案。說文云。蕒。析蕒。大薺也。廣雅云。析蕒。馬辛也。爾雅云。析蕒。大薺。郭璞云。薺葉細。俗呼之曰老薺。舊作薺非。

著實。味苦平。主益氣。充肌膚。明目聰慧。先知。久服不飢。不老。輕身。生山谷。

吳普曰。著實。味苦酸。平無毒。主益氣。充肌膚。明目聰慧。先知。久服不飢。不老。輕身。生少室山谷。八月九月采。實暴乾。御覽

名醫曰。生少室。八月九月采。實日乾。

案。說文云。著。蒿屬。生千歲。三百莖。史記龜策傳云。著百莖共一根。

赤芝。味苦平。主胸中結。益心氣。補中增慧。智不忘。久食輕身不老。延年神僊。一名芝丹。黑芝。味鹹平。主癰利水道。益腎氣。通九竅。聰察。久食輕身不老。延年神僊。一名元芝。青芝。味酸平。主明目。補肝氣。安精魂。仁恕。久食輕身不老。延年神僊。一名龍芝。白芝。味辛平。主效逆上氣。益肺氣。通利口鼻。強志意。勇悍安魄。久食輕身不老。延年神僊。一名玉芝。黃芝。味甘平。主心腹五邪。益痺氣。安神。忠信和樂。久食輕身不老。延年神僊。一名金芝。紫芝。味甘溫。主耳聾。利關節。保神益精氣。堅筋骨。好

顏色。久食輕身不老延年。一名木芝。生山谷。舊作六

吳普曰。紫芝一名木芝。

名醫曰。赤芝生霍山。黑芝生恆山。青芝生太山。白芝生華山。黃芝生嵩山。紫芝生高夏地上。色紫形如桑。覽六山皆無毒。六月八月采。

案說文云。芝。神草也。爾雅云。茵芝。郭璞云。芝一歲三華。瑞草。禮內則云。芝栢。盧植注云。芝。木芝也。楚詞云。采三秀于山間。王逸云。三秀謂芝草。後漢書華佗傳。有漆葉青麩散。注引佗傳曰。青麩者。一名地節。一名黃芝。主理五藏。益精氣。本字書無麩字。相傳音女廉反。列僊傳云。呂尚服澤芝。抱朴子僊藥篇云。赤者如珊瑚。白者如截肪。黑者如澤漆。青者如翠羽。黃者如紫金。而皆光明洞徹。如堅冰也。

卷柏。味辛溫。生山谷。主五藏邪氣。女子陰中寒熱痛。癥瘕血閉絕子。久服輕身和顏色。一名萬歲。生山谷石間。

吳普曰。卷柏。神農。辛。桐君。雷公。甘。御覽引云。一名豹足。一名神枝。時生山谷。名醫曰。一名豹足。一名求股。一名交時。生常山。五月七月采。陰乾。

案、范子計然云。卷柏出三輔。

藍寶味苦寒。主解諸毒。殺蟲。蚊注。鬼螫毒。久服頭不白。輕身。生平澤。

名醫曰。其莖葉可以染青。生河內。

案、說文云。蒧。馬藍也。藍。染青草也。爾雅云。蒧。馬藍。郭璞云。今大葉冬藍也。周禮掌染草。鄭注云。染草。藍蒧。象斗之屬。夏小正。五月啓灌藍。毛詩云。終朝采藍。箋云。藍。染草也。

芎藭味辛溫。主中風入腦頭痛。寒痺筋攣。緩急。金創。婦人血閉無子。生川谷。

吳普曰。芎藭。一覽引云。神農黃帝。岐伯。雷公。辛無毒。扁鵲。酸無毒。李氏。生溫熟寒。或生胡無桃山陰。或太山。西覽作或斜谷。葉香細青黑。文赤如藁本。冬夏叢生。五月華赤。七月實黑。莖端兩葉。三月采根。有節似馬銜狀。

名醫曰。一名胡藭。一名香果。其葉名蘼蕪。生武功斜谷西嶺。三四月采根。暴乾。案、說文云。營。營藭。香草也。芎。司馬相如說。或从弓。春秋左傳云。有山鞠藭乎。杜預云。鞠藭所以禦溼。西山經云。號山其草多芎藭。郭璞云。芎藭一名江蘿。范子計然云。芎藭生始無枯者善。有脫。司馬相如賦。有芎藭。司馬貞引司馬彪云。芎

蕨似藁本。郭璞云。今歷陽呼爲江離。

藜蕪。味辛溫。主欬逆。定驚氣。辟邪惡。除蟲毒。兔注。去三蟲。久服通神。一名薇蕪。生川澤。

吳普曰。藜蕪一名芎藭。御覽

名醫曰。一名苳蕪。芎藭苗也。生雍州及冤句。四月五月採葉暴乾。

案說文云。藜蕪蕪也。離苳蕪。藜蕪爾雅云。斬芑。藜蕪。郭璞云。香草。葉小如委狀。淮南子云。似蛇牀。山海經云。臭如藜蕪。司馬相如賦。有江離。藜蕪。司馬貞引樊光云。藜本一名藜蕪。根名斬芑。

黃連。味苦寒。主熱氣。目痛。皆傷泣出。明目。御覽引云。主莖。傷大觀本無。腸僻。腹痛。下利。婦人陰

中腫痛。久服令人不忘。一名王連。生川谷。

吳普曰。黃連。神農。歧伯。黃帝。雷公。苦無毒。李氏。小寒。或生蜀郡太山之陽。御覽

名醫曰。生巫陽及蜀郡太山。二月八月採。

案廣雅云。王連。黃連也。苑子計然云。黃連出蜀郡。黃肥堅者善。

絡石。味苦溫。主風熱死肌。癰傷。口乾舌焦。癰腫不消。喉舌腫。水漿不下。久服輕身。

明目潤澤好顏色不老延年一名石鱗生川谷。

吳普曰落石一名鱗石一名明石一名懸石一名雲華一名雲珠一名雲英一名雲丹神農苦小溫雷公苦無毒扁鵲桐君甘無毒李氏大寒云藥中君采無

時御覽

名醫曰一名石蹉一名略石一名明石一名領石一名縣石生太山或石山之陰或高山巖石上或生人間正月采。

案西山經云上申之山多砾石疑卽此郭璞云砾磊砾大石貌非也唐本注云俗名耐冬山南人謂之石血以其包絡石木而生故名絡石別錄謂之石龍藤以石上生者良。

疾藜子味苦溫主惡血破癥結積聚喉痺乳難久服長肌肉明目輕身一名旁通一名屈人一名止行一名豺羽一名升推御覽引云一名君生平澤或道旁。

一名醫曰一名卽藜一名茨生馮翊七月八月采實暴乾案說文云薺蒺藜也詩曰牆有茨以茨爲茅葦覆屋宇爾雅云茨蒺藜郭璞云布地蔓生細葉子有三角刺人毛詩云牆有茨傳云茨蒺藜也。

黃耆味甘微溫。主癰疽久敗創。排膿止痛。大風癩疾。五痔鼠痿。補虛。小兒百病。一名戴縻。生山谷。

名醫曰。一名戴縻。一名獨縻。一名芟艸。一名蜀脂。一名百本。生蜀郡白水漢中。二月十日采陰乾。

肉松容味甘微溫。主五勞七傷。補中。除莖中寒熱痛。養五藏。強陰。益精氣。多子。婦人癥瘕。久服輕身。生山谷。

吳普曰。肉菹蓉一名肉松蓉。神農黃帝鹹。雷公酸小溫。御覽作李氏小溫生河西御覽山陰地。長三四寸。叢生。或代郡雁門。御覽下有雁門二字二月至八月采。陰乾御覽引云。

名醫曰。生河西及代郡雁門。五月五日采陰乾。

案。吳普云。一名肉松蓉。當是古本。蓉卽容字。俗寫菹蓉。非正字也。陶宏景云。是野馬精落地所生。生時似肉。舊作肉菹蓉。非。

防風味甘溫無毒。主大風頭眩痛。惡風。風邪。目盲無所見。風行周身。骨節疼痛。御覽痛煩滿。久服輕身。一名銅芸。御覽作芒生川澤。

吳普曰。防風一名迴雲。一名回艸。一名百枝。一名藺根。一名百韭。一名百種。神

農、黃帝、歧伯、桐君、雷公、扁鵲、甘無毒、李氏、小寒。或生邯鄲上蔡。正月生葉細圓。青黑黃白。五月花黃。六月實黑。三月十月采根日乾。琅瑯者良。御覽

名醫曰。一名苗艸。一名百枝。一名屏風。一名蘭根。一名百蜚。生沙苑及邯鄲、琅

瑯、上蔡。二月十月采根暴乾。

案、范子計然云。防風出三輔。白者善。

蒲黃、味甘平。主心腹旁光寒熱。利小便。止血消瘀血。久服輕身益氣力。延年神僊。

生池澤。

名醫曰。生河東。四月采。

案、玉篇云。蒿謂今蒲頭有臺。臺上有重臺。中出黃。卽蒲黃。陶宏景云。此卽蒲蘆花上黃粉也。僊經亦用此。攷爾雅苻離。其上蒿。苻離與蒲蘆聲相近。疑卽此。香蒲、味甘平。主五藏心下邪氣。口中爛臭。堅齒明目聰耳。久服輕身耐老。御覽作

一名睢。御覽名生池澤。

吳普曰。睢一名睢石。一名香蒲。神農、雷公、甘。生南海池澤中。御覽

名醫曰。一名醮。生南海。

案說文云。菩。草也。玉篇云。菩。香草也。又音蒲。本草圖經云。香蒲。蒲黃苗也。春初生嫩葉。未出水時。紅白色。茸茸然。周禮以爲菹。

續斷。味苦微溫。主傷寒補不足。金創。癰傷折跌。續筋骨。婦人乳難。御覽作乳癰云。崩中漏血。大觀黠字。久服益氣力。一名龍豆。一名屬折。生山谷。

名醫曰。一名接骨。一名南草。一名槐。生常山。七月八月采陰乾。

案廣雅云。囊。續斷也。范子計然云。續斷出三輔。桐君藥錄云。續斷生蔓延。葉細莖如荏大。根本黃白有汁。七月八月采根。

漏蘆。味苦鹹寒。主皮膚熱。惡創。疽痔。溼痺。下乳汁。久服輕身益氣。耳目聰明。不老延年。一名野蘭。生山谷。

名醫曰。生喬山。八月采根陰乾。

案廣雅云。飛廉。漏蘆也。陶宏景云。俗中取根名鹿驪。

營實。味酸溫。主癰疽。惡創。結肉。跌筋。敗氣。熱氣。陰蝕。不瘳。利關節。一名牆薇。一名牆麻。一名牛棘。生川谷。

吳普曰。薔薇。一名牛勒。一名牛膝。一名薔藤。一名山棗。御覽

名醫曰。一名牛勒。一名蕃藤。一名山棘。生零陵及蜀郡。八月九月采陰乾。

案陶宏景云。卽是牆薇子。

天名精。味甘寒。主瘀血。血瘕。欲死。下血止血。利小便。久服輕身耐老。一名麥句薑。一名蝦蟇藍。一名豕首。生川澤。

名醫曰。一名天門精。一名玉門精。一名蕪顛。一名蟾蜍蘭。一名覲。生平原。五月采。

案說文云。蕪。豕首也。爾雅云。荊蕪。豕首。郭璞云。今江東呼豨首。可以燭蠶蛹。陶宏景云。此卽今人呼爲豨菴。唐本云。鹿活草是也。別錄一名天蔓菁。南人呼爲地松。掌禹錫云。陳藏器別立地菘條。後人不當仍其謬。

決明子。味鹹平。主青盲目。淫膚赤白膜。眼赤痛淚出。久服益精光。太平御覽引作字。輕身。生川澤。

吳普曰。決明子。一名草決明。一名羊明。覽御

名醫曰。生龍門。石決明。生豫章。十月采。陰乾百日。

案廣雅云。羊躑躅。莢光也。又決明。羊明也。爾雅云。薜荔。莢光。郭璞云。莢明也。葉

黃銳赤。華實如山茱萸。陶宏景云。形似馬蹄。決明。

丹參。味苦微寒。主心腹邪氣。腸鳴幽幽。如走水。寒熱積聚。破癥除瘕。止煩滿益氣。

一名卻蟬草。生川谷。

吳普曰。丹參一名赤參。一名木羊乳。一名卻蟬草。神農、桐君、黃帝、雷公、扁鵲、苦無毒。李氏大寒。歧伯、鹹。生桐柏或生太山山陵陰。莖華小方如荏。毛根赤。四月華紫。五月采根陰乾。治心腹痛。

名醫曰。一名赤參。一名木羊乳。生桐柏山及太山。五月采根暴乾。

案。廣雅云。卻蟬。丹參也。

茜根。味苦寒。主寒溼風痺黃疸。補中。生川谷。

名醫曰。可以染絳。一名地血。一名茹慮。一名茅蒐。一名蒨。生喬山。二月三月采根暴乾。

案。說文云。茜。茅蒐也。蒐。茅蒐。茹慮。人血所生。可以染絳。从艸从鬼。廣雅云。地血。茹蘆蒨也。爾雅云。茹蘆。茅蒐。郭璞云。今蒨也。可以染絳。毛詩云。茹蘆在阪。傳云。茹蘆茅蒐也。陸璣云。一名地血。齊人謂之茜。徐州人謂之牛蔓。徐廣注史記云。

茜一名紅藍。其花染緋赤黃也。按名醫別出紅藍條。非。

飛廉味苦平。主骨節熱。脛重酸疼。久服令人身輕。一名飛輕。肥杜黜字生川澤。

名醫曰。一名伏兔。一名飛雉。一名木禾。生河內。正月采根。七月八月采花。陰乾。

案廣雅云。伏豬。木禾也。飛廉。漏蘆也。陶宏景云。今既別有漏蘆。則非此別名耳。

五味子味酸溫。主益氣。欬逆上氣。勞傷羸瘦。補不足。強陰。益男子精。御覽引云。一本作黜字。生山谷。

吳普曰。五味子。一名元及。御覽

名醫曰。一名會及。一名元及。生齊山及代郡。八月采。實陰乾。

案說文云。蒨。莖。豬也。莖。莖。豬草也。蒨。莖。蒨也。廣雅云。會及。五味也。爾雅云。蒨。莖。

豬。郭璞云。五味也。蔓生。子叢在莖頭。抱朴子。僊藥篇云。五味者。五行之精。其子

有五味。移門子服五味子。十六年色如玉女。入水不露。入火不灼也。

旋華味甘溫。主益氣。去面垢。御覽黑色。媚好。御覽作令。其根味辛。主腹中寒熱邪

氣。利小便。久服不飢。輕身。一名筋根。華一名金沸。御覽引云。一名美字。生平澤。

名醫曰。生豫州。五月采。陰乾。

案陶宏景云。東人呼爲山薑。南人呼爲美草。本草衍義云。世又謂之鼓子花。蘭草味辛平。主利水道。殺蠱毒。辟不祥。久服益氣。輕身不老。通神明。一名水香。生池澤。

名醫曰。生大吳。四月五月采。

案說文云。蘭香草也。廣雅云。藺藺也。易其臭如蘭。鄭云。藺藺香草也。夏小正五月蓄藺。毛詩云。方秉藺兮。傳云。藺藺也。陸璣云。藺卽藺香草也。其莖葉似藥草澤蘭。范子計然云。大蘭出漢中。三輔。藺出河東。宏農白者善。元楊齊賢注。李白詩引本草云。藺草澤蘭二物同名。藺草一名水香。云都梁是也。水經。零陵郡都梁縣。西小山上。有滄水。其中悉生藺草。綠葉紫莖。澤藺如薄荷。微香。荆湘嶺南人家多種之。與藺大抵相類。顏師古以藺草爲澤藺。非也。

蛇牀子。味苦平。主婦人陰中腫痛。男子陰痿溼痒。除痺氣。利關節。瘕痢惡創。久服輕身。一名蛇米。生川谷及田野。

吳普曰。蛇牀一名蛇珠。

御覽

名醫曰。一名蛇粟。一名虺牀。一名思鹽。一名繩毒。一名棗棘。一名牆藤。生臨淄。

五月采實陰乾。

案廣雅云。蚰粟。馬牀。蚰牀也。爾雅云。盱虺牀。淮南子汜論訓云。亂人者。若蛇牀之與蘼蕪。

地膚子。味苦寒。主旁光熱。利小便。補中益精氣。久服耳目聰明。輕身耐老。一名地葵。御覽引云。一名地華。一名地脈。大觀生平澤及田野。本無一名地華四字。作麥皆黑字。

名醫曰。一名地麥。生荊州。八月十月采實陰乾。

案廣雅云。地葵。地膚也。列僊傳云。文寶服地膚。鄭樵云。地膚曰落帚。亦曰地掃。爾雅云。莽馬帚。卽此也。今人亦用爲帚。

景天。味苦平。主大熱。火創。身熱。煩邪惡氣。華主女人漏下赤白。輕身明目。一名戒火。一名慎火。御覽引云。一名水母。大觀本倒。黑字。格作火。生川谷。

名醫曰。一名火母。一名救火。一名據火。生太山。四月四日。七月七日采陰乾。案陶宏景云。今人皆益養之於屋上。云以辟火。

因陳。御覽作茵陳。味苦平。主風溼寒熱邪氣。熱結黃疸。久服輕身。益氣耐老。御覽作生邱陵阪岸上。

吳普曰。因塵。神農。岐伯。雷公。苦無毒。黃帝。辛無毒。生田中。葉如藍。十一月采。脚
名醫曰。白兔食之僂。生太山。五月及立秋采陰乾。

案。廣雅云。因塵。馬先也。陶宏景云。僂經云。白蒿。白兔食之僂。而今因陳乃云此。恐非耳。陳藏器云。茵陳經冬不死。因舊苗而生。故名茵陳。後加蒿字也。據此知。舊作茵陳蒿。非。又按。廣雅云。馬先。疑卽馬新蒿。亦白蒿之類。

杜若。味辛微溫。主胸脇下逆氣。溫中。風入。墮戶。頭腫痛。多涕淚出。久服益精。類聚文
引雜明目輕身。一名杜衡。攷文類聚生川澤。

名醫曰。一名杜連。一名白連。一名白苓。一名若芝。生武陵及寃句。二月八月采。根暴乾。

案。說文云。若杜若。香草。廣雅云。楚薺。杜薺也。西山經云。天帝之上有草焉。其狀如葵。其臭如薜蘿。名曰杜衡。爾雅云。杜。土鹵。郭璞云。杜。薺也。似葵而香。楚詞云。采芳州兮杜若。范子計然云。杜若生南郡漢中。又云。秦薺出於隴西天水。沈括補筆談云。杜若卽今之高良薑。後人不識。又別出高良薑條。按。經云。一名杜衡。是名醫別出杜薺條。非也。衡。正字。俗加艸。

沙參。味苦微寒。主血積驚氣。除寒熱。補中益肺氣。久服利人。一名知母。生川谷。

吳普曰。白沙參一名苦心。一名識美。一名虎須。一名白參。一名志取。一名文虎。神農。黃帝。扁鵲。無毒。歧伯。鹹。李氏。大寒。生河內川谷。或般陽續山。三月生如葵。葉青實白。如芥根。大白如蕪菁。三月采。

名醫曰。一名苦心。一名志取。一名虎鬚。一名白參。一名識美。一名文希。生河內及宛。句般陽續山。二月八月采根暴乾。

案。廣雅云。苦心。沙參也。其蒿青蕪也。苑子計然云。白沙參出洛陽。白者善。白兔藿。味苦平。主蛇虺蜂蠆獬狗。菜肉蠱毒。注。一名白葛。生山谷。

吳普曰。白菟藿一名白葛。穀覽。名醫曰。生交州。

案。陶宏景云。都不聞有識之者。想當似葛耳。唐本注云。此草荆襄山谷大有。俗謂之白葛。

徐長卿。味辛溫。主鬼物百精蠱毒疫疾邪惡氣溫瘧。久服強悍輕身。一名鬼督郵。生山谷。

吳普曰。徐長卿一名石下長卿。神農、雷公、辛。或生隴西。三月采。

名醫曰。生太山及隴西。三月采。覽御

案。廣雅云。徐長卿。鬼督郵也。陶宏景云。鬼督郵之名甚多。今俗用徐長卿者。其根正如細辛。小短扁扁爾。氣亦相似。

石龍芻。味苦微寒。主心腹邪氣。小便不利。淋閉風溼。鬼注惡毒。久服補虛羸。輕身。耳目聰明。延年。一名龍鬚。一名草續斷。一名龍珠。生山谷。

吳普曰。龍芻一名龍多。一名龍鬚。一名續斷。一名龍木。一名草毒。一名龍華。一名懸莞。神農、李氏、小寒、雷公、黃帝、苦無毒。扁鵲、辛無毒。生梁州。七月七日采。覽御

此條誤附續斷

名醫曰。一名龍華。一名懸莞。一名草毒。生梁州溼地。五月七月采。莖暴乾。

案。廣雅云。龍木。龍須也。中山經云。賈超之山。其中多龍修。郭璞云。龍須也。似莞而細。生山石穴中。莖列垂。可以爲席。別錄云。一名方賓。鄭樵云。爾雅所謂葍鼠

莞也。舊作芻。非。

薇銜。味苦平。主風溼痺。歷節痛。驚癇吐舌。悸氣賊風。鼠瘦癰腫。一名糜銜。生川澤。

吳普曰。薇薺一名糜薺。一名無顛。一名承膏。一名醜。一名無心。覽御名醫曰。一名承膏。一名承肌。一名無心。一名無顛。生漢中及宛句邯鄲。七月采。莖葉陰乾。

雲實。味辛溫。主洩利。舊作痢腸澼。殺蟲蠱毒。去邪惡結氣。止痛除熱。華主見鬼。精物多食令人狂走。久服輕身通神明。生川谷。

吳普曰。雲實一名員實。一名天豆。神農辛小溫。黃帝鹹。雷公苦。葉如麻。兩兩相值。高四五尺。大莖空中。六月花。八月九月實。十月采。

名醫曰。一名員實。一名雲英。一名天豆。生河間。十月采暴乾。
案。廣雅云。天豆。雲實也。

王不留行。味苦平。主金創止血。逐痛出刺。除風痺內寒。久服輕身耐老。御覽作增壽。生山谷。

吳普曰。王不留行。一名王不流行。神農苦平。歧伯雷公甘。三月八月采。
案。鄭樵云。王不留行曰禁宮花。曰剪金花。葉似槐。實作房。

升麻。味甘辛。大觀本主解百毒。殺百老物殃鬼。辟溫疾障邪毒蠱。久服不夭。大觀本

注解百毒殺百精老物殃鬼辟瘡一名周升麻。大觀本作周麻。生山谷。舊作黑字。據吳普經當有此。今增入。

吳普曰。升麻。神農。甘。

名醫曰。生益州。二月八月采根。日乾。

案。廣雅云。周麻。升麻也。此據御覽

青囊味甘寒。主五藏邪氣。風寒溼痺。益氣補腦髓。堅筋骨。久服耳目聰明。不飢不

老增壽。巨勝苗也。生川谷。舊在糝穀部。非。

吳普曰。青囊一名夢神。神農。苦。雷公。甘。

名醫曰。生中原。

案。抱朴子僊藥篇云。孝經援神契曰。巨勝延年。又云巨勝一名胡麻。餌服之不

老。耐風溼。補衰老也。

姑活味甘溫。主大風邪氣。溼痺寒痛。久服輕身益壽耐老。一名冬葵子。舊在唐本

增

名醫曰。生河東。

案、水經注解縣引神農本草云。地有固活女疏。銅芸紫苑之族也。陶宏景云。方藥亦無用此者。乃有固活丸。卽是野葛一名。此又名冬葵子。非葵菜之冬葵子。療體乖異。

別羈。味苦微溫。主風寒溼痺。身重四肢疼酸。寒邪歷節痛。生川谷。舊在唐本退中無毒今增

名醫曰。一名別枝。一名別騎。一名鼈羈。生藍田。二月八月采。

案、陶宏景云。方家時有用處。今俗亦絕耳。

屈草。味苦。主胸脇下痛邪氣。腹間寒熱陰痺。久服輕身。益氣耐老。御覽作補生川

澤。舊在唐本退中無毒今增

名醫曰。生漢中。五月采。

案、陶宏景云。方藥不復用。俗無識者。

淮木。味苦平。主久欬上氣。傷中虛羸。女子陰蝕漏下。赤白沃。一名百歲城中木。生

山谷。舊在唐本退中無毒今增

吳普曰。淮木。神農。雷公。無毒。生晉平陽河東平澤。治久欬上氣。傷中羸虛。補中

益氣。御覽

名醫曰。一名炭木。生太山。采無時。

案。李當之云。是樟樹上寄生。樹大銜枝在肌肉。今人皆以胡桃皮當之非也。桐君云。生上洛。是木皮。狀如厚朴。色似桂白。其理一縱一橫。今市人皆削以充厚朴。而無正縱橫理。不知此復是何物。莫測真假。何者爲是也。

右。草上品七十三種。舊七十二種。攷六芝當爲一。升麻當白字。米穀部誤入青蘘。唐本退六種。姑活。屈草。淮木。皆當入此。

牡桂。味辛溫。主上氣欬逆。結氣喉痺。吐吸。利關節。補中益氣。久服通神。輕身不老。生山谷。

名醫曰。生南海。

案。說文云。桂。江南木百藥之長。稜桂也。南山經云。招搖之山多桂。郭璞云。桂葉似枇杷。長二尺餘。廣數寸。味辛。白花。叢生山峰。冬夏常青。間無雜木。爾雅云。稜木桂。郭璞云。今人呼桂皮厚者爲木桂。及單名桂者是也。一名肉桂。一名桂枝。一名桂心。

茵桂。味辛溫。主百病。養精神。和顏色。爲諸藥先聘通使。久服輕身不老。面生光華。

媚好常如童子。生山谷。

名醫曰。生交阯。桂林巖崖間。無骨正圓如竹。立秋采。

案楚詞云。雜申椒與菌桂兮。王逸云。茱桂皆香木。列僊傳云。范蠡好服桂。

松脂。味苦溫。主疽。惡創頭瘍。白禿。疥搔。風氣。安五藏。除熱。久服輕身。不老延年。一

名松膏。一名松肪。生山谷。

名醫曰。生太山。六月采。

案說文云。松。木也。或作窠。范子計然云。松脂出隴西。如膠者善。

槐。實。味苦寒。主五內邪氣。熱止涎唾。補絕傷。五痔。火創。婦人乳瘕。子藏急痛。生平

澤。

名醫曰。生河南。

案說文云。槐。木也。爾雅云。榲槐。大葉而黑。郭璞云。槐樹葉大。色黑者名爲榲。又

守宮。槐葉。晝聶宵炕。郭璞云。槐葉晝日聶合。而夜炕布者。名爲守宮槐。

枸杞。味苦寒。主五內邪氣。熱中消渴。周痺。久服堅筋骨。輕身不老。耐覽作一名杞

根。一名地骨。一名枸杞。一名地輔。生平澤。

吳普曰。枸杞一名枸己。一名羊乳。御覽

名醫曰。一名羊乳。一名卻暑。一名僊人杖。一名西王母杖。生常山及諸邱陵阪

岸。冬采根。春夏采葉。秋采莖實。陰乾。

案說文云。檣。枸杞也。杞。枸杞也。廣雅云。地筋。枸杞也。爾雅云。杞。枸。檣。郭璞云。今

枸杞也。毛詩云。集于苞杞。傳云。杞。枸。檣也。陸璣云。苦杞。秋熟正赤。服之輕身益

氣。列僊傳云。陸通食棗。盧木實。抱朴子僊藥篇云。象柴。一名托廬是也。或名僊

人杖。或云西王母杖。或名天門精。或名卻老。或名地骨。或名枸杞也。

柏實味甘平。主驚悸。安五藏。益氣。除溼痺。久服令人悅澤。美色。耳目聰明。不飢不

老。輕身延年。生山谷。

名醫曰。生太山。柏葉尤良。由四時各依方面。采陰乾。

案說文云。柏。鞠也。廣雅云。栝栢也。爾雅云。柏。榭。郭璞云。禮記曰。鬯白以榭。苑子

計然云。栝脂出三輔。上升價七千。中三千一斗。

伏苓味甘平。主胸脇逆氣。御覽作憂恚驚邪恐悸。心下結痛。寒熱煩滿。欬逆。口焦

舌乾。利小便。久服安魂養神。不飢延年。一名茯菟。御覽作茯神。案元本云。其

谷。

吳普曰。茯苓通神。桐君。甘。雷公。扁鵲。甘無毒。或生茂州大松根下。入地三丈一尺。二月七月采。

名醫曰。其有抱根者名茯苓。生太山大松下。二月八月采陰乾。

案。廣雅云。茯苓。茯苓也。范子計然云。茯苓出嵩高三輔。列僊傳云。昌容采茯苓。餌而食之。史記褚先生云。傳曰。下有伏靈。上有兔絲。所謂伏靈者。在兔絲之下。狀似飛鳥之形。伏靈者。千歲松根也。食之不死。淮南子說林訓云。茯苓掘兔絲死。舊作茯苓。非。

榆皮。味甘平。主大小便不通。利水道。除邪氣。久服輕身不飢。其實尤良。一名零榆。生山谷。

名醫曰。生潁川。三月采皮。取白暴乾。八月采實。

案。說文云。榆。白粉。粉榆也。廣雅云。柘榆。梗榆也。爾雅云。榆。白粉。郭璞云。粉榆。先生葉。卻著莢。皮色白。又藍莖。郭璞云。今云刺榆。毛詩云。東門之粉。傳云。粉。白榆也。又山有蘊。傳云。樞莖也。陸璣云。其鍼刺如柘。其葉如榆。淪為茹。美滑如白榆。

之類。有十種。葉皆相似。皮及木理異矣。

酸棗。味酸平。主心腹寒熱。邪結氣聚。四肢酸疼。溼痺。久服安五藏。輕身延年。生川澤。

名醫曰。生河東。八月采。實陰乾。四十日成。

案。說文云。棫。酸棗也。爾雅云。棫。酸棗。郭璞云。實小味酢。孟子云。養其棫棘。趙岐云。棫棘小棘。所謂酸棗是也。

槩木。味苦寒。主五藏腸胃中結熱。黃疸腸痔。止洩利。女子漏下赤白。陰陽蝕創。一名檀桓。生山谷。

名醫曰。生漢中及永昌。

案。說文云。槩。黃木也。藥。木也。司馬相如賦有槩。張揖云。槩木可染者。顏師古云。藥。黃藥也。

乾漆。味辛溫。無毒。主絕傷補中。續筋骨。填髓腦。安五藏。五緩六急。風寒溼痺。生漆去長蟲。久服輕身耐老。生山谷。
一名醫曰。生漢中。夏至後采之。

案說文云。漆木汁可以髹物。象形。漆如水滴而下。以漆爲漆水字。周禮載師云。漆林之征。鄭元云。故書漆林爲漆林。杜子春云。當爲漆林。

五加皮。味辛溫。主心腹疝氣腹痛。益氣療癢。小兒不能行。疽創陰蝕。一名豺漆。名醫曰。一名豺節。生漢中及寃句。五月十月采莖。十月采根陰乾。

案大觀本草引東華真人煑石經云。舜常登蒼梧山曰。厥金玉之香草。朕用偃息正道。此乃五加也。魯定公母單服五加酒。以致不死。

蔓荊實。味苦微寒。主筋骨間寒熱痺拘攣。明目堅齒。利九竅。去白蟲。久服輕身耐老。小荊實亦等。生山谷。

名醫曰。生河間。南陽。寃句。或平壽。都鄉高岸上。及田野中。八月九月采實陰乾。案廣雅云。牡荊。蔓荊也。廣志云。楚荊也。牡荊。蔓荊也。據牡曼聲相近。故本經於

蔓荊不載。所出州土。以其見牡荊也。今或別爲二條。非。辛夷。味辛溫。主五藏身體寒風頭腦痛。面疝。久服下氣輕身。明目增年耐老。一名

辛矧。御覽一名侯桃。一名房木。生川谷。名醫曰。九月采實暴乾。

案漢書楊雄賦云。列新雉於林薄。師古云。新雉卽辛夷耳。爲樹甚大。其木枝葉皆芳。一名新矧。史記司馬相如傳。雜以流夷。注漢書音義曰。流夷。新夷也。陶宏景云。小時氣辛香。卽離騷所呼新夷者。陳藏器云。初發如筆。北人呼爲木筆。其花最早。南人呼爲迎春。按唐人名爲玉蕊。又曰玉蘭。

桑上寄生。味苦平。主腰痛。小兒背強。癰腫。安胎。充肌膚。堅髮齒。長鬚眉。其實明目。輕身通神。一名寄屑。一名寓木。一名宛童。生川谷。

名醫曰。一名蔦。生宏農桑樹上。三月三日采莖陰乾。

案說文云。蔦。寄生也。詩曰。蔦與女蘿。或作藹。廣雅云。宛童。寄生蔦也。又寄屏。寄生也。中山經云。龍山上多寓木。郭璞云。寄生也。爾雅云。寓木。宛童。郭璞云。寄生樹。一名蔦。毛詩云。蔦與女蘿。傳云。蔦。寄生也。陸璣云。蔦。一名寄生。葉似當盧。子如覆盆子。赤黑甜美。

杜仲。味辛平。主腰脊痛。補中益精氣。堅筋骨。強志。除陰下瘳溼。小便餘瀝。久服輕身耐老。一名思僊。生山谷。

吳普曰。一名杜仲。一名木綿。一名思仲。覽御

名醫曰。一名思仲。一名木綿。生上虞及上黨漢中。二月五月六月九月采皮。
案。廣雅云。杜仲。曼榆也。博物志云。杜仲皮中有絲。折之則見。

女貞實。味苦平。主補中安五藏。養精神。除百疾。久服肥健。輕身不老。生山谷。

名醫曰。生武陵。立冬采。

案。說文云。楨。剛木也。東山經云。太山上多楨木。郭璞云。女楨也。葉冬不凋。毛詩云。南山有杞。陸璣云。木杞。其樹如樗。陳藏器作栗。一名狗骨。理白滑。其子爲木虵子。

可合藥。司馬相如賦。有女貞。師古曰。女貞樹。冬夏常青。未嘗凋落。若有節操。故以名焉。陳藏器云。冬青也。

木蘭。味苦寒。主身大熱。在皮膚中。去面熱。赤胞。酒皴。惡風。瘰疾。陰下。痒溼。明耳目。
一名林蘭。

名醫曰。一名杜蘭。皮似桂而香。生零陵及太山。十二月采皮。陰乾。

案。廣雅云。木欄。桂欄也。劉逵注。蜀都賦云。木蘭。大樹也。葉似長生。冬夏榮。常以冬華。其實如小柿。甘美。南人以爲梅。其皮可食。顏師古注。漢書云。皮似椒而香。可作面膏藥。

蕤核味甘溫。主心腹邪氣。明目。目赤痛傷淚出。久服輕身益氣。不飢。生川谷。

吳普曰。蕤核一名萹。神農。雷公。甘平無毒。生池澤。八月采。補中強志明目。久服不飢。

名醫曰。生函谷及巴西。

案說文云。椶白。椶椹。爾雅云。椹。白椶。郭璞云。椶小木。叢生有刺。實如耳瑯。紫赤可啖。一切經音義云。本草作蕤。今椶核是也。

橘柚味辛溫。主胸中瘦熱。逆氣利水穀。久服去臭下氣。通神。一名橘皮。生川谷。在果部

名醫曰。生南山江南。十月采。

案說文云。橘果出江南。柚條也。似橙而酢。爾雅云。柚條。郭璞云。似橙實酢。生江南。禹貢云。厥包橘柚。僞孔云。大曰橘。小曰柚。列子湯問篇云。吳楚之國有木焉。其名爲櫛。碧樹而冬生。實丹而味酸。食其皮汁。已憤厥之疾。司馬相如賦有橘柚。張揖曰。柚卽橙也。似橘而大。味酢皮厚。

右木上品二十種。舊一十九種。攷果部橘柚當入此。

髮髮、味苦、溫。主五癰。鬮格不通。利小便。水道。療小兒癩。大人瘞。仍自還神化。

案、說文云。髮根也。髮鬮也。鬮髮也。或作髻。毛詩云。不屑髻也。箋曰。髻髮也。儀禮云。主婦被錫。注云。被錫讀爲髮鬮。古者或剔賤者刑者之髮。以被婦人之紒爲飾。因名髮鬮焉。李當之云。是童男髮。據漢人說髮鬮當是荆刑人髮。或童男髮。本經不忍取人髮用之。故用荆餘也。方家至用天靈蓋。害及枯骨。卒不能治病。古人所無矣。

右、人一種。舊同。

龍骨。味甘平。主心腹鬼注。精物老魅。效逆洩利膿血。女子漏下。癥瘕堅結。小兒熱氣驚癇。齒主小兒大人驚癇。瘕疾狂走。心下結氣。不能喘息。諸瘕殺精物。久服輕身。通神明延年。生山谷。

吳普曰。龍骨生晉地山谷陰大水所過處。是龍死骨也。青白者善。十二月采。或無時。龍骨畏乾漆。蜀椒。理石。龍齒。神農。李氏。大寒。治驚癇。久服輕身。御覽大觀本節文
名醫曰。生晉地及太山巖水岸土穴中死龍處。采無時。
案。范子計然云。龍骨生河東。

麝香。味辛溫。主辟惡氣。殺鬼精物。溫瘧蟲毒癩瘡。去三蟲。久服除邪。不夢寤厭寐。
生川谷。

名醫曰。生中臺及益州雍州山中。春分取之。生者益良。

案。說文云。麝如小麋。臍有香。黑色麝也。御覽引爾雅云。麝父麝足。郭璞云。脚似

麝有香。

牛黃。味苦平。主驚癇寒熱。熱盛狂瘵。除邪逐鬼。生平澤。

吳普曰。牛黃味苦無毒。牛出入呻御覽作者有之。夜有光。御覽作夜走牛御覽有

角中。牛死入膽中。如雞子黃。後漢書延

名醫曰。生晉地。於牛得之。即陰乾百日。使時燥。無令見日月光。

熊脂。味甘微寒。主風痺不仁筋急。五藏腹中積聚。寒熱羸瘦。頭瘍白禿面疔。久服

強志。不飢輕身。生山谷。

名醫曰。生雍州。十一月取。

案。說文云。熊獸似豕。山居冬蟄。

白膠。味甘平。主傷中勞絕。腰痛羸瘦。補中益氣。婦人血閉無子。止痛安胎。久服輕

身延年。一名鹿角膠。

名醫曰。生雲中。煮鹿角作之。

案說文云。膠。昵也。作之以皮。考工記云。鹿膠青白。牛膠火赤。鄭云。皆謂煮用其皮。或用角。

阿膠。味甘平。主心腹內崩。勞極。灑灑如瘡狀。腰腹痛。四肢酸疼。女子下血。安胎。久服。輕身益氣。一名傅致膠。

名醫曰。生東平郡。煮牛皮作之。出東阿。

案。二膠本經不著所出。疑本經但作膠。名醫增白字阿字。分爲二條。

右獸上品六種。舊同。

丹雄雞。味甘微溫。主女人崩中漏下。赤白沃。補虛溫中。止血通神。殺毒辟不祥。頭主殺鬼。東門上者尤良。肪主耳聾。腸主遺溺。牝脰裏黃皮。主洩利。尿白。主消渴。傷寒寒熱。黑雌雞。主風寒溼痺。五緩六急。安胎。翮羽主下血閉。雞子主除熱。火瘡癩瘡。可作虎魄。神物。雞白。彙。肥。脂。生平澤。

吳普曰。丹雞卵可作琥珀。

名醫曰。生朝鮮。

案。說文云。雞知時畜也。籀文作雞。肪肥也。腸大小腸也。臙。鳥脰。脰。鳥胃也。齒。糞也。翮。羽莖也。羽。鳥長毛也。此作臙。省文。尿。卽屨字。古文徙亦齒假音字也。

雁肪味甘平。主風攣拘急偏枯。氣不通利。久服益氣不飢。輕身耐老。一名鶩肪。生池澤。

吳普曰。雁肪。神農。歧伯。雷公。甘無毒。御覽有鶩肪二字。殺諸石藥毒。采無時。名醫曰。生江南。取無時。

案。說文云。雁。鵠也。鶩。舒鳧也。廣雅云。鳴鵠。倉鳴雁也。鳧。鶩。鴨也。爾雅云。舒雁。鵠。郭璞云。禮記曰。出如舒雁。今江東呼鴨。又舒鳧。鶩。郭璞云。鴨也。方言云。雁自關而東。謂之鳴鵠。南楚之外。謂之鵠。或謂之倉鳴。據說文云。別有雁。以爲鴻。雁字無鴨字。鴨卽雁之急音。此雁肪。卽鵠鴨脂也。當作雁字。名醫不曉。別出鶩肪條。又出白鴨鵠條。反疑此爲鴻雁。何其謬也。陶蘇皆亂之。

右禽上品二種舊同。

石蜜味甘平。主心腹邪氣。諸驚癇瘧。安五藏。諸不足。益氣補中。止痛解毒。除衆病。

和百藥。久服強志。輕身不飢不老。一名石飴。生山谷。

吳普曰。石蜜。神農。雷公。甘氣平。生河源或河梁。御覽又一引云。生武都山。谷。

名醫曰。生武都河源及諸山石中。色白如膏者良。

案。說文云。蠶。蠶。甘飴也。一曰螟子。或作蜜。中山經云。平逢之山多沙石。實惟蜂

蜜之廬。郭璞云。蜜赤蜂名。西京雜記云。南越王獻高帝石蜜五斛。玉篇云。蠶。蠶。

甘飴也。蘇恭云。當去石字。

蜂子。味甘平。主頭風。除蟲毒。補虛羸。傷中。久服令人光澤。好顏色不老。大黃蜂子。

主心腹張滿痛。輕身益氣。土蜂子。主癰腫。一名蜚零。生山谷。

名醫曰。生武都。

案。說文云。蠶。飛蟲。螫人者。古文省作蠶。廣雅云。蠶。蠶。蜂也。又土蜂。蠶。蠶也。爾雅

云。土蠶。郭璞云。今江南大蠶。在地中作房者為土蠶。啖其子即馬蠶。今荆巴間

呼為蠶。又木蠶。郭璞云。似土蠶而小。在樹上作房。江東亦呼為木蠶。又食其子。

禮記檀弓云。范則冠。鄭云。范。蠶也。方言云。蠶。燕趙之間謂之蠶。蠶。其小者謂之

蠶。或謂之蠶。其大而蜜謂之壺蠶。郭璞云。今黑蠶穿竹木作孔。亦有蜜者。

或呼笛師。按。蠶名爲范者。聲相近。若司馬相如賦以汜爲楓。左傳。泚泚卽汎汎也。

蜜臘味甘微溫。主下利膿血。補中續絕傷金創。益氣不飢耐老。生山谷。

名醫曰。生武都蜜房木石間。

案。西京雜記云。南越王獻高帝蜜燭二百枚。玉篇云。蠟蜜滓。陶宏景云。白蠟生於蜜中。故謂蜜蠟。說文無蠟字。張有云。臘別蠟。非。舊作蠟。今據改。

牡蠣味鹹平。主傷寒寒熱。溫瘧灑灑。驚恚怒氣。除拘緩鼠瘻。女子帶下赤白。久服強骨節。殺邪氣延年。一名蠣蛤。生池澤。

名醫曰。一名牡蛤。生東海。采無時。

案。說文云。蠣。蚌屬。似蠶微大。出海中。今民食之。讀若賴。又云。蜃屬有三。皆生於海。蛤屬千歲雀所化。秦謂之牡厲。

龜甲味鹹平。主漏下赤白。破癥瘕。瘵瘵五痔。陰蝕溼痺。四肢重弱。小兒顛不合。久服輕身不飢。一名神屋。生池澤。

名醫曰。生南海及湖水中。采無時。

案廣雅云介龜也。高誘注淮南子龜殼龜甲也。

桑蜚蛸味鹹平。主傷中疝瘕陰痿。益精生子。女子血閉腰痛。通五淋。利小便水道。一名蝕。生桑枝上。采蒸之。

吳普曰桑蛸條一名蝕。蝕蝕一名害焦。一名致。神農鹹無毒。覺

名醫曰蝕蝕子也。二月三月采火炙。

案說文云蟲蟲蛸也。或作蜚蛸。蝕蝕子。廣雅云。蝕蝕為漢。冒焦。蝕蝕也。爾雅云。不過蝕。蝕其子蜚蛸。郭璞云。一名蝕。蝕蝕卵也。范子計然云。蝕蝕出三

輔。上價三百。舊作蝕聲相近。字之誤也。玉篇云。蜚同蝕。海蛤味苦平。主欬逆上氣。喘息煩滿。胸痛寒熱。一名魁蛤。

吳普曰海蛤神農苦。歧伯甘。扁鵲鹹。大節頭有文。文如磨齒。采無時。

名醫曰生南海。

案說文云蛤蜊屬。海蛤者百歲燕所化。魁蛤一名復纍。老服翼所化。爾雅云。魁陸。郭璞云本草云。魁狀如海蛤。圓而厚。朴有理縱橫。即今之蚶也。周禮。鼈人供蟲。鄭司農云。蟲蛤也。杜子春云。蟲。蛸也。周書王會云。東越海蛤。孔鼈云。蛤。文蛤。

按名醫別出海蛤條云。一名魁陸。一名活東。非。

文蛤。主惡瘡蝕。御覽作五痔。御覽下有六孔出。

名醫曰。生東海。表有文。采無時。

蠶魚。初學記引味甘寒。主溼痺。面目浮腫。下大水。一名鮑魚。生池澤。

名醫曰。生九江。采無時。

案說文云。鱻。鮪也。鮪。鮪也。讀若綉。廣雅云。鱻。鮪也。爾雅云。鮪。郭璞云。鮪也。

毛詩云。鮪。鮪。傳云。鮪。鮪也。據說文云。鮪。鮪也。與鱻不同。而毛長。郭璞以鮪釋鮪。

與許不合。然初學記引此。亦作鮪。蓋二字音同。以致譌舛。不可得詳。廣雅又作

鱻。亦音之譌。又廣志云。豚魚。一名鮪。鮪更異解也。又陸璣云。鮪。即鮑魚也。似鮪

狹厚。今京東人猶呼鮪魚。又本草衍義曰。蠶魚。今人謂之黑鮪魚。道家以爲頭

有星爲厭。據此諸說。若作鮪字。說文所云鮪。廣志以爲江豚。本草衍義以爲黑

鮪魚。若作鮪字。說文又以爲鮪。廣雅以爲鮪。陸璣以爲鮑魚。說各不同。難以

詳究。

鮪魚膽。味苦寒。主目熱赤痛青盲。明目。久服強悍。益志氣。生池澤。

名醫曰。生九江。采無時。

案。說文云。鯉。鱣也。鱣。鯉也。爾雅云。鯉。鱣。舍人云。鯉一名鱣。郭璞注。鯉云。今赤鯉魚。注。鱣云。大魚似鱣。毛詩云。鱣。鮪發發。傳云。鱣。鯉也。據此。知郭璞別爲二非矣。古今注云。兗州人呼赤鯉爲赤驥。謂青鯉爲青馬。黑鯉爲元駒。白鯉爲白騏。黃鯉爲黃雉。

右。蟲魚上品。一十種。舊同。

蕩實莖。味甘平。主補中養神。益氣力。除百疾。久服輕身耐老。不飢延年。一名水芝丹。生池澤。

名醫曰。一名蓮。生汝南。八月采。

案。說文云。蕩。夫渠根。蓮。夫渠之實也。茄。夫渠莖。爾雅云。荷。芙渠。郭璞云。別名芙蓉。江東呼荷。又其莖茄。其實蓮。郭璞云。蓮謂房也。又其根藕。

大棗味甘平。主心腹邪氣。安中養脾。助十二經。平胃氣。通九竅。補少氣。少津液。身中不足。大驚。四肢重。和百藥。久服輕身長年。葉覆麻黃。能令出汗。生平澤。

吳普曰。棗主調中益脾氣。令人好顏色。美志氣。吳氏本草引。

名醫曰。一名乾棗。一名美棗。一名良棗。八月采。生河東暴乾。
案。說文云。棗。羊棗也。爾雅云。遵羊棗。郭璞云。實小而圓紫黑色。今俗呼之爲羊
矢棗。又洗大棗。郭璞云。今河東猗氏縣出大棗子。如雞卵。
蒲葇。味甘平。主筋骨溼痺。益氣倍力強志。令人肥健耐飢。忍風寒。久食輕身。不老
延年。可作酒。生山谷。

名醫曰。生隴西。五原。敦煌。

案。史記大宛列傳云。大宛左右以蒲葇爲酒。漢使取其實來。於是天子始種苜
蓿。蒲葇。葡萄。肥饒地。或疑此本經不合。有蒲葇。各醫所增。當爲黑字。然周禮場人云。
樹之果。蓀。珍異之物。鄭元云。珍異。葡萄。枇杷之屬。則古中國本有此。大宛種類
殊常。故漢特取來。植之。舊作葡。據史記作蒲。

葇。藥味酸平。主安五藏。益精氣。長陰令堅。強志倍力。有子。久服輕身不老。一名覆
盆。生平澤。

吳普曰。缺盆。一名決盆。甄氏本草曰。覆蓋子。一名馬瘦。一名陸荆。同
名醫曰。一名陸藥。一名陰藥。生荆山及寃句。

案說文云。藟木也。莖缺盆也。廣雅云。藟盆。陸英。莓也。爾雅云。莖。藟盆。郭璞云。覆盆也。實似莓而小。亦可食。毛詩云。葛藟藟之。陸璣云。一名巨瓜。似燕藟。亦連蔓。葉似艾白色。其子赤。可食。列僊傳云。昌容食蓬藟根。李當之云。即是人所食莓。陶宏景曰。蓬藟是根名。覆盆是實名。

雞頭實味甘平。主溼痺腰脊痠痛。補中除暴疾。益精氣強志。令耳目聰明。久服輕身不飢。耐老神僊。一名雁喙實。生池澤。

名醫曰。一名芡。生雷澤。八月采。

案說文云。芡。雞頭也。廣雅云。菴芡。雞頭也。周禮籩人加籩之實芡。鄭元云。芡。雞頭也。方言云。菴芡。雞頭也。北燕謂之菴。青徐淮泗之間謂之芡。南楚江湘之間謂之雞頭。或謂之雁頭。或謂之烏頭。淮南子說山川云。鷄頭已瘳。高誘云。水中芡。幽州謂之雁頭。古今注云。葉似荷而大。葉上感縐如沸。實有芒刺。其中有米。可以度飢。即今蕎子也。

右果上品五種。舊六種。今以橘柚入木。

胡麻味甘平。主傷中虛羸。補五內。作御覽益氣力。長肌肉。填髓腦。久服輕身不老。一

名巨勝。葉名青囊。生川澤。

吳普曰。胡麻一名方金。神農、雷公、甘無毒。一名狗蝨。立秋采。

名醫曰。一名狗蝨。一名方莖。一名鴻藏。生上黨。

案廣雅云。狗蝨。巨勝。藤菹。胡麻也。孝經援神契云。鉅勝延年。宋均云。世以鉅勝爲苟杞子。陶宏景云。本生大宛。故曰胡麻。按本經已有此。陶說非也。且與麻蕒並列。胡之言大。或以葉大於麻。故名之。

麻蕒。味辛平。主五勞七傷。利五藏。下血寒氣。多食令人見鬼狂走。久服通神明。輕身。一名麻勃。麻子味甘平。主補中益氣。肥健不老。神僊。生川谷。

吳普曰。麻子中仁。神農、歧伯、辛。雷公、扁鵲、無毒。不欲牡厲。白薇。先藏地中者。食殺人。麻藍一名麻蕒。一名青欲。一名青葛。神農、辛。歧伯、有毒。雷公、甘。畏牡厲。白薇。葉上有毒。食殺人。麻勃一名麻花。雷公、辛。無毒。畏牡厲。

名醫曰。麻勃。此麻花上勃勃者。七月七日采。良。子九月采。生太山。

案說文云。麻與林同。人所治在屋下。泉麻也。葩。泉實也。或作麇。葶麻母也。蕒。葶也。以蕒爲襍香草。爾雅云。麇。泉實。泉麻。孫炎云。麇麻子也。郭璞云。別二名。又葶。

麻母。郭璞云。苴麻盛子者。周禮籩朝事之。籩其實麩麩。鄭云。麩。泉實也。鄭司農云。麻實曰麩。淮南子齊俗訓云。胡人見麩。不知其可以爲布。高誘云。麩。麻實也。據此則宏景以爲牡麻無實。非也。唐本以爲麻實。是。

右米穀上品二種。舊三種。今以青蘘入草。

冬葵子。味甘寒。主五藏六府寒熱。羸瘦五癢。利小便。久服堅骨長肌肉。輕身延年。名醫曰。生少室山。十二月采之。

案。說文云。𦉰。古文終葵菜也。廣雅云。歸。葵也。攷𦉰與終形相近。當卽爾雅葵葵。爾雅云。葵。葵繁露。郭璞云。承露也。大莖小葉。華紫黃色。本草圖經云。吳人呼爲繁露。俗呼胡燕支子。可婦人塗面。及作口脂。按。名醫別有落葵條。一名繁露。亦非也。陶宏景以爲終冬至春作子。謂之冬葵。不經甚矣。

萹實。味甘寒。主青盲明目。除邪。利大小便。去寒熱。久服益氣力。不飢輕身。一名馬萹。

名醫曰。一名莫實。生淮陽及田中。葉如藍。十一月采。

案。說文云。萹。萹菜也。爾雅云。萹。赤萹。郭璞云。今萹菜之赤莖者。李當之云。萹實。

當是今白莧。唐本注云。赤莧。一名藎。今名莫。實字誤。

瓜蒂味苦寒。主大水身面四肢浮腫。下水殺蠱毒。欬逆上氣。及食諸果病在胸腹中。皆吐下之。生平澤。

名醫曰。生蒿高。七月七日采陰乾。

案。說文云。瓜。瓜也。象形。蒂。瓜當也。廣雅云。水芝。瓜也。陶宏景云。甜瓜蒂也。瓜子味甘平。主令人悅澤好顏色。益氣不飢。久服輕身耐老。一名水芝。御覽作生平澤。

吳普曰。瓜子一名辦。七月七日采。可作面脂。

名醫曰。一名白瓜子。生蒿高。冬瓜仁也。八月采。


案。說文云。辦。瓜中實。廣雅云。冬瓜。蔬也。其子謂之瓠。陶宏景云。白當為甘。舊有

白字。據名醫云。一名白瓜子。則本名當無。

苦菜。味苦寒。主五藏邪氣。厭穀胃痺。久服安心益氣。聰察少臥。輕身耐老。一名茶草。一名選。生川谷。

名醫曰。一名游冬。生益州山陵道旁。凌冬不死。三月三日采陰乾。

案說文云。茶。苦菜也。廣雅云。游冬苦菜也。爾雅云。茶。苦菜。又檟苦茶。郭璞云。樹小如梔子。冬生。葉可煮作羹。今呼早采者爲茶。晚取者爲茗。一名薺。蜀人名之。苦菜。陶宏景云。此卽是今茗。茗一名茶。又令人不眠。亦凌冬不凋。而兼其止。生益州。唐本注駁之非矣。選與薺音相近。右。菜上品五種。舊同。





神農本草經

下

60.08/28
3.300



3 0466 5934 2

中國醫學大成第一集

藥物類

神農本草經 下

上海大東書局印行

254595

神農本草經

卷一 中經

中藥一百二十種爲臣。主養性以應人。無毒有毒。斟酌其宜。欲遏病補羸者本中經。

雄黃	石硫黃	雌黃	水銀	石膏	慈石
凝水石	陽起石	孔公孽	殷孽	鐵精落	理石
長石	膚青				

右玉石中品十四種。舊十六種。

清	清	魏			
鄞縣	建德	陽湖	周學海	曹炳章	鄞縣
曹炳章	周學海	孫覲	周學海	曹炳章	鄞縣
曹炳章	周學海	孫覲	周學海	曹炳章	鄞縣
曹炳章	周學海	孫覲	周學海	曹炳章	鄞縣

乾薑 泉耳實 葛根 括樓 苦參 當歸

麻黃 通草 芍藥 蠱實 瞿麥 元參

秦艽 百合 知母 貝母 白蔞 淫羊藿

黃芩 狗脊 石龍芮 茅根 紫苑 紫草

敗醬 白鮮皮 酸醬 紫參 橐本 石韋

草薺 白薇 水萍 王瓜 地榆 海藻

澤蘭 防己 款冬華 牡丹 馬先蒿 積雪草

女苑 王孫 蜀羊泉 爵床 假蘇 翹根

右、草中品四十九種。舊四十六種。

桑根白皮 竹葉 吳茱萸 卮子 蕪荑 枳實

厚朴 秦皮 秦茱 山茱萸 紫葳 猪苓

白棘 龍眼 松蘿 衛矛 合歡

右、木中品一十七種。舊同。

白馬莖 鹿茸 牛角鯁 殺羊角 狗陰莖 麤羊角

犀角

右、獸中品七種。舊同。

燕屎 天鼠屎

右、禽中品二種。舊三種。

蝟皮 露蜂房 鼈甲

烏賊魚骨 白僵蠶 鮫魚甲

木 蠹 蜚 蠹 蜚 蠹 廉

右、蟲魚中品一十七種。舊十六種。

梅實

右、果中品一種。舊同。

大豆黃卷 赤小豆 粟 黍 米

右、米穀中品三種。舊二種。

蓼 實 葱 實 籩 水 蘇

右、菜中品三種。舊同。

柞 蟬 石龍子 蟪 蟪

伏翼

蟹 雞

鷹 蟲

雄黃。味苦平寒。主寒熱鼠痿惡創。疽痔死肌。殺精惡物。鬼邪氣。百蟲毒。勝五兵。鍊食之。輕身神僊。一名黃食石。生山谷。

吳普曰。雄黃。神農。苦。山陰有丹。雄黃生山之陽。故曰雄。是丹之雄。所以名雄黃。名醫曰。生武都敦煌山之陽。采無時。

案。西山經云。高山其下多雄黃。郭璞云。晉太興三年。高平郡界有山崩。其中出數千斤雄黃。抱朴子僊藥篇云。雄黃當得武都山所出者。純而無雜。其赤如鷄冠。光明曄曄。乃可用耳。其但純黃似雌黃色。無赤光者。不任以作仙藥。可以合理病藥耳。

石硫黃。流舊作硫。御引作流。是味酸溫。主婦人陰蝕。疽痔惡血。堅筋骨。除頭禿。能化金銀銅鐵奇物。御覽引云。石硫青白色。主益肝氣。明目。石硫赤生羌道山谷。生山谷。

吳普曰。硫黃一名石留黃。神農。黃帝。雷公。鹹有毒。醫和。扁鵲。苦無毒。或生易陽。或河西。或五色黃。是潘水石液也。潘御鑿。古字。燒令有紫燄者。八月九月采。治婦人血結。御覽云。治婦人經。能合金銀銅鐵。

名醫曰。生東海牧羊山及太山河西山。鑿石液也。

案。范子計然云。石流黃出漢中。又云。劉馮餌石流黃而更少。劉逵注吳都賦云。流黃。土精也。

雌黃。味辛平。主惡創頭禿痂疥。殺毒蟲。蝨身痒邪氣。諸毒。鍊之久服。輕身。增年不老。生山谷。

名醫曰。生武都。與雄黃同山。生。其陰山有金。金精熏則生雌黃。采無時。

水銀。味辛寒。主疥癬。痂瘍。白禿。殺皮膚中蝨。墮胎除熱。殺金銀銅錫毒。鎔化還復。爲丹。久服。神仙不死。生平土。

名醫曰。一名汞。生符陵。出於丹砂。

案。說文云。頰。丹砂所化。爲水銀也。廣雅云。水銀謂之汞。淮南子地形訓云。白礬。九百歲生。白頰。白頰。九百歲生。白金。高誘云。白頰。水銀也。

石膏。味辛微寒。主中風寒熱。心下逆氣。驚喘。口乾舌焦。不能息。腹中堅痛。除邪鬼。產乳。金創。生山谷。

名醫曰。一名細石。生齊山及齊盧山。魯蒙山。采無時。

慈石。味辛寒。主周痺風溼。肢節中痛。不可持物。洗洗酸消。除大熱。煩滿及耳聾。一

名元石。生山谷。

吳普曰。慈石一名礪君。

名醫曰。一名處石。生太山及慈山。山陰有鐵處。則生其陽。采無時。

案。北山經云。灌題之山。其中多礪石。郭璞云。可以取鐵。管子地數篇云。山上有慈石者。下必有銅。呂氏春秋精通篇云。慈石召鐵。淮南子說山訓云。慈石能引鐵。只作礪。舊作礪。非。名醫別出元石條。亦非。

凝水石。味辛寒。主身熱腹中積聚邪氣。皮中如火燒煩滿。水飲之。久服不飢。一名白水石。生山谷。

吳普曰。神農辛。歧伯醫和。扁鵲甘無毒。李氏大寒。或生邯鄲。采無時。如雲母色。
御覽引云一名寒水石

名醫曰。一名寒水石。一名凌水石。鹽之精也。生常山。又中水縣及邯鄲。

案。范子計然云。凝水石出河東。色澤者善。

陽起石。味鹹微溫。主崩中漏下。破子臧中血。癥瘕結氣。寒熱腹痛無子。陰痿不起。
御覽引作補不足。御覽引有。一名白石。生山谷。

吳普曰。陽起石。神農。扁鵲。酸無毒。桐君。雷公。歧伯。鹹無毒。李氏。小寒。或生太山。
御覽引云。或陽起山采無時。

名醫曰。一名石生。一名羊起石。雲母根也。生齊山及琅邪。或雲山。陽起山。采無時。

孔公孽。味辛溫。主傷食不化。邪結氣惡。創疽瘰癧。利九竅。下乳汁。御覽引云。一名黑生山谷。

吳普曰。孔公孽。神農。辛。歧伯。鹹。扁鵲。酸無毒。色青黃。

名醫曰。一名通石。殷孽根也。青黃色。生梁山。

殷孽。味辛溫。主爛傷。瘀血。洩利。寒熱。鼠瘻。癥瘕。結氣。一名薑石。生山谷。按此皆與條一

名醫曰。鍾乳根也。生趙國。又梁山及南海。采無時。

鐵精平。主明目化銅。鐵落。味辛平。主風熱。惡創。瘍疽。創痂。疥氣。在皮膚中。鐵。主堅肌耐痛。生平澤。普爲三條。今并。

名醫曰。鐵落。一名鐵液。可以染阜。生牧羊及沓城。或析城。采無時。

案、說文云。鐵、黑金也。

理石。味辛寒。主身熱。利胃解煩。益精明目。破積聚。去三蟲。一名立制石。生山谷。

名醫曰。一名肌石。如石膏。順理而細。生漢中及廬山。采無時。

長石。味辛寒。主身熱。四肢寒厥。利小便。通血脈。明目去翳眇。下三蟲。殺蟲毒。久服不飢。一名方石。生山谷。

吳普曰。長石一名方石。一名直石。生長于山谷。如馬齒。潤澤。玉色。長鮮。服之不

飢。御覽

名醫曰。一名土石。一名直石。理如馬齒。方而潤澤。玉色。生長于山及太山臨淄。

采無時。

膚青。味辛平。主蟲毒及蛇菜肉諸毒。惡創。生川谷。

名醫曰。一名推青。一名推石。生益州。

案。陶宏景云。俗方及僊經並無用此者。亦相與不復識。

右。玉石中品一十四種。舊十六種。攷鐵落鐵。宜與鐵精爲一。

乾薑。味辛溫。主胸滿。欬逆。上氣。溫中止血。出汗。逐風。溼痺。腸澼。下利。生者尤良。久

服去臭氣。通神明。生川谷。

名醫曰。生犍爲及荊州揚州。九月采。

案。說文云。薑。御溼之菜也。廣雅云。蔞。廉薑也。呂氏春秋本味篇云。和之美者。陽樸之薑。高誘注。陽樸地名。在蜀郡。司馬相如上林賦。有茆薑云云。

象耳實。味甘溫。主風頭寒痛。風溼周痺。四肢拘攣痛。惡肉死肌。久服益氣。耳目聰明。強志輕身。一名胡象。一名地葵。生川谷。

名醫曰。一名菴。一名常思。生安陸及六安田野。實熟時采。

案。說文云。菴。卷耳也。菴。卷耳也。廣雅云。苓耳。菴。常象。胡象。象耳也。爾雅云。菴耳。菴耳。郭璞云。江東呼爲常象。形似鼠耳。叢生如盤。毛詩云。采采卷耳。傳云。卷耳。苓耳也。陸璣云。葉白青色。似胡葵。白花細莖。蔓生。可煮爲茹。滑而少味。四月中生子。正如婦人耳璫。今或謂之耳璫艸。鄭康成謂是白胡葵。幽州人謂之爵耳。淮南子覽冥訓云。位賤尙象。高誘云。藁者藁耳。菜名也。幽冀謂之檀菜。雜下謂之胡象。

葛根。味甘平。主消渴。身大熱。嘔吐諸痺。起陰氣。解諸毒。葛穀主下利。十歲已上。一

名鷄齊根。生川谷。

吳普曰。葛根。神農。甘。生太山。

名醫曰。一名鹿藿。一名黃斤。生汶山。五月采根暴乾。

括樓根。味苦寒。主消渴身熱。煩滿大熱。補虛安中。續絕傷。一名地樓。生川谷及山陰。

吳普曰。括樓一名澤耳。一名澤姑。

寬御

名醫曰。一名果臝。一名天瓜。一名澤姑。實名黃瓜。二月八月采根暴乾。三十日成。生宏農。

案說文云。萆萆。蔓果。臝也。廣雅云。王白萆也。王萆爲爾雅云。果臝之實。括樓。郭璞云。今齊人呼之爲天瓜。毛詩云。果臝之實。亦施于宇。傳云。果臝。括樓也。呂氏春秋云。王善生。高誘云。善。或作瓜。瓠瓠也。按。呂氏春秋善字。乃萆之誤。

苦參。味苦寒。主心腹結氣。癥瘕積聚。黃疸。溺有餘瀝。逐水除癰腫。補中明目止淚。一各水槐。一名苦識。生山谷及田野。

名醫曰。一名地槐。一名菟槐。一名驕槐。一名白莖。一名虎麻。一名岑莖。一名祿

曰。一名陵朗。生汝南。三月八月十月采根暴乾。

當歸味甘溫。主欬逆上氣。溫瘧寒熱。洗在皮膚中。大觀本洗音辭。婦人漏下絕子。諸惡創

瘍金創。煮飲之。一名乾歸。生川谷。

吳普曰。當歸神農黃帝桐君扁鵲甘無毒。歧伯雷公辛無毒。李氏小溫。或生羌胡地。

名醫曰。生隴西。二月八月采根陰乾。

案廣雅云。山蘄當歸也。爾雅云。蘄山蘄。郭璞云。今似蘄而麤大。又蔣白蘄。郭璞云。卽上山蘄。范子計然云。當歸出隴西。無枯者善。

麻黃味苦溫。主中風傷寒。頭痛溫瘧。發表出汗。去邪熱氣。止欬逆上氣。除寒熱。破癥堅積聚。一名龍沙。

吳普曰。麻黃一名卑相。一名卑監。神農雷公苦無毒。扁鵲酸無毒。李氏平。或生河東。四月立秋采。御覽

名醫曰。一名卑相。一名卑鹽。生晉地及河東。立秋采莖陰乾令青。

案廣雅云。龍沙麻黃也。麻黃莖狗骨也。范子計然云。麻黃出漢中三輔。

通草。御覽作味辛平。主去惡蟲。除脾胃寒熱。通利九竅。血脈關結。令人不忘。一名附支。生山谷。

吳普曰。蓮草一名丁翁。一名附支。神農、黃帝、辛。雷公、苦。生石城山谷。葉菁蔓延。生汁白。正月采。御覽

名醫曰。一名丁翁。生石城及山陽。正月采枝陰乾。

案廣雅云。附支通草也。中山經云。升山其草多寇脫。郭璞云。寇脫草生南方。高丈許。似荷葉而莖中有瓢。正白。零陸人植而日灌之。以爲樹也。爾雅云。離南活莧。郭璞注同。又倚商活脫。郭璞云。卽離南也。范子計然云。蓮草出三輔。

芍藥。味苦平。主邪氣腹痛。除血痺。破堅積。寒熱。疝瘕。止痛。利小便。益氣。藏文類聚

本作大。號生川谷及邱陵。

吳普曰。芍藥。神農、苦。桐君、甘。無毒。歧伯、鹹。李氏、小寒。雷公、酸。一名甘積。一名解倉。一名誕。一名餘容。一名白朮。三月三日采。

名醫曰。一名白朮。一名餘容。一名犁食。一名解食。一名誕。生中岳。二月八月采。根暴乾。

案廣雅云。攣夷。芍藥也。白朮。牡丹也。北山經云。繡山其草多芍藥。郭璞云。芍藥一名辛夷。亦香草屬。毛詩云。贈之以芍藥。傳云。芍藥香草。范子計然云。芍藥出三輔。崔豹古今注云。芍藥有二種。有草芍藥。有木芍藥。木者花大而色深。俗呼爲牡丹。非也。又云。一名可離。

蠱實。味甘平。主皮膚寒熱。胃中熱氣。風寒溼痺。堅筋骨。令人嗜食。久服輕身。花葉去白蟲。一名劇草。一名三堅。一名豕首。生川谷。

吳普曰。蠱實一名劇草。一名三堅。一名劇荔花。一名澤藍。一名豕首。神農黃帝甘辛無毒。生宛句。五月采。上。

名醫曰。一名荔實。生河東。五月采。實陰乾。

案說文云。荔。草也。似蒲而小。根可作刷。廣雅云。馬薺。荔也。月令云。仲冬之月。荔挺出。鄭云。荔。挺馬薺也。高誘注。淮南子云。荔。馬薺草也。通俗文云。一名馬薺。顏之推云。此物河北平澤。率生之。江東頗多種於階庭。但呼爲早蒲。故不識馬薺。瞿麥。味苦寒。主關格諸癰結。小便不通。出刺決癰腫。明目去翳。破胎墮子。下閉血。一名巨句麥。生川谷。

名醫曰。一名大菊。一名大蘭。生大山。立秋采實陰乾。

案。說文云。蓬。蓬麥也。菊。大菊。蓬麥。廣雅云。茆。威陵。茆。蓬麥也。爾雅云。大菊。蓬麥。

郭璞云。一名麥。句。薑。卽瞿麥。陶宏景云。子頗似麥。故名瞿麥。

元參。味苦微寒。主腹中寒熱積聚。女子產乳餘疾。補腎氣。令人目明。一名重台。生

川谷。

吳普曰。元參一名鬼藏。一名正馬。一名重臺。一名鹿腹。一名端。一名元臺。神農、

桐君、黃帝、雷公、扁鵲、苦無毒。歧伯、鹹。李氏、寒。或生冤胸山陽。二月生。葉如梅毛。

四四相值似芍藥。黑莖。方高四五尺。花赤。生枝間。四月實黑。覽御

名醫曰。一名元臺。一名鹿腸。一名正馬。一名減。一名端。生河間及冤句。三月四

月采根暴乾。

案。廣雅云。鹿腸。元參也。苑子計然云。元參出三輔。青色者善。

秦苳。味苦平。主寒熱邪氣。寒溼風痺。肢節痛。下水利小便。生山谷。

名醫曰。生飛鳥山。二月八月采根暴乾。

案。說文云。菑。草之相斗者。玉篇作苳。居包切。云。秦苳藥。兗同。蕭炳云。本經名秦

瓜。然則今本經名。亦有名醫改之者。

百合味甘平。主邪氣腹脹心痛。利大小便。補中益氣。生川谷。

吳普曰。百合一名重邁。一名中庭。生冤胸及荆山。藏文類聚引云。一名重臣。

名醫曰。一名重箱。一名摩羅。一名中逢花。一名強瞿。生荊州。二月八月采根暴乾。

案玉篇云。播。百合蒜也。

知母味苦寒。主消渴熱中。除邪氣。肢體浮腫。下水補不足。益氣。一名蜚母。一名連母。一名野蓼。一名地參。一名水參。一名水浚。一名貨母。一名蜚母。生川谷。

吳普曰。知母。神農。桐君。無毒。補不足。益氣。御覽引云。一名提母。

名醫曰。一名女雷。一名女理。一名兒草。一名鹿列。一名韭逢。一名兒躡草。一名

東根。一名水須。一名沈燔。一名薺。生河內。二月八月采根暴乾。

案說文云。芑。芑母也。薺。芑薺也。或从爻作薺。廣雅云。芑母。兒躡東根也。爾雅云。

薺。薺薺。郭璞云。生山上。葉如韭。一曰蜚母。范子計然云。蜚母出三輔。黃白者善。玉篇作蜚母。

貝母。味辛平。主傷寒煩熱。淋瀝邪氣。疝瘕喉痺。乳難。金創風瘡。一名空草。

名醫曰。一名藥實。一名苦花。一名苦菜。一名商瞿草。一名勤母。生晉地。十月采根暴乾。

案說文云。商。貝母也。廣雅云。貝。父。藥實也。爾雅云。商。貝母。郭璞云。根如小貝。圓而白花。葉似韭。毛詩云。言采其蟲。傳云。蟲。貝母也。陸璣云。其葉如括蕒而細小。其子在根下。如芋子正白。四方連累相著。有分解也。

白芷。味辛溫。主女人漏下赤白。血閉陰腫。寒熱風頭。侵目淚出。長肌膚潤澤。可作面脂。一名芳香。生川谷。

吳普曰。白芷一名蠶。一名苻離。一名澤芬。一名旣。覽。

名醫曰。一名白芷。一名蠶。一名苻離。一名澤芬。葉一名蒿麻。可作浴湯。生河東下澤。二月八月采根暴乾。

案說文云。芷。蠶也。蠶。楚謂之離。晉謂之蠶。齊謂之芷。廣雅云。白芷其葉謂之葍。西山經云。號山其草多葍。郭璞云。葍。白芷別名。蠶。香草也。淮南子修務訓云。身苦秋葍被風高誘云。葍。白芷。香草也。王逸注楚詞云。藥。白芷。按。名醫一名莞。

云云。似卽爾雅莞苻離其上鬲。而說文別有曉。夫離也。蒿夫離上也。是非一草。舍人云。白蒲一名苻離。楚謂之莞。豈蒲與苻相似。而名醫誤合爲一乎。或說文云。楚謂之離。卽夫離也。未可得詳。舊作苻。非。

淫羊藿。味辛寒。主陰痿絕傷。莖中痛。利小便。益氣力。強志。一名剛前。生山谷。

吳普曰。淫羊藿。神農。雷公。辛。李氏。小寒。堅骨。

御覽

名醫曰。生上郡陽山。

黃芩。味苦平。主諸熱黃疸。腸澼洩利。逐水下血閉。惡創疽蝕火瘍。一名腐腸。生川谷。

吳普曰。黃芩一名黃文。一名妒婦。一名虹勝。一名經芩。一名印頭。一名內虛。神農。桐君。黃帝。雷公。扁鵲。苦無毒。李氏。小溫。二月生。赤黃葉。兩兩四四相值。莖空中。或方圓。高三四尺。四月花紫紅赤。五月實黑。根黃。二月至九月采。御覽

名醫曰。一名空腸。一名內虛。一名黃文。一名經芩。一名妒婦。生秣歸及寃句。三

月三日采根陰乾。

案說文云。荃。黃荃也。廣雅云。菇。芎。黃文。內虛。黃芩也。范子計然云。黃芩出三輔。

色黃者善。

狗脊味苦平。主腰背強。關機緩急。周痺。寒溼。鄒痛。頗利老人。一名百枝。生川谷。

吳普曰。狗脊一名狗青。一名赤節。神農。苦。桐君。黃帝。歧伯。雷公。扁鵲。甘無毒。李氏。小溫。如萆薢。莖節如竹。有刺。葉圓。赤根黃白。亦如竹根。毛有刺。歧伯經云。莖長節。葉端員。青赤。皮白。有赤脈。

名醫曰。一名強脊。一名扶蓋。一名扶筋。生常山。二月八月采根暴乾。

案。廣雅云。菝葜。狗脊也。玉篇云。菝葜。狗脊根也。名醫別出菝葜條。非。

石龍芮味苦平。主風寒溼痺。心腹邪氣。利關節。止煩滿。久服輕身。明目不老。一名

魯果能。食果御覽作。一名地樞。生川澤石邊。

吳普曰。龍芮一名薑苔。一名天豆。神農。苦平。歧伯。酸。扁鵲。李氏。大寒。雷公。鹹無

毒。五月五日采。

名醫曰。一名石能。一名彭根。一名天豆。生太山。五月五日采子。二月八月采皮。

陰乾。

案。范子計然云。石龍芮。出三輔。色黃者善。

茅根味甘寒。主勞傷虛羸。補中益氣。除瘀血。血閉寒熱。利小便。其苗主下水。一名蘭根。一名茹根。生山谷田野。

名醫曰。一名地管。一名地筋。一名兼杜。生楚地。六月采根。

案。說文云。茅。菅也。菅。茅也。廣雅云。菅。茅也。爾雅云。白華野菅。郭璞云。菅。茅屬。詩云。白華。菅兮。白茅束兮。傳云。白華。野菅也。已漚爲菅。

紫菀味甘溫。主欬逆上氣。胸中寒熱結氣。去蟲毒。痿蹙。安五藏。生山谷。

吳普曰。紫菀一名青菀。

名醫曰。一名紫菀。一名青菀。生房陵及真定。邯鄲。二月三月采根。陰乾。

案。說文云。菀。茁菀。出漢中房陵。陶宏景云。白者名白菀。唐本注云。白菀卽女菀也。

紫草味苦寒。主心腹邪氣。五疸。補中益氣。利九竅。通水道。一名紫丹。一名紫芙。覽

引云一名地血生山谷。大觀本無文

吳普曰。紫草節赤。二月花。

名醫曰。生碭山及楚地。三月采根。陰乾。

案說文云。苳草也。藐苳草也。葇草也。可以染留黃。廣雅云。苳葇苳草也。山海經云。勞山多苳草。郭璞云。一名紫葇。中染紫也。爾雅云。藐苳草。郭璞云。可以染紫。敗醬味苦平。主暴熱火創赤氣。疥搔疽痔。馬鞍熱氣。一名鹿腸。生川谷。

名醬曰。一名鹿首。一名馬草。一名澤敗。生江夏。八月采根暴乾。

案。范子計然云。敗醬出三輔。陶宏景云。氣如敗醬。故以爲名。

白鮮味苦寒。主頭風黃疸。欬逆淋瀝。女子陰中腫痛。溼痺死肌。不可屈伸。起止行步。生川谷。

名醬曰。生上谷及冤句。四月五月采根陰乾。

案。陶宏景云。俗呼爲白羊鮮。氣息正似羊羶。或名白羶。

酸醬味酸平。主熱煩滿。定志益氣。利水道。產難。吞其實立產。一名醋醬。生川澤。

吳普曰。酸醬一名酢醬。覽御

名醬曰。生荆楚及人家田園中。五月采陰乾。

案。爾雅云。葇寒醬。郭璞云。今酸醬草。江東呼曰苦葇。

紫參味苦辛寒。主心腹積聚。寒熱邪氣。通九竅。利大小便。一名牡蒙。生山谷。

吳普曰。伏蒙一名紫參。一名泉戎。一名音腹。一名伏菟。一名重傷。神農、黃帝、苦李氏、小寒。生河西山谷。或宛句。商山。圓聚生根。黃赤有文。皮黑中紫。五月花紫赤。實黑大如豆。三月采根。御覽大觀本節文

名醫曰。一名衆戎。一名童腸。一名馬行。生河西及宛句。三月采根。火炙使紫色。案。范子計然云。紫參出三輔。赤青色者善。

藁本。味辛溫。主婦人疝瘕。陰中寒腫痛。腹中急。除風頭痛。長肌膚。說顏色。一名鬼卿。一名地新。生山谷。

名醫曰。一名微莖。生崇山。正月二月采根。暴乾。三十日成。

案。廣雅云。山萑蔚香。藁本也。管子地員篇云。五臭疇生藁本。荀子大略篇云。蘭。萑藁本。漸于蜜醴。一佩易之。樊光注爾雅云。藁本一名麋蕪。根名蘄芷。舊作藁非。

石韋。味苦平。主勞熱邪氣。五癰閉不通。利小便水道。一名石韠。生山谷石上。

名醫曰。一名石皮。生華陰山谷。不聞水及人聲者良。二月採葉陰乾。

葶藶。味苦平。主腰背痛。強骨節。風寒溼周痺。惡創不瘳。熱氣。生山谷。

名醫曰。一名赤節。生真定。八月采根暴乾。

案博物志云。菝葜與草薺相亂。

白薇。味苦平。主暴中風。身熱肢滿。忽忽不知。人狂感邪氣。寒熱酸疼。溫瘧洗洗。發作有時。生川谷。

名醫曰。一名白幕。一名微草。一名春草。一名骨美。生平原。三月三日采根陰乾。

水萍。味辛寒。主暴熱身痒。載文類聚初學記作癢此是下水氣。勝酒長須髮。載文類聚消渴。久

服輕身。一名水華。載文類聚水劇。生池澤。

吳普曰。水萍一名水廉。生澤水上。葉圓小。一莖一葉。根入水。五月華白。三月采

日乾。覽御

名醫曰。一名水白。一名水蘇。生雷澤。三月采暴乾。

案說文云。萍。萍也。無根浮水而生者。萍。萍也。蕢。大萍也。廣雅云。藻。萍也。夏小正

云。七月湏潦生萍。爾雅云。萍。萍。郭璞云。水中浮萍。江東謂之藻。又其大者蘋。毛

詩云。于以采蘋。傳云。蘋。大萍也。范子計然曰。水萍出三輔。色青者善。淮南子原

道訓云。萍樹根於水。高誘云。萍。大蘋也。

王瓜。味苦寒。主消渴內痺。瘀血月閉。寒熱酸疼。益氣愈聾。一名土瓜。生平澤。

名醫曰。生魯地田野及人家垣牆間。三月采根陰乾。

案。說文云。眞。王眞也。廣雅云。賸。瓜。王瓜也。夏小正云。四月王眞秀。爾雅云。鉤。眞。菇。郭璞云。鉤。瓢也。一名王瓜。實如酌瓜。正赤。味苦。月令王瓜生。鄭元云。月令云。王眞生。孔穎達云。疑王眞則王瓜也。管子地員篇。剽土之次。曰五沙。其種大。莖細。眞白。莖青。秀以蔓。本草圖經云。大眞。卽王眞也。妨亦謂之土瓜。自別是一物。

地榆。味苦微寒。主婦人乳痃痛。七傷帶下。病止痛。除惡肉。止汗。療金創。御覽引云。主消酒。引云。

酒作黑字。而無明目。生山谷。

名醫曰。生桐柏及寃旬。二月八月采根暴乾。

案。廣雅云。菹。蔕。地榆也。陶宏景云。葉似榆而長。初生布地。而花子紫黑色如豉。

故名玉豉。

海藻。味苦寒。主癭瘤氣頸下核。破散結氣。癰腫癥瘕。堅氣。腹中上下鳴。下十二水。腫。一名落首。生池澤。

名醫曰。一名薄。生東海。七月七日采暴乾。

案說文云。薄。水草也。或作藻。廣雅云。海藻。海藻也。爾雅云。薄。海藻也。郭璞云。藥草也。一名海蘿。如亂髮。生海中。本草云。又薄。石衣。郭璞云。水苔也。一名石髮。江東食之。或曰薄葉。似籬而大。生水底也。亦可食。

澤蘭。味苦微溫。主乳婦內_{御覽作}中風餘疾。大腹水腫。身面四肢浮腫。骨節中水。金創癰腫。創膿。一名虎蘭。一名龍囊。生大澤傍。

吳普曰。澤蘭。一名水香。神農。黃帝。歧伯。桐君。酸無毒。李氏。溫。生下地。水傍。葉如蘭。二月生香。赤節。四葉相值。枝節間。

名醫曰。一名虎蒲。生汝南。三月三日采陰乾。

案。廣雅云。虎蘭。澤蘭也。

防己。味辛平。主風寒濕瘧。熱氣諸癰。除邪利大小便。一名解離。_{御覽作石解引云}大觀本六生川谷。

吳普曰。木防己。一名解離。一名解燕。神農。辛。黃帝。歧伯。桐君。苦無毒。李氏。大寒。如芳莖。蔓延如茆。白根外黃。似桔梗。內黑。又如車輻解。二月八月十月采根。_{御覽}

名醫曰。生漢中。二月八月采根陰乾。

案。范子計然云。防己出漢中旬陽。

款冬花。味辛溫。主欬逆上氣。善喘喉痹。諸驚癩。寒熱邪氣。一名橐吾。御覽一作石一名顆凍。御覽作一名虎須。一名兔奚。生山谷。

吳普曰。款冬十二月花黃白。藏文

名醫曰。一名氏冬。生常山。及上黨水傍。十一月采花陰乾。

案。廣雅云。苦萃。款凍也。爾雅云。菟奚。顆凍。郭璞云。款冬也。紫赤華。生水中。西京

雜記云。款冬花于巖冬。傅咸款冬賦序曰。仲冬之月。冰凌積雪。款冬獨敷華豔。

牡丹。味辛寒。主寒熱中風。瘦癭瘰。驚癩邪氣。除癥堅。瘀血。留舍腸胃。安五藏。療癰

創。一名鹿韭。一名鼠姑。生山谷。

吳普曰。牡丹。神農。歧伯。辛。李氏。小寒。雷公。桐君。苦無毒。黃帝。苦有毒。葉如蓬相

值。根如柏。黑中有核。二月采。八月采。暴乾。人食之。輕身益壽。

名醫曰。生巴郡。及漢中。二月八月采根陰乾。

案。廣雅云。白朮。牡丹也。范子計然云。牡丹出漢中。河內。赤色者亦善。

馬先蒿。味平。主寒熱鬼注。中風溼痺。女子帶下病無子。一名馬屎蒿。生川澤。

名醫曰。生南陽。

案。說文云。蔚。牡蒿也。廣雅云。因塵。馬先也。爾雅云。蔚。牡蒿。郭璞云。無子者。毛詩云。匪莪伊蔚。傳云。蔚。牡蒿也。陸璣云。三月始生。七月華。華似胡麻華而紫。赤。八月爲角。角似小豆。角銳而長。一名馬新蒿。按。新。先聲相近。

積雪草。味苦寒。主大熱惡創。癰疽浸淫。赤爛。皮膚赤身熱。生川谷。

名醫曰。生荊州。

案。陶宏景云。荊楚人以葉如錢。謂爲地錢草。徐儀藥圖名連錢草。本草圖經云。咸洛二京亦有。或名胡薄荷。

女莞。御覽作薺。味辛溫。主風洗洗。霍亂洩利。腸鳴上下無常處。驚癩寒熱百疾。生川谷或山陽。

吳普曰。女莞一名白莞。一名織女莞。覽

名醫曰。一名白莞。一名織女莞。一名茆。生漢中。正月二月采陰乾。

案。廣雅云。女腸。女莞也。

王孫。味苦平。主五藏邪氣。寒溼痺。四肢疼酸。鄒冷痛。生川谷。

吳普曰。黃孫一名王孫。一名蔓延。一名公草。一名海孫。神農。雷公。苦無毒。黃帝。

甘無毒。生西海山谷。及汝南城郭垣下。蔓延赤文。莖葉相當。

名醫曰。吳名白功草。楚名王孫。齊名長孫。一名黃孫。一名黃昏。一名海孫。一名

蔓延。生海西及汝南城郭下。

案。陶宏景云。今方家皆呼黃昏。又云牡蒙。

蜀羊泉。味苦微寒。主頭禿惡創熱氣。疥搔痂癬蟲療齩齒。生川谷。

名醫曰。一名羊泉。一名羊飴。生蜀郡。

案。廣雅云。黍姑艾。但鹿何澤。韜也。唐本注云。此草一名漆姑。

爵牀。味鹹寒。主腰脊痛不得著牀。俛仰艱難。除熱可作浴湯。生川谷及田野。

吳普曰。爵牀一名爵卿。

名醫曰。生漢中。

案。別本注云。今人名爲香蘇。

假蘇。味辛溫。主寒熱鼠瘻瘰癧生創。破結聚氣。下瘀血。除溼痺。一名鼠蕒。生川澤。

舊在菜部今移

吳普曰。假蘇一名鼠實。一名薑芥。翫一名荆芥。葉似落黎而細。蜀中生噉之。蠟

注 一名醫曰。一名薑芥。生漢中。

案。陶宏景云。卽荆芥也。薑荆聲譌耳。先居草部中。今人食之。錄在菜部中也。

翹根味甘寒平。御覽作味苦平主下熱氣。益陰精。令人面說好明目。久服輕身耐老。生平

澤。舊在唐本退中今移

吳普曰。翹根。神農。雷公。甘有毒。三月八月采。以作蒸飲酒病人。

名醫曰。生蒿高。二月八月采。

案。陶宏景云。方藥不復用。俗無識者。

右草中品四十九種。舊四十六種。攷菜部假蘇及唐本退中翹根宜入此。

桑根白皮。味甘寒。主傷中。五勞六極羸瘦。崩中脈絕。補虛益氣。葉主除寒熱出汗。

桑耳黑者。主女子漏下赤白汁。血病癥瘕積聚。陰痛陰陽寒熱無子。五木耳名櫛。

益氣不飢。輕身強志。生山谷。

名醫曰。桑耳一名桑菌。一名木麥。生犍爲。六月多雨時采。卽暴乾。

案。說文云。桑。蠶所食葉。木莢。木耳也。董。桑莢。爾雅云。桑瓣有甚梔。舍人云。桑樹一半有甚。半無甚。名梔也。郭璞云。瓣半也。又女桑。槎桑。郭璞云。今俗呼桑樹小而條長者爲女桑樹。又壓山桑。郭璞云。似桑材中作弓及車轂。又桑柳槐條。郭璞云。阿那垂條。

竹葉。味苦平。主欬逆上氣。溢筋急。惡瘍。殺小蟲。根作湯。益氣止渴。補虛下氣。汁主風痊。實通神明。輕身益氣。

名醫曰。生益州。

案。說文云。竹。冬生草也。象形下亟者。筍。箬也。

吳茱萸。御覽引無。味平溫。主溫中下氣。止痛。欬逆寒熱除溼。血痺逐風邪。開溱舊作溱。覽理。根殺三蟲。一名藪。生山谷。

名醫曰。生寃句。九月九日采。陰乾。

案。說文云。茱。茱萸。茱屬。萸。茱萸也。續煎茱萸。漢律會稽獻藪一斗。廣雅云。梔。檄。檄。檄。茱萸也。三蒼云。茱。茱萸也。爾雅云。椒。檄。醜。茱。郭璞云。茱萸子聚生成。

房貌。今江東亦呼菜檄。似茱萸而小赤色。禮記云。三牲用藪。鄭云。藪煎。茱萸也。漢律會稽獻焉。爾雅謂之檄。范子計然云。茱萸出三輔。陶宏景云。禮記名藪。而俗中呼爲藪子。當是不識藪字似藪字。因以相傳。

后舊作甝。藏及御覽引作支。疑子。味苦寒。主五內邪氣。胃中熱氣。面赤酒泡鼓鼻。白賴赤癩。創瘍。一名木丹。生川谷。

名醫曰。一名越桃。生南陽。九月采實暴乾。

案。說文云。梘。黃木可染者。廣雅云。梘子。楸桃也。史記貨殖傳云。巴蜀地饒梘。集解云。徐廣曰。音支。烟支也。紫赤色也。據說文。當爲梘。

蕪。美。味辛。主五內邪氣。散皮膚骨節中淫。淫溫行毒。去三蟲。化食。一名無姑。一名蕪瑯。御覽引云。逐寸白散腹中。溫經喘息。大觀本作黑字。生川谷。

名醫曰。一名蕪漬。生晉山。三月采實陰乾。

案。說文云。梗。山榆有束莢。可爲蕪。蕪者。廣雅云。山榆母。估也。爾雅云。葢。蕪。藪。藪。郭璞云。一名白蕪。又無姑。其實夷。郭璞云。無姑。姑。榆也。生山中。葉圓而厚。剝取皮合漬之。其味辛香。所謂蕪。蕪。范子計然云。蕪。蕪在地赤心者善。

枳實、味苦寒。主大風在皮膚中。如麻豆苦痒。御覽作除寒熱結止利。舊作利是長肌肉利五藏。益氣輕身。生川澤。

吳普曰。枳實苦。雷公。酸無毒。李氏。大寒。九月十月采陰乾。覽

名醫曰。生河內。九月十月采陰乾。

案。說文云。枳木似橘。周禮云。橘踰淮而化爲枳。沈括補筆談云。六朝以前。醫方

唯有枳實。無枳殼。後人用枳之小嫩者爲枳實。大者爲枳殼。

厚朴、味苦溫。主中風傷寒。頭痛寒熱。驚悸氣血痺死肌。去三蟲。

吳普曰。厚朴。神農。歧伯。雷公。苦無毒。李氏。小溫。御覽引云一名

名醫曰。一名厚皮。一名赤朴。其樹名榛。其子名逐。生交趾冤句。九月十月采皮

陰乾。

案。說文云。朴。木皮也。榛。木也。廣雅云。重皮。厚朴也。苑子計然云。厚朴出宏農。按

今俗以榛爲栗。不知是厚朴。說文。榛。栗字作栗。

秦皮、味苦微寒。主風寒溼痺。洗洗寒氣。除熱。目中青翳白膜。久服頭不白。輕身。生川谷。

吳普曰。岑皮一名秦皮。神農、雷公、黃帝、歧伯、酸無毒。李氏、小寒。或生窻句水邊。二月八月采。御覽

名醫曰。一名岑皮。一名石檀。生廬江及窻句。二月八月采皮陰乾。

案說文云。櫟青皮木。或作櫟。淮南子。傲真訓云。櫟木色青翳。高誘云。櫟木。苦歷木也。生于山。剝取其皮。以水浸之。正青皮。洗眼愈人目中膚翳。據吳普云。岑皮名秦皮。本經作秦皮者。後人以俗稱改之。當爲岑皮。

秦菜。味辛溫。主風邪氣。溫中除寒痺。堅齒髮明目。久服輕身好顏色。耐老增年通神。生川谷。

名醫曰。生太山及秦嶺上。或琅邪。八月九月采實。

案說文云。菜菜菜菜。菜櫟實裏如麥者。椒似菜黃。出淮南。廣雅云。櫟林菜黃也。北山經云。景山多秦椒。郭璞云。子似椒而細葉草也。爾雅云。櫟大椒。郭璞云。今椒樹叢生實大者。名爲櫟。又椒櫟醜菜。郭璞云。菜黃子聚成房貌。今江東亦呼菜櫟。似菜黃而小赤色。毛詩云。椒聊之實。傳云。椒聊。椒也。陸璣云。椒樹似菜黃。有鍼刺。葉堅而滑澤。蜀人作茶。吳人作茗。皆合煮其葉以爲香。范子計然云。秦

椒出天水隴西。細者善。淮南子人間訓云。申椒杜蒔。美人之所懷服。舊作椒。非。據山海經有秦椒。生聞喜景山。則秦非秦地之秦也。

山茱萸。味酸平。主心下邪氣。寒熱。溫中逐寒。溼痺。去三蟲。久服輕身。一名蜀棗。生山谷。

吳普曰。山茱萸一名魁實。一名鼠矢。一名雞足。神農。黃帝。雷公。扁鵲。酸無毒。歧伯。辛。一經。酸。或生冤句琅邪。或東海承縣。葉如梅有刺毛。二月華如杏。四月實如酸棗。赤。五月采實。覽御

名醫曰。一名雞足。一名魏實。生漢中及琅邪冤句東海承縣。九月十月采實陰乾。

紫葳。味酸。御覽作鹹。微寒。主婦人產乳餘疾。崩中癥瘕。血閉。寒熱。羸疲。養胎。生川谷。

吳普曰。紫葳一名武葳。一名瞿麥。一名陵居腹。一名鬼目。一名茱華。神農。雷公。酸。歧伯。辛。扁鵲。苦鹹。黃帝。甘無毒。如麥根黑。正月八月采。或生真定。覽御

名醫曰。一名陵苕。一名茱華。生西海及山陽。

案廣雅云。茱葳。陵苕。蘧麥也。爾雅云。苕。陵苕。郭璞云。一名陵時。本草云。又黃華。

薰。白華芡。郭璞云。茗華色異。各亦不同。毛詩云。茗之華。傳云。茗陵。茗也。范子計然云。紫葳出三輔。李當之云。是瞿麥根。據李說。與廣雅合。而唐本注引爾雅注。有一名陵霄四字。謂卽陵霄花。陸璣以爲鼠尾。疑皆非。故不采之。

豬苓。味甘平。主痰瘧。解毒蠱。注御覽作姓不祥。利水道。久服輕身耐老。御覽作能老一名猥豬。生山谷。

吳普曰。豬苓。神農。甘。雷公。苦無毒。御覽引云。八月採。

名醫曰。生衡山及濟陰寃句。二月八月采。陰乾。

案。莊子云。豕零。司馬彪注。作豕囊。云。一名豬苓。根似豬卵。可以治渴。白棘。味辛寒。主心腹痛。癰腫潰膿。止痛。一名棘鍼。生川谷。

名醫曰。一名棘刺。生雍州。

案。說文云。棘。小棗叢生者。爾雅云。髦顛棘。孫炎云。一名白棘。李當之云。此是酸棗樹鍼。今人用天門冬苗代之。非是真也。按經云。天門冬一名顛勒。勒棘聲相近。則今人用此。亦非無因也。

龍眼。味甘平。主五藏邪氣。安志厭食。久服強魂聰明。輕身不老。通神明。一名益智。

生山谷。

吳普曰。龍眼一名益智。要術一名比目。鱗

名醫曰。其大者似栳。生南海。

案。廣雅云。益智。龍眼也。劉達注。吳都賦云。龍眼如荔枝而小。圓如彈丸。味甘勝荔枝。蒼梧交阯。南海。合浦皆獻之。山中人家亦種之。

松羅。味苦平。主瞋怒邪氣。止虛汗頭風。女子陰寒腫病。一名女蘿。生山谷。

名醫曰。生熊耳山松樹上。五月采。陰乾。

案。廣雅云。女蘿。松蘿也。毛詩云。烏與女蘿。傳云。女蘿。菟絲。松蘿也。陸璣云。松蘿。自蔓松上枝。正青與兔絲異。

衛矛。味苦寒。主女子崩中下血。腹煩汗出。除邪殺鬼毒。蠱注。一名鬼箭。生山谷。

吳普曰。鬼箭一名衛矛。神農。黃帝。桐君。苦無毒。葉如桃有羽。正月二月七月采。

陰乾。或生野田。覽

名醫曰。生霍山。八月采。陰乾。

案。廣雅云。鬼箭。神箭也。陶宏景云。其莖有三羽。狀如箭羽。

合歡味甘平。主安五藏。利心志。藏文類聚作和心志。御覽作和心氣。令人歡樂無憂。久服輕身明目。得所欲。生山谷。

名醫曰。生益州。

案唐本注云。或曰合昏。歡昏音相近。日華子云。夜合。

右木中品一十七種。舊同。

白馬莖味甘平。主傷中。脈絕陰不犯。強志益氣。長肌肉。肥健生子。眼主驚癩。腹滿瘧疾。當殺用之。懸蹄主驚邪。瘦癢乳難。辟惡氣。鬼毒。蟲注不祥。生平澤。

名醫曰。生雲中。

鹿茸味甘溫。主漏下惡血。寒熱驚癩。益氣強志。生齒不老。角主惡創。癰腫。逐邪惡氣。留血在陰中。

名醫曰。茸四月五月解角時取。陰乾。使時燥。角七月采。

牛角鯁。下閉血。瘀血疼痛。女人帶下血髓。補中填骨髓。久服增年。膽可丸藥。

案說文云。鯁。角中骨也。

羚羊角。味鹹溫。主青盲明目。殺疥蟲。止寒洩。辟惡。鬼虎狼。止驚悸。久服安心益氣。

輕身。生川谷。

名醫曰。生河西。取無時。

案。說文云。殺夏羊。牝曰殺。爾雅云。羊殺。郭璞云。牂。今人便以牝殺爲黑白羊名。牡狗陰莖。味鹹平。主傷中陰痿不起。令強熱大生子。除女子帶下十二疾。一名狗精。膽主明目。

名醫曰。六月上伏取陰乾百日。

麤羊角。味鹹寒。主明目益氣起陰。去惡血注下。辟蠱毒惡鬼不祥。安心氣。常不厭寐。生川谷。

名醫曰。生石城及華陰山。采無時。

案。說文云。麤大羊而細角。廣雅云。美皮冷角。爾雅云。麤大羊。郭璞云。麤羊似羊而大。角圓銳。好在山崖間。陶宏景云。爾雅名羴羊。據說文云。羴山羊細角也。爾雅云。羴如羊。郭璞云。羴似吳羊而大。角橢。出西方。羴卽羴正字。然本經羴字實麤字。俗寫當以麤爲是。爾雅釋文引本草作麤。犀角。味苦寒。主百毒蠱注。邪鬼障氣。殺鈎吻鳩羽蛇毒。除迷惑不厭寐。久服輕身。

生山谷。

名醫曰。生永昌及益州。

案。說文云。犀南徼外牛。一角在鼻。一角在頂。似豕。爾雅云。犀似豕。郭璞云。形似水牛。豬頭大腹。薄脚。脚有三蹄。黑色。三角。一角頂上。一角鼻上。一角額上。鼻上者。卽食角也。小而不橢。好食棘。亦有一角者。山海經云。琴鼓之山。多白犀。郭璞云。此與辟寒。蠲忿。辟塵。辟暑。諸犀。皆異種也。范子計然云。犀角出南郡。上價入十中。三千下一千。

右獸中品七種。舊同。

燕屎。味辛平。主蠱毒。鬼注。逐不祥邪氣。破五癰。利小便。生平谷。

名醫曰。生高山。

案。說文云。燕。元鳥也。籀曰。布狻。枝尾象形。作巢。避戊己。乙。元鳥也。齊魯謂之乙。取其名。自呼。象形。或作𪗇。爾雅云。鳳。燕。夏小正云。二月來降。燕乃睇。傳云。燕。乙也。九月陟。元鳥。蟄。傳云。元鳥者。燕也。

天鼠屎。味辛寒。主面癰腫。皮膚洗洗時痛。腸中血氣。破寒熱積聚。除驚悸。一名鼠

伝。一名石肝。生山谷。

名醫曰。生合蒲。十月十二月取。

案。李當之云。卽伏翼屎也。李云天鼠。方言。一名僂鼠。

案。今本方言云。或謂之老鼠。當爲天字之誤也。

右禽中品二種。舊同。

蝟皮。味苦平。主五痔陰蝕下血。赤白五色血汗不止。陰腫痛引腰背。酒煮殺之。生

川谷。

名醫曰。生楚山田野。取無時。

案。說文云。蠹似豪豬者。或作蝟。廣雅云。虎王蝟也。爾雅云。蠹毛刺。郭璞云。今謂

狀似鼠。淮南子說山訓云。鵠矢中蝟。

露蜂房。味苦平。主驚癇瘕癰。寒熱邪氣。瘕疾。鬼精。蠱毒。腸痔。火熬之良。一名蜂腸。

生山谷。

名醫曰。一名白穿。一名蜂勦。生牂柯。七月七日采。陰乾。

案。淮南子記論訓云。蜂房不容卵。高誘云。房。巢也。

鼈甲。味鹹平。主心腹癥瘕。堅積寒熱。去痞息肉。陰蝕痔惡肉。生池澤。

名醫曰。生丹陽。取無時。

案。說文云。鼈甲蟲也。

蟹。味鹹寒。主胸中邪氣。熱結痛。喎僻面腫。敗滾。燒之。致鼠。生池澤。

名醫曰。生伊洛諸水中。取無時。

案。說文云。蟹有二。敖。入足旁。行非蛇。鮮之穴。無所庇。或作鱗。蟹也。荀子勸學

篇云。蟹六跪而二螯。非虵。蟪之穴。無所寄託。廣雅云。蝓。蟬蛻也。爾雅云。蟬。蟬小

者。蝓。郭璞云。或曰。卽蝓。蟬也。似蟹而小。

柞蟬。味鹹寒。主小兒驚癇。夜啼。瘕病寒熱。生楊柳上。

名醫曰。五月采。蒸乾之。

案。說文云。蟬以旁鳴者。蝓蟬也。廣雅云。蝓。蝓蟬也。復育。蛻也。舊作蚱蟬。別錄云。

蚱者。鳴蚱也。殼一名蝓蟬。又名伏蝓。按蚱卽柞字。周禮考工記云。修則柞。鄭元

云。柞讀爲蚱。蚱然之蚱。聲大外也。說文云。諧。大聲也。音同柞。今據作柞。柞蟬。卽

五月鳴蝓之蝓。夏小正云。五月良蝓鳴。傳蝓蝓也。五采具。爾雅云。蝓。蝓蝓。毛詩

烏賊魚骨。味鹹微溫。主女子漏下赤白經汁。血閉陰蝕腫痛。寒熱癥瘕無子。生池澤。

名醫曰。生東海。取無時。

案。說文云。鰓。烏鰓魚名。或作鰓。左思賦有烏賊。劉逵注云。烏賊魚腹中有墨。陶宏景云。此與鸚鵡所化作。今其口脚具存。猶相似爾。

白僵蠶。味鹹。主小兒驚癇夜啼。去三蟲。滅黑疔。令人面色好。男子陰瘍病。生平澤。名醫曰。生潁川。四月取自死者。

案。說文云。蠶。任絲也。淮南子說林訓云。蠶食而不飲。二十二日而化。博物志云。蠶三化。先孕而後交。不交者亦生子。子後爲豎。皆無眉目。易傷。收采亦薄。玉篇作蠶。蠶。正當爲僵。舊作蠶。非。

鮀魚甲。味辛微溫。主心腹癥瘕。伏堅積聚寒熱。女子崩中下血五色。小腹陰中相引痛。創疥死肌。生池澤。

名醫曰。生南海。取無時。

案。說文云。鱣。魚名。皮可爲鼓。鼉水蟲。似蜥蜴。長大。陶宏景云。鮀卽鼉甲也。

樽雞。味苦平。主心腹邪氣。陰痿。益精強志。生子好色。補中輕身。生川谷。

名醫曰。生河內樽樹上。七月采暴乾。

案。廣雅云。樽鳩。樽雞也。爾雅云。翰。天雞。李巡云。一名酸雞。郭璞云。小蟲黑身赤頭。一名莎雞。又曰。樽雞。毛詩云。六月莎雞振羽。陸璣云。莎雞如蝗而班色。毛翅數重。其翅正赤。或謂之天雞。六月中飛而振羽。索索作聲。幽州謂之蒲錯是也。活螭。味鹹寒。主賊風。喎僻。軼筋及脫肛。驚癩。攣縮。一名陵蠹。生池澤。

名醫曰。一名土蝮。一名附蝮。生大山及陰地。沙石垣下。八月取。

案。說文云。螭。虺螭也。贏。一名虺螭。廣雅云。贏。蠹。蝮牛。虺螭也。中山經云。青要之山。是多僕纍。郭璞云。僕纍。蝮牛也。周禮。鼈人祭祀供贏。鄭云。贏。虺螭。爾雅云。蚘。贏。虺螭。郭璞名。即蝮牛也。名醫又別出蝮牛條。非。舊作蛞。說文所無。據玉篇云。蛞。蛞。東知。即活東異文。然則當爲活。

石龍子。味鹹寒。主五癘邪結氣。破石淋下血。利小便水道。一名蜥蜴。生川谷。

吳普曰。石龍子。一名守宮。一名石蜴。一名石龍子。

名醫曰。一名山龍子。一名守宮。一名石蜴。生平澤及荆山石間。五月取著石上。

蜚廉、味鹹寒。主血瘀。御覽引云癥堅寒熱。破積聚。喉咽痺。內寒無子。生川澤。

吳普云。蜚廉蟲。神農黃帝云。治婦人寒熱。覽御

名醫曰。生普陽及人家屋間。立秋采。

案。說文云。蟹。盧蟹也。蜚。臭蟲。負蟻也。蟻。巨蟻也。廣雅云。飛蟻。飛蟻也。爾雅云。蜚。蟻。郭璞云。卽負盤臭蟲。唐本注云。漢中人食之下氣。名曰石薑。一名盧蟹。一名負盤。舊作蟻。據邢昺疏。引此作廉。

廣蟲。味鹹寒。主心腹寒熱。洗洗。血積癥瘕。破堅下血閉。生子大良。一名地鼈。生川澤。

吳普曰。廣蟲。一名土鼈。覽御

名醫曰。一名土鼈。生河東及沙中。人家牆壁下土中溼處。十月暴乾。

案。說文云。廣蟲。屬蟻。巨蟻也。廣雅云。負蟻。蟻也。爾雅云。草蟲。負蟻。郭璞云。常羊也。毛詩云。嚶嚶草蟲。傳云。草蟲。常羊也。陸機云。小大長短如蝗也。奇音青色。好在茅草中。

伏翼。味鹹平。主目瞑。明目。夜視有精光。久服令人喜樂。媚好無憂。一名蝙蝠。生川

谷。舊在禽部今移

吳普曰。伏翼或生人家屋間。立夏後陰乾。治目冥令人夜視有光。戴文

名醫曰。生太山及人家屋間。立夏後采陰乾。

案。說文云。蝙蝠蝠也。蝠蝠服翼也。廣雅云。伏翼飛鼠。僊鼠。蚘蠃也。爾雅云。蝠

蝠服翼方言云。蝙蝠自關而東謂之伏翼。或謂之飛鼠。或謂之老鼠。或謂之仙

鼠。自關而西秦隴之間謂之蝠蝠。北燕謂之蠟蠟。李當之云。卽天鼠。

右蟲魚中品一十七種。舊十六種。考禽部伏翼宜入此。

梅實味酸平。主下氣除熱煩滿安心。肢體痛偏枯不仁。死肌。去青黑志惡疾。生川

谷。

吳普曰。梅實大觀本作觀本明目益氣。御不飢。吳氏本草引

名醫曰。生漢中。五月采火乾。

案。說文云。蓀。乾梅之屬。或作蓀某。酸果也。以梅爲柎。爾雅云。梅柎。郭璞云。似杏

實。酢。是以某注梅也。周禮籩人饋食。籩其實。乾蓀。鄭云。乾蓀。乾梅也。有桃諸梅

諸是其乾者。毛詩疏云。梅暴爲腊。羹臙齏中。人含之以香口。

右果中品一種。舊同。

大豆黃卷味甘平。主溼痺筋攣鄰痛。生大豆塗癰腫。煮汁飲。殺鬼毒止痛。赤小豆主下水。排癰腫膿血。生平澤。

吳普曰。大豆黃卷。神農、黃帝、雷公、無毒。采無時。去面黥。得前胡、烏啄、杏子、牡蠣、天雄、鼠屎、共密和住。不欲海藻、龍膽。此法大豆初出。黃土芽是也。生大豆。神農、岐伯、生熟寒。九月采。殺烏頭毒。並不欲元參、赤小豆。神農、黃帝、鹹。雷公、甘。九月采。

名醫曰。生太山。九月采。覽御

案說文云。尗。豆也。象豆生之形也。荅。小藿也。尗。尗之少也。廣雅云。豆大尗也。小

豆荅也。豆角謂之莢。其葉謂之藿。爾雅云。戎。叔謂之荏。叔。孫炎云。大豆也。粟米。味鹹微寒。主養腎氣。去胃脾中熱。益氣。陳者味苦。主胃熱消渴。利小便。

大觀本草作黑
字據吳普增

吳普曰。陳粟。神農、黃帝、苦無毒。治脾熱渴。粟養腎氣。覽御
案說文云。粟。嘉穀實也。孫炎注爾雅。黍稷云。粟也。今關中人呼小米爲粟米是。

黍米味甘溫。主益氣補中。多熱令人煩。大觀本作黑字。據吳普增。

吳普曰。黍神農甘無毒。七月取陰乾。益中補氣。御覽

案說文云。黍禾屬而黏者。以大暑而種。故謂之黍。孔子曰。黍可爲酒。禾入水也。廣雅云。黍黍稻其采謂之禾。齊民要術引汜勝之書曰。黍忌丑。又曰。黍生於巳。壯於酉。長於戌。老於亥。死於丑。惡於丙午。忌於丑寅卯。按黍卽麩之種也。

右米穀中品三種。舊二種。大小豆爲二。無粟米黍米。今增。

蓼實味辛溫。主明目溫中耐風寒。下水氣。面目浮腫癰瘍。馬蓼去腸中蛭蟲。輕身。

生川澤。

吳普曰。蓼實一名天蓼。一名野蓼。一名澤蓼。藏聚

名醫曰。生雷澤。

案說文云。蓼辛菜。蕃虞也。蕃。廣雅云。葑龍頰。馬蓼也。爾雅云。蕃虞蓼。郭璞云。虞蓼澤蓼。又葑龍古其大者歸。郭璞云。俗呼葑草爲龍鼓。語轉耳。毛詩云。隰有游龍。傳云。龍。紅草也。陸璣云。一名馬蓼。葉大而赤色。生水中。高丈餘。又以薺茶蓼。傳云。蓼。水草也。

慈實。味辛溫。主明目補中不足。其莖可作湯。主傷寒寒熱出汗。中風面目腫。難味辛溫。主金創創敗。輕身不飢耐老。生平澤。

名醫曰。生魯山。

案。說文云。難。菜也。葉似韭。廣雅云。韭難。蕎其華謂之菁。爾雅云。難。鴻蒼。郭璞云。即難菜也。又勁山難。陶宏景云。慈難異物。而今其條。本經既無韭。以其同類故也。

水蘇。味辛微溫。主下氣。辟口臭。去毒辟惡。久服通神明。輕身耐老。生池澤。

吳普曰。芥菹一名水蘇。一名勞祖。覽御

名醫曰。一名雞蘇。一名勞祖。一名芥菹。一名芥苴。生九真。七月采。

案。說文云。蘇。桂荏也。廣雅云。芥菹。水蘇也。爾雅云。蘇。桂荏。郭璞云。蘇。荏類。故名桂荏。方言云。蘇亦荏也。關之東西。或謂之蘇。或謂之荏。周鄭之間。謂之公蕒。沅湘之南。謂之萐。其小者。謂之釀柔。按釀柔。即香薷也。亦名香菜。名醫別出香薷條。非。今紫蘇。薄荷等。皆蘇類也。名醫俱別出之。

右。菜中品三種。舊四種。考慈實。宜與難同條。今并假蘇。宜入草部。

神農本草經 卷二 中經

神農本草經

卷三 下經

下藥一百二十五種。為左使。主治病以應地。多毒不可久服。欲除寒熱邪氣破積聚愈疾者。本下經。

石	戎	右、玉石下品八種。舊一十二種。	附子
灰	鹽		烏頭
礬	白堊		天雄
石	堊		半夏
鉛	冬灰		虎掌
丹			鳶尾
粉	青琅玕		
錫			
錫鏡鼻			
代赭石			

魏	清	清	鄞縣
吳	陽湖	建德	曹炳章
普	孫醒	周學海	章
等	斲	校	圈
述	同	正	點

大黃 亭歷 桔梗 葇蕩子 草蒿 旋復花

藜蘆 鉤吻 射干 蛇合 恆山 蜀漆

甘遂 白藜 青葙子 藿菌 白及 大戟

澤漆 茵芋 貫衆 蕘華 牙子 羊躑躅

商陸 羊蹄 薦蓄 狼毒 白頭翁 兔白

羊桃 女青 連翹 蘭茹 烏韭 鹿藿

蚤休 石長生 陸英 蓋草 牛蒡 夏枯草

芫華

右、草下品四十九種。舊四十八種。

巴豆 蜀茺 阜茨 柳華 棟實 郁李仁

莽草 雷丸 桐葉 梓白皮 石南 黃環

深疏 鼠李 藥實根

右、木下品一十七種。舊一十八種。

豚卵 麋脂 鼯鼠 六畜毛蹄甲

右、獸下品四種。舊同。

蝦 蟄 馬 刀

水 蛭 斑 苗

螻 蛄 馬 陸

右、蟲魚下品十八種。舊同。

桃核仁 杏核仁

右、木下品二種。舊同。

腐 婢

右、穀米下品一種。舊同。

苦 瓠 水 蘄

右、菜下品二種。舊同。

彼 子

右、一種。未詳。

石灰味辛溫。主疽瘍疥搔。熱氣惡創癩疾。死肌墮眉。殺痔蟲。去黑子息肉。一名惡

蛇 蛻 邱 蚓 蠟 蟪 吳
地 膽 鼠 婦 熒 火 衣 魚
貝 子 石 蠶 雀 甕 蛻 鄉
蛇 蛻 邱 蚓 蠟 蟪 吳

灰。生山谷。

名醫曰。一名希灰。生中山。

案。惡灰疑當爲聖灰。希石聲之緩急。

礬石。味辛大熱。主寒熱鼠瘻蝕創。死肌風痺。腹中堅。一名青分石。一名立制石。一

名固羊石。御覽引云除熱殺百獸大觀本作黑字 出山谷。

吳普曰。白礬石。一名鼠鄉。神農。歧伯。辛有毒。桐君。有毒。黃帝。甘有毒。李氏云。或

生魏興。或生少室。十二月采。御覽引云一名太白一名澤乳一名食鹽又云李氏大寒主溫熱

名醫曰。礬石。一名白礬石。一名太白石。一名澤乳。一名食鹽。生漢中及少室。采

無時。

案。說文云。礬。毒石也。出漢中。西山經云。皋塗之山有白石焉。其名曰礬。可以毒

鼠。范子計然云。礬石出漢中。色白者善。淮南子地形訓云。白夭九百歲生白礬。

高誘云。白礬。礬石也。又說林訓云。人食礬石而死。蠶食之而肥。高誘云。礬石出

陰山。一曰能殺鼠。按西山經云。毒鼠。卽治鼠瘻也。

鉛丹。味辛微寒。主上御覽引作吐下逆胃反。驚癇瘖疾。除熱下氣。鍊化還成九光。

久服通神明。生平澤。

名醫曰。一名鉛華。生蜀郡。

案。說文云。鉛。青金也。陶宏景云。卽今熬鉛所作黃丹也。

粉錫。味辛寒。主伏尸毒螫。殺三蟲。一名解錫。錫鏡鼻主女子血閉癥瘕。伏腸絕孕。

生山谷。

舊作并

名醫曰。生桂陽。

案。說文云。錫。銀鉛之間也。

代赭。味苦寒。主鬼注賊風蠱毒。殺精物惡鬼。腹中毒邪氣。女子赤沃漏下。一名須

丸。生山谷。

名醫曰。一名血師。生齊國。赤紅青色。如雞冠有澤。梁爪甲不淪者良。采無時。

案。說文云。赭。赤土也。北山經云。少陽之山。其中多美赭。管子地數篇云。山上有

赭者。其下有鐵。范子計然云。石赭出齊郡。赤色者善。蜀赭出蜀郡。據元和郡縣

志云。少陽山在交城縣。其地近代也。

戎鹽。主明目目痛。益氣堅肌骨。去毒蠱。大鹽令人吐。御覽引云。主腸胃結。鹵鹽。味

苦寒。主大熱消渴。狂煩除邪。及下蠱毒。柔肌膚。御覽引云一名生池澤。舊作并

名醫曰。戎鹽一名胡鹽。生胡鹽山及西羌北地。酒泉福祿城東南角。北海青南

海赤。十月采。大鹽生邯鄲。又河東鹵鹽。生河東鹽池。

案說文云。鹽。鹹也。古者宿沙初作煮海鹽。鹵。西方鹹地也。从西省象鹽形。安定

有鹵縣。東方謂之斥。西方謂之鹵。鹽河東鹽池。袤五十一里。廣七里。周百十六

里。北山經云。景山南望。鹽販之澤。郭璞云。卽解縣鹽池也。今在河東猗氏縣。按

在山西安邑運城。

白堊。味苦溫。主女子寒熱癥瘕。月閉積聚。生山谷。

吳普曰。白堊一名白蟻。音義一經切

名醫曰。一名白善。生邯鄲。采無時。

案說文云。堊。白涂也。中山經云。蔥龍之山。是多白堊。

冬灰。味辛微溫。主黑子。去疣息肉。疽蝕疥搔。一名藜灰。生川澤。

名醫曰。生方谷。

青琅玕。味辛平。主身痒火創。癰傷疥搔死肌。一名石珠。生平澤。

名醫曰。一名青珠。生蜀郡。采無時。

案說文云。琅玕似珠者。古文作瑯。禹貢云。雍州貢璆琳琅玕。鄭云。琅玕珠也。

右。玉石下品九種。舊十二種。粉錫。錫鏡鼻爲二。戎鹽。大鹽。鹵鹽爲三。非。攷當各

爲一。

附子。味辛溫。主風寒。欬逆。邪氣。溫中金創。破癥。堅積。聚血。瘕。寒溼。痿。攣。拘攣。

瘕痛。不能行步。御覽引云。爲百藥之長。大觀本作黑字。生山谷。

吳普云。附子一名葺。神農辛。歧伯。雷公。甘有毒。李氏。苦有毒。大溫。或生廣漢。八

月采。皮黑肥白。御覽

名醫曰。生犍爲及廣漢。冬月采爲附子。春采爲烏頭。御覽

案。范子計然云。附子出蜀武都。中白色者善。

烏頭。味辛溫。主中風惡風。洗洗出汗。除寒溼痺。欬逆上氣。破積聚寒熱。其汁煎之。

名射罔。殺禽獸。一名奚毒。一名卽子。一名烏喙。生山谷。

吳普曰。烏頭一名葺。一名千秋。一名毒公。一名卑負。御覽作一名耿子。神農。雷

公。桐君。黃帝。甘有毒。正月始生。葉厚莖方中空。葉四四相當。與蒿相似。

又云烏喙。神農、雷公、桐君、黃帝有毒。李氏小寒。十月采。形如烏頭。有兩歧相合。如烏之喙。名曰烏喙也。所畏惡使。盡與烏頭同。又薊子一名黃。神農、歧伯有大毒。李氏大寒。八月采。陰乾。是附子角之大者。畏惡與附子同。御覽大觀本節文

名醫曰。生朗陵。正月二月采。陰乾。長三寸已上爲天雄。

案。說文云。薊。烏喙也。爾雅云。芫。莖草。郭璞云。卽烏頭也。江東呼爲莖。范子計然云。烏頭出三輔。中白者善。國語云。驪姬置莖于肉。韋昭云。莖。烏頭也。淮南子主術訓云。莫凶于雞毒。高誘云。雞毒。烏頭也。案。雞毒卽奚毒。卽子卽薊子。側子也。名醫別出側子。條非。

天雄。味辛溫。主大風寒溼痺。歷節痛。拘攣緩急。破積聚。邪氣。金創。強筋骨。輕身健行。一名白幕。御覽引云。長陰氣。強志。令人武。生山谷。

名醫曰。生少室。二月采。根陰乾。

案。廣雅云。蕪。奚毒。附子也。一歲爲薊子。二歲爲烏喙。三歲爲附子。四歲爲烏頭。五歲爲天雄。淮南子繆稱訓云。天雄烏喙。藥之凶毒也。良醫以活人。半夏。味辛平。主傷寒寒熱。心下堅。下氣。喉咽腫痛。頭眩胸張。欬逆腸鳴。止汗。一名

地文。一名水玉。屺社默生川谷。

吳普曰。半夏一名和姑。生微邱。或生野中。葉三三相偶。二月始生。白華員上。覽御

名醫曰。一名示姑。生槐里。五月八月采根暴乾。

案。月令云。五月半夏生。范子計然云。半夏出三輔。色白者善。列仙傳云。赤松子服水玉以教神農。疑卽半夏別名。

虎掌。味苦溫。主心痛寒熱。結氣積聚。伏梁。傷筋痿拘緩。利水道。生山谷。

吳普曰。虎掌。神農。雷公。苦無毒。歧伯。桐君。辛有毒。立秋九月采之。御覽引云。或生

腕名醫曰。生漢中及冤句。二月八月采陰乾。

案。廣雅云。虎掌瓜屬也。

鳶尾。味苦平。主蠱毒邪氣。鬼注諸毒。破癥瘕積聚。去水下三蟲。生山谷。

吳普曰。鳶尾治蠱毒。覽御

名醫曰。一名烏園。生九疑山。五月采。

案。廣雅云。鳶尾。烏菟。射干也。疑當作鳶尾。烏圓也。唐本注云。與射干全別。

大黃。味苦寒。主下瘀血。血閉。寒熱。破癥瘕積聚。留飲宿食。蕩滌腸胃。推陳致新。通利水穀。御覽此下有道字調中化食。安和五藏。生山谷。

吳普曰。大黃一名黃良。一名火參。一名膚如。神農。雷公。苦有毒。扁鵲。苦無毒。李氏。小寒。爲中將軍。或生蜀郡北部。或隴西。二月始生。花黃赤。葉四四相當。黃莖高三尺許。三月黃花。五月實黑。三月采根。根有黃汁。切陰乾。

案。廣雅云。黃良。大黃也。

亭歷。舊作葶蘆御覽葶蘆味辛寒。主癥瘕積聚。結氣。飲食寒熱。破堅。一名大室。一名大適。生平澤及田野。

名醫曰。一名下歷。一名葶蒿。生藁城。立夏後采。實陰乾。得酒良。

案。說文云。葶。亭歷也。廣雅云。狗薺。大室。亭歷也。爾雅云。葶。亭歷。郭璞云。實葉皆似芥。淮南子。繆稱訓云。亭歷愈張。西京雜記云。亭歷死於盛夏。

桔梗。味辛微溫。主胸脇痛如刀刺。腹滿腸鳴幽幽。驚恐悸氣。御覽引云一名利生山谷

吳普曰。桔梗一名符扈。一名白藥。一名利如。一名梗草。一名盧如。神農、醫和、苦無毒。扁鵲、黃帝、岐伯、雷公、甘無毒。李氏、大寒。葉如薺芩。莖如筆管。紫赤。二月生。御覽

名醫曰。一名利如。一名房圖。一名白藥。一名梗草。一名薺芩。生嵩高及寃句。二月八月采根暴乾。

案說文云。桔。桔梗藥名。廣雅云。犁如桔梗也。戰國策云。今求柴胡桔梗于沮澤。則累世不得一焉。及之。畢黍梁父之陰。則鄰車而載耳。爾雅云。芩。薺芩。郭璞云。薺芩。據名醫云。是此別名。下又出薺芩條。非。然陶宏景亦別爲二矣。

芩。蕘子。味苦寒。主齒痛出蟲。肉痺拘急。使人健行。見鬼。多食令人狂走。久服輕身。走及奔馬。強志益力。通神。一名橫唐。生川谷。

名醫曰。一名行唐。生海濱及雍州。五月采子。

案廣雅云。薺。萍。闐蕘也。陶宏景云。今方家多作狼薺。舊作若。

案說文無若薺字。史記淳于意傳云。菑川王美人懷子而不乳。飲以芩薺藥一撮。本草圖經引作狼蕘是。

草蒿。味苦寒。主疥搔痂痒惡創殺蟲。留熱在骨節間。明目。一名青蒿。一名方漬。生川澤。

名醫曰。生華陰。

案。說文云。蒿。蒿也。或作藹。爾雅云。蒿。蒿也。郭璞云。今人呼青蒿。香中灸啖者爲蒿。史記司馬相如傳。菴蒿注。漢書音義曰。菴蒿。蒿也。陶宏景云。卽今青蒿。

旋復花。味鹹溫。主結氣脇下滿。驚悸除水。去五藏間寒熱。補中下氣。一名金沸草。一名盛榘。生川谷。

名醫曰。一名戴榘。生平澤。五月采花日乾。二十日成。

案。說文云。葎。盜庚也。爾雅云。葎。盜庚。郭璞云。旋復似菊。

藜蘆。御覽作作。味辛寒。主蠱毒欬逆。洩利腸澼。頭瘍疥搔惡創。殺諸蠱毒。去死肌。一名慈苒。生山谷。

吳普曰。藜蘆一名慈葵。一名豐蘆。一名蕙葵。御覽引云。山慈一名公薺。神農雷公辛有毒。御覽引云。黃帝有毒。岐伯鹹有毒。李氏大寒大毒。扁鵲苦有毒寒。大葉根小相連。御覽引

根采

名醫曰。一名葱蒨。一名山葱。生太山。三月采根陰乾。

案廣雅云。藜蘆葱蒨也。范子計然云。藜蘆出河東。黃白者善。爾雅云。茗山葱疑非此。

鉤吻御覽味辛溫。主金創乳瘡。中惡風。欬逆上氣。水腫殺鬼注。舊作注是御蠱毒。一名野葛。生山谷。

吳普曰。秦鉤胸。一名毒根。一名野葛。神農辛。雷公有毒殺人。生南越山或益州。葉如葛。赤莖大如箭。方根黃。或生會稽東冶。正月采。覽御

名醫曰。生傳高山。及會稽東野。

案廣雅云。荳鉤吻也。淮南子說林訓云。蝮蛇螫人。傅以和莖則愈。高誘云。和莖野葛毒藥。博物志云。鉤吻毒。桂心葱葉佛解之。陶宏景云。或云鉤吻是毛荳。沈

括補筆談云。閩中人呼爲吻芥。亦謂之野葛。嶺南人謂之胡蔓。俗謂之新腸草。此草人間至毒之物。不入藥用。恐本草所出。別是一物。非此鉤吻也。

射干味苦平。主欬逆上氣。喉痺咽痛。不得消息。散急氣。腹中邪逆。食飲大熱。一名

烏扇。一名烏蒲。生川谷。

吳普曰。射干一名黃遠也。覽御

名醫曰。一名烏嬰。一名烏吹。一名草薑。生南陽田野。三月三日采根陰乾。

案。廣雅云。鳶尾為蕙。射干也。荀子勸學篇云。西方有木焉。名曰射干。莖長四寸。

范子計然云。射干根如□□□安定。

蛇合。原注云合是合字

蛇銜。生山谷。

名醫曰。生益州。八月采陰乾。

案。本草圖經云。或云是雀瓢。即是蘿摩之別名。據陸璣云。芄蘭一名蘿摩。幽州

謂之雀瓢。則卽爾雅葍芄蘭也。唐本草別出蘿摩條。非。又見女青。

恆山。舊作常山御覽作恆山是味苦寒。主傷寒寒熱。熱發溫瘧。鬼毒胸中痰結吐逆。一名互草。

生川谷。

吳普曰。恆山一名漆葉。神農歧伯苦。李氏大寒。桐君辛有毒。二月八月采。

名醫曰。生益州及漢中。八月采根陰乾。

案、後漢書華佗傳云。佗授以漆葉青黏散。漆葉屑一斗。青黏十四兩。以是爲率。言久服去三蟲。利五藏。輕體。使人頭不白。

蜀漆味辛平。主瘧及欬逆寒熱。腹中癥堅。痞結積聚。邪氣蠱毒。鬼注。舊作注。御覽作註。生

川谷。

吳普曰。蜀漆葉。一名恆山。神農、歧伯、雷公、辛有毒。黃帝、辛。一經、酸。如漆葉藍菁相似。五月采。御覽

名醫曰。生江陵山及蜀漢中。常山苗也。五月采葉陰乾。

案、廣雅云。恆山蜀漆也。范子計然云。蜀漆出蜀郡。

甘遂味苦寒。主大腹疝瘕腹滿。面目浮腫。留飲宿食。破癥堅積聚。利水穀道。一名

主田。生川谷。

吳普曰。甘遂一名主田。一名白澤。一名重澤。一名鬼醜。一名陵藁。一名甘藁。一

名甘澤。神農、桐君、苦有毒。歧伯、雷公、有毒。須二月八月采。御覽

名醫曰。一名甘藁。一名陵藁。一名重澤。生中山。二月采根陰乾。

案、廣雅云。陵澤、甘遂也。范子計然云。甘遂出三輔。

白欬。味苦平。主癰腫疽創。散結氣止痛。除熱。目中赤。小兒驚癇溫瘧。女子陰中腫痛。一名兔核。一名白草。生山谷。

名醫曰。一名白根。一名崑崙。生衡山。二月八月采根暴乾。

案說文云。蒼。白蒼也。或作藪。毛詩云。藪。蔓于野。陸璣疏云。藪似栝樓。葉盛而細。其子正黑如燕。莫不可食也。幽人謂之烏服。其莖葉煮以哺牛除熱。爾雅云。藪。菟荑。郭璞云。未詳。據玉篇云。藪。白藪也。經云。一名菟核。核與荑聲相近。卽此矣。青箱子。味苦微寒。主邪氣皮膚中熱。風搔身痒。殺三蟲。子名草決明。療脣口青。一名草蒿。一名萋蒿。生平谷。

名醫曰。生道傍。三月三日采莖葉陰乾。五月六日采子。

案魏略云。初平山有青牛先生。常服青箱子。箱當作箱字。

藪菌。味鹹平。主心痛溫中。有長蟲。白癩蟻蟲。蛇螫毒。癥瘕諸蟲。一名藪蘆。生池澤。名醫曰。生東海及渤海章武。八月采陰乾。

案爾雅云。漚。灌茵芝。文選注引作茵。聲類云。漚。灌茵芝也。疑卽此灌茵。或一名漚。一名芝。未敢定之。

白及、作藟味苦平。主癰腫惡創。敗疽傷陰死肌。胃中邪氣。賊風鬼擊。痲緩不收。一名甘草。一名連及草。生川谷。

吳普曰。神農。苦。黃帝。辛。李氏。大寒。雷公。辛無毒。莖葉似生薑。藜蘆。十月花直上。紫赤。根白連。二月八月九月采。

名醫曰。生北山及寃句及越山。

案。隋羊公服黃精法云。黃精一名白及。亦爲黃精別名。今名醫別出黃精條。

大戟。味苦寒。主蠱毒。十二水腫。滿急痛積聚。中風。皮膚疼痛吐逆。一名印鉅。案此

川釋三字者古或與澤漆爲一條

名醫曰。生常山。十二月采。根陰乾。

案。爾雅云。蓄。印鉅。郭璞云。今藥草。大戟也。淮南子。繆稱訓云。大戟去水。

澤漆。味苦微寒。主皮膚熱。大腹水氣。四肢面目浮腫。丈夫陰氣不足。生川澤。

名醫曰。一名漆莖。大戟苗也。生太山。三月三日七月七日采。莖葉陰乾。

案。廣雅云。漆莖澤漆也。

茵芋。味苦溫。主五臟邪氣。心腹寒熱羸瘦如瘡狀。發作有時。諸關節風濕痺痛。生

川谷。

吳普曰。茵芋一名卑共。微溫有毒。狀如莽草而細軟。御覽

名醫曰。一名莞草。一名卑共。生太山。三月三日采葉陰乾。

貫衆。味苦微寒。主腹中邪熱氣。諸毒蟲。三蟲。一名貫節。一名貫渠。一名百頭。御覽

一名虎卷。一名扁符。生山谷。

吳普曰。貫衆一名貫來。一名貫中。一名渠母。一名貫鍾。一名伯芹。一名藥藻。一

名扁符。一名黃鍾。神農。歧伯。苦有毒。桐君。扁鵲。苦。一經。甘有毒。黃帝。鹹酸。一經。

苦無毒。葉黃。兩兩相對。莖黑。毛聚生。冬夏不老。四月花。八月實。黑聚相連卷。旁

行生。三月八月采根。五月采葉。御覽

名醫曰。一名伯萍。一名藥藻。此謂草鴟頭。生元山及寃句少室山。二月八月采

根陰乾。

案。說文云。葶。草也。廣雅云。貫節。貫衆也。爾雅云。灤。貫衆。郭璞云。葉圓銳莖。毛黑

布地。冬夏不死。一名貫渠。又上云。扁符。止。郭璞云。未詳。據經云。一名扁符。卽此

也。爾雅當云。扁符。止。灤。貫衆。

薺花。味苦平寒。主傷寒溫瘧。下十二水。破積聚大堅癥瘕。蕩滌腸胃中留癖飲食。寒熱邪氣。利水道。生川谷。

名醫曰。生咸陽及河南中牟。六月采花陰乾。

牙子。味苦寒。主邪氣熱氣。疥搔惡瘍創痔。去白蟲。一名狼牙。生川谷。

吳普曰。狼牙一名支蘭。一名狼齒。一名犬牙。一名抱子。神農黃帝苦有毒。桐君或鹹。歧伯雷公扁鵲苦無毒。生寃句。葉青根黃赤。六月七月花。八月實黑。正月八月采根。覽御

名醫曰。一名狼齒。一名狼子。一名犬牙。生淮南及寃句。八月采根暴乾。

案。范子計然云。狼牙出三輔。色白者善。

羊躑躅。味辛溫。主賊風。在皮膚中淫淫痛。溫瘧惡毒諸痺。生川谷。

吳普曰。羊躑躅花。神農雷公辛有毒。生淮南。治賊風惡毒諸邪氣。覽御

名醫曰。一名玉支。生太行山及淮南山。三月采花陰乾。

案。廣雅云。羊躑躅。芙光也。古今注云。羊躑躅花黃。羊食之則死。羊見之則躑躅分散。故名羊躑躅。陶宏景云。花似苗鹿葱。

商陸。味辛平。主水腫。疝瘕。痺。除癰腫。殺鬼精物。一名葛根。一名夜呼。生川谷。

名醫曰。如人形者有神。生咸陽。

案。說文。葛草。枝枝相值。葉葉相當。廣雅云。常蓼。馬尾。商陸也。爾雅云。薤。薤。馬尾。郭璞云。今關西亦呼爲薤。江東爲當陸。周易。夬云。覓陸。夬夬。鄭元云。覓陸。商陸也。蓋薤卽葛。俗字商卽葛假音。

羊蹄。味苦寒。主頭禿。疥搔。除熱。女子陰蝕。御覽此四字作黑字一名東方宿。一名連蟲陸。一

名鬼目。生川澤。

名醫一名蓄。生陳留。

案。說文云。莖草也。讀若釐。藿。釐草也。廣雅云。莖。羊蹄也。毛詩云。言采其藨。箋云。藨。牛藨也。陸德明云。本又作蓄。陸璣云。今人謂之羊蹄。陶宏景云。今人呼禿菜。卽是蓄音之譌。詩云。采其蓄。按陸英疑卽此草之花。此草一名連蟲。陸又陸英。卽藟藟。一名莖也。亦苦寒。

蕭蓄。味辛平。主浸淫。疥搔。疽痔。殺三蟲。御覽引云。一名蕭。竹大觀本黑字生山谷。

吳普曰。蕭蓄一名蓄辯。一名蕭葛。御覽

名醫曰。生東萊。五月采陰乾。

案說文云。蕭蕭莠也。莠蕭莠也。蕭水蕭莠讀若督。爾雅云。竹蕭蕭。郭璞云。似小藜赤莖節。好生道旁可食。又殺蟲。毛詩云。綠竹猗猗。傳云。竹蕭竹也。韓詩蕭云。蕭蕭莠也。石經同。

狼毒味辛平。主欬逆上氣。破積聚飲食。寒熱水氣。惡創鼠瘻疽蝕。鬼精蟲毒。殺飛鳥走獸。一名續毒。生山谷。

名醫曰。生秦亭及奉高。二月八月采根陰乾。

案廣雅云。狼毒也。疑上脫續毒二字。中山經云。大隗之山有草焉。其狀如蓍而毛。青花而白實。其名曰菴。服之不夭。可以爲腹病。

白頭翁味苦溫。主溫瘧狂易。寒熱癥瘕。積聚癭氣。逐血止痛。療金瘡。一名野丈人。一名胡王使者。生山谷。

吳普曰。白頭翁一名野丈人。一名奈河草。神農扁鵲苦無毒。生嵩山川谷。破氣狂寒熱止痛。御覽

名醫曰。一名奈河草。生高山及田野。四月采。

案陶宏景云。近根處有白茸。狀似人白頭。故以爲名。

鬼臼。味辛溫。主殺蟲毒。鬼注。精神。辟惡氣。不祥。逐邪解百毒。一名爵犀。一名馬目毒公。一名九臼。生山谷。

吳普曰。一名九臼。一名天血。一名雀犀。一名馬目公。一名解毒。生九真山谷及冤句。二月八月采根。覽御

名醫曰。一名天白。一名解毒。生九真及冤句。二月八月采根。

羊桃。味苦寒。主燻熱。身暴赤色。風水積聚。惡瘍。除小兒熱。一名鬼桃。一名羊腸。生川谷。

名醫曰。一名萇楚。一名御弋。一名銚弋。生山林及田野。二月采陰乾。

案說文云。萇。萇楚。銚弋。一名羊桃。廣雅云。鬼桃。銚弋。羊桃也。中山經云。豐山多羊桃。狀如桃而方莖。可以爲皮張。爾雅云。長楚。姚苳。郭璞云。今羊桃也。或曰鬼桃。葉似桃花。白子如小麥。亦似桃毛。詩云。隰有萇楚。傳云。萇楚。銚弋也。陸璣云。今羊桃是也。葉長而狹。花紫赤色。其枝莖弱。過一尺。引蔓於草上。今人以爲汲灌。重而善沒。不如楊柳也。近下根。刀切其皮。著熱灰中。脫之。可韜筆管。

女青。味辛平。主蠱毒。逐邪惡氣。殺鬼。溫瘧。辟不祥。一名雀瓢。御覽作瓢

吳普曰。女青一名霍由祗。神農黃帝辛。覽御

名醫曰。蛇銜根也。生朱崖。八月采。陰乾。

案。廣雅云。女青。烏葛也。爾雅云。藿。芄。藿。郭璞云。藿。芄。蔓生。斷之。有白汁。可啖。毛詩云。芄。蘭之支。傳云。芄。蘭草也。陸璣云。一名蘿摩。幽州人謂之雀瓢。別錄云。雀瓢。白汁。注。蟲蛇毒。即女青苗汁也。唐本草。別出蘿摩條。非。

連翹。味苦平。主寒熱。鼠瘻。療癰。癰腫。惡創。癭瘤。結熱。蠱毒。一名異翹。一名蘭華。一名軹。一名三廉。生山谷。

名醫曰。一名折根。生太山。八月采。陰乾。

案。爾雅云。連。異翹。郭璞云。一名連菘。又名連草。

蘭茹。御覽作蘭。味辛寒。主蝕惡肉。敗創。死肌。殺疥蟲。排膿惡血。除大風熱氣。善忘不

樂。生山谷。

吳普曰。閭茹。一名離樓。一名屈居。神農辛。歧伯。酸鹹有毒。李氏。大寒。二月采。葉員黃。高四五尺。葉四四相當。四月華黃。五月實黑。根黃有汁。亦同黃。三月五月

采根。黑頭者良。御覽

名醫曰。一名屈捥。一名離婁。生代郡。五月采陰乾。

案廣雅云。屈居。蘆茹也。范子計然云。閭茹出武都。黃色者善。

烏韭味甘寒。主皮膚往來寒熱。利小腸。旁光氣。生山谷石上。

案廣雅云。昔邪。烏韭也。在屋曰昔邪。在牆曰垣衣。西山經云。葇荔狀如烏韭。唐

本注云。卽石衣也。亦名石苔。又名石髮。案廣雅又云。石髮石衣也。未知是一否。

鹿藿味苦平。主蠱毒。女子腰腹痛不樂。腸癰瘰癧。御覽作歷。蕩氣。生山谷。

名醫曰。生汶山。

案說文云。藿。鹿藿也。讀若烈。廣雅云。藿。鹿藿也。爾雅云。藿。鹿藿。其實蒞。郭璞云。

今鹿豆也。葉似大豆。根黃而香。蔓延生。

蚤休味苦微寒。主驚癇。搖頭弄舌。熱氣在腹中。瘕疾。癰創陰蝕。下三蟲。去蛇毒。一

名。蚤休。生川谷。

名醫曰。生山陽及宛句。

案鄭樵云。蚤休曰螫休。曰重樓。金線。曰重臺。曰草甘遂。今人謂之紫河車。服食

家所用。而莖葉亦可愛。多植庭院間。

石長生。味鹹微寒。主寒熱惡創。火熱辟鬼氣不祥。御覽作辟惡一名丹草。御覽引

草生山谷。

吳普曰。石長生。神農。苦。雷公。辛。一經。甘。生咸陽。覽御

名醫曰。生咸陽。

陸英。味苦寒。主骨間諸痺。四肢拘攣。疼酸。鄰寒痛。陰痿。短氣不足。脚腫。生川谷。

名醫曰。生熊耳及寃句。立秋采。又曰。蒴藿。味酸溫有毒。一名莖。今本誤一名莖。

生田野。春夏采葉。秋冬采莖根。

案說文云。莖草也。讀若釐。莖草也。讀若急。藿。釐草也。廣雅云。篋盆。陸英。莖也。

爾雅云。莖草。唐本注。陸英云。此物蒴藿是也。後人不識。浪出蒴藿條。今注云。

陸英。味苦寒無毒。蒴藿。味酸溫有毒。既此不同。難謂一種。蓋其類爾。

薰草。味苦平。主久欬。上氣。喘逆。久寒。驚悸。痂疥。白禿。瘍氣。殺皮膚小蟲。生川谷。

吳普曰。王芻。一名黃草。神農。雷公。生太山山谷。治身熱邪氣。小兒身熱氣。覽御

名醫曰。可以染黃作金色。生青州。九月十月采。

案說文云。蓋草也。葦王芻也。爾雅云。葦王芻。郭璞云。葦。葦也。今呼鷓鴣脚莎。毛詩云。綠竹猗猗。傳云。葦王芻也。唐本注云。蓋草。俗名葦。葦草。爾雅所謂王芻。牛扁。味苦微寒。主身皮創熱氣。可作浴湯。殺牛蝨小蟲。又療牛病。生川谷。

名醫曰。生桂陽。

案陶宏景云。太常貯名扁特。或名扁毒。

夏枯草。味苦辛。主寒熱瘰癧鼠瘻頭創。破癥散癭結氣。脚腫濕痺輕身。一名夕句。一名乃東。生川谷。

名醫曰。一名燕面。生蜀郡。四月采。

芫華。味辛溫。主欬逆上氣。喉鳴喘急。咽腫短氣。蠱毒鬼瘡。疝瘕癰腫。殺蟲魚。一名去水。生川谷。舊在木部非

吳普曰。芫華一名去水。一名敗華。一名兒草根。一名黃大戟。神農黃帝有毒。扁鵲歧伯苦。李氏大寒。二月生葉青。加厚則黑。花有紫赤白者。三月花落盡。葉乃生。三月三日采花。芫花根一名赤芫根。神農雷公苦有毒。生邯鄲。九月八月采。陰乾久服令人洩。可用毒魚。御覽亦見圖經節文

名醫曰。一名毒魚。一名杜芫。其根名蜀桑。可用毒魚。生淮南。三月三日采花陰乾。

案說文云。芫。魚毒也。爾雅云。杭。魚毒。郭璞云。杭。大木子似粟。生南方。皮厚汁赤。中藏卵果。范子計然云。芫華出三輔。史記倉公傳。臨菑女子病蠟瘕。飲以芫花。一撮。出蠟可數升病已。顏師古注。就篇云。郭景純說誤耳。其生南方。用藏卵果。自別一芫木。乃左思所云。綿杭。椀者耳。非毒魚之杭。右草下品四十九種。舊四十八種。考木部芫華。宜入此。

巴豆。味辛溫。主傷寒溫瘧寒熱。破癥瘕結聚。堅積留飲。痰癖大腹水脹。蕩練五臟六府。開通閉塞。利水穀道。去惡肉。除鬼毒。蠱注邪物。御覽作鬼殺蟲魚。一名巴菽。舊作菽生川谷。

吳普曰。巴豆一名巴菽。神農。歧伯。桐君。辛有毒。黃帝。甘有毒。李氏。熱。主寒溫。葉如大豆。八月采。御覽

名醫曰。生巴郡。八月采。陰乾。用之去心皮。

案廣雅云。巴菽。巴豆也。列仙傳云。元俗餌巴豆。淮南子說林訓云。魚食巴菽而

死。人食之而肥。

蜀菜。味辛溫。主邪氣欬逆。溫中逐骨節皮膚死肌寒溼痺痛。下氣。久服之。頭不白。輕身增年。生川谷。

名醫曰。一名巴椒。一名蓐藪。生武都及巴郡。八月采實陰乾。

案。范子計然云。蜀椒出武都。赤色者善。陸璣云。蜀人作茶。又見秦椒。卽爾雅菜。陶宏景云。俗呼爲膠。

阜莢。味辛鹹溫。主風痺死肌。邪氣風頭淚出。利九竅。殺精物。生川谷。

名醫曰。生雍州及魯鄒縣。如豬牙者良。九月十月采陰乾。

案。說文云。莢草實。范子計然云。阜莢出三輔。上價一枚一錢。廣志曰。雞栖子阜莢也。御覽阜卽草省文。

柳花。味苦寒。主風水黃疸面熱黑。一名柳絮。葉主馬疥痂創。實主潰癰逐膿血。子汁療渴。生川澤。

名醫曰。生琅邪。

案。說文云。柳。小楊也。檉。河柳也。楊。木也。爾雅檉河柳。郭璞云。今河旁赤莖小楊。

又旄澤柳。郭璞云。生澤中者。又楊蒲柳。郭璞云。可以爲箭。左傳所謂董澤之蒲。毛詩云。無折我樹杞。傳云。杞木名也。陸璣云。杞柳屬也。

棟實。味苦寒。主溫疾傷寒。大熱煩狂。殺三蟲疥瘍。利小便水道。生山谷。

名醫曰。生荆山。

案。說文云。棟木也。中山經云。其實如棟。郭璞云。棟木名。子如指頭。白而黏。可以浣衣也。淮南子時則訓云。七月其樹棟。高誘云。棟實。鳳皇所食。今雒城旁有棟樹實。秋熟。

郁李仁。味酸平。主大腹水腫。面目四肢浮腫。利小便水道。根主齒斷腫齩齒堅齒。

一名爵李。生川谷。

吳普曰。郁李一名雀李。一名車下李。一名棣。翹

名醫曰。一名車下李。一名棣。生高山及邱陵上。五月六月采根。

案。說文云。棣。白棣也。廣雅云。山李雀其蠶也。爾雅云。常棣。棣。郭璞云。今關西有棣樹。子如櫻桃可食。毛詩云。六月食鬱。傳云。鬱棣屬。劉稹毛詩義問云。其樹高五六尺。其實大如李。正赤。食之甜。又詩云。常棣之華。傳云。常棣。棣也。陸璣云。與

李一名雀李。一曰車下李。所在山中皆有。其花或白或赤。六月中子熟。大如李子可食。沈括補筆談云。晉宮閣銘曰。華林園中有車下李。三百一十四株。莫李一株。

莽草味辛溫。主風頭癰腫。乳癰疔瘻。除結氣。疥搔。御覽有疽殺蟲魚。生山谷。

吳普曰。莽草一名春草。神農辛。雷公桐君苦有毒。生上谷山谷中。或寃句。五月采。治風。御覽

名醫曰。一名薺。一名春草。生上谷及寃句。五月采。葉陰乾。

案中山經云。朝歌之山有草焉。名曰莽草。可以毒魚。又蕘山有木焉。其狀如棠而赤葉。可以毒魚。爾雅云。薺。春草。郭璞云。一名芒草。本草云。周禮云。萹氏掌除蠹物。以莽草薰之。范子計然云。莽草出三輔者善。陶宏景云。字亦作薺。

雷丸。御覽作雷公丸。味苦寒。主殺三蟲。逐毒氣。胃中熱利。丈夫不利。女子作摩膏。除小兒百病。御覽引云一名雷生山谷。

吳普曰。雷丸神農苦。黃帝歧伯桐君甘有毒。扁鵲甘無毒。李氏大寒。御覽引云或生漢中。八月采。

名醫曰。一名雷矢。一名雷實。生石城及漢中土中。八月采根暴乾。

案。范子計然云。雷矢出漢中。色白者善。

桐葉味苦寒。主惡蝕創著陰皮。主五痔。殺三蟲。華主傳豬創。飼豬肥大三倍。生山谷。

名醫曰。生桐柏山。

案。說文云。桐。榮也。梧。梧桐木。一名觀。爾雅云。觀。梧。郭璞云。今梧桐。又榮。桐木。郭璞云。卽梧桐。毛詩云。梧桐生矣。傳云。梧桐柔木也。

梓。白皮。味苦寒。主熱去三蟲。葉擣。傅豬創。飼豬肥大三倍。生山谷。

名醫曰。生河內。

案。說文云。梓。楸也。或作梓。椅梓也。楸。梓也。櫃。楸也。爾雅云。槐。小葉曰榎。郭璞云。槐當爲楸。楸。細葉者爲榎。又大而鼓。楸。郭璞云。老乃皮粗。鼓者爲楸。又椅梓。郭璞云。卽楸。毛詩云。椅桐梓漆。傳云。椅。梓屬。陸璣云。梓者。楸之疏理。白色而生子者曰梓。梓實。桐皮曰椅。

石南。味辛苦。主養腎氣。內傷陰衰。剝筋骨皮毛。實殺蟲毒。破積聚。逐風痺。一名鬼

目。生山谷。

名醫曰。生華陰。二月四月采實陰乾。

黃環。味苦平。主蠱毒。鬼注。鬼魅邪氣。在臧中。除欬逆寒熱。一名凌泉。一名大就。生山谷。

吳普曰。蜀黃環。一名生芻。一名根韭。神農、黃帝、歧伯、桐君、扁鵲、辛。一經。味苦。有毒。二月生。初出正赤。高二尺。葉黃圓。端大。莖葉有汁。黃白。五月實。員。三月采根。

根黃。從理如車輻。解治蠱毒。覽。名醫曰。生蜀郡。三月采根陰乾。

案。蜀都賦有黃環。劉逵云。黃環出蜀郡。沈括補筆談云。黃環卽今朱藤也。天下皆有。葉如槐。其花穗懸紫色。如葛花。可作菜食。火不熟。亦有小毒。京師人家園圃中作大架種之。謂之紫藤花者是也。

深疏。味辛寒。主身皮膚中熱。除邪氣。止遺溺。可作浴湯。生山谷及田野故邱虛地。名醫曰。一名巨骨。生熊耳山。四月采。

案。李當之云。深疏一名楊樨。一名牡荊。一名空疏。皮白中空。時時有節子。似枸

杞。冬日熟色赤。味甘苦。

鼠李。主寒熱癰瘰。生田野。

吳普曰。鼠李一名牛李。覽御

名醫曰。一名牛李。一名鼠梓。一名棹。采無時。

案說文云。桼鼠梓木。爾雅云。桼鼠梓。郭璞云。楸屬也。今江東有虎梓。毛詩云。北

山有桼。傳云。桼鼠梓。據名醫名鼠梓。未知是此否。唐本注云。一名趙李。一名阜

李。一名烏槎。

藥寶根。味辛溫。主邪氣。諸痺疼酸。續絕傷。補骨髓。一名連木。生山谷。

名醫曰。生蜀郡。采無時。

案廣雅云。貝父藥實也。

藥華。味苦寒。主目痛淚出。傷背消目腫。生川谷。

名醫曰。生漢中。五月采。

案說文云。藥木似欄。山海經云。雲雨之山有木名藥。黃木赤枝青葉。羣帝焉取

藥。白虎通云。諸侯墓樹柏。大夫藥。士槐。沈括補筆談云。藥有一種樹生。其實可

作數珠者。謂之木欒。本草欒花是也。

薑椒。味苦。主風寒溼痺。歷節疼。除四肢厥氣。鄰痛。一名豕椒。生川谷及邱冢間。

名醫曰。一名豬椒。一名蕘椒。一名狗椒。生雲中。采莖根。煮釀酒。

案。陶宏景云。俗呼爲樛。以椒薰小。不香爾。一名豨椒。可以蒸病出汗也。

右木下品一十七種。舊十八種。今移芫花入草。

豚卵。味苦溫。主驚癇瘖疾。鬼注蟲毒。除寒熱。貫豚。五癘邪氣。攣縮。一名豚顛。懸蹄

主五痔。伏熱在腸。腸癰內蝕。

案。說文云。豨。小豚也。從豕。省象形。從又。持肉以給祭祀。篆文作豚。方言云。豬其

子。或謂之豚。或謂之豨。吳揚之間。謂之豬子。

麋脂。味辛溫。主癰腫。惡創死肌。風寒溼痺。四肢拘緩不收。風頭腫氣。通腠理。一名

官脂。生山谷。

名醫曰。生南山及淮海邊。十月取。

案。說文云。麋。鹿屬。冬至解其角。漢書云。劉向以爲麋之爲言迷也。蓋牝獸之淫

者也。

鷓鼠主墮胎令人產易生平谷。

名醫曰。生山谷。

案說文云。鷓鼠形飛走。且乳之鳥也。籀文作鷓。廣雅云。鷓鴣飛鷓也。陶宏景云。是鷓鼠。一名飛生。見爾雅云。鷓鼠。夷由也。舊作鷓。非。

六畜毛蹄甲。味鹹平。主兔注。蠱毒。寒熱驚癇。瘕瘕狂走。駱駝毛尤良。案陶宏景云。六畜謂馬牛羊豬狗鷄也。蹄卽蹄省文。

右獸下品四種。舊同。

蝦蟆。味辛寒。主邪氣。破癥堅。血癰腫陰創。服之不患熱病。生池澤。

名醫曰。一名蟾蜍。一名鼈。一名去甫。一名苦蠱。生江湖。五月五日取陰乾。東行者良。

案說文云。蝦。蝦蟆也。蟆。蝦蟆也。鼈。蝦蟆也。鼈。光鼈。詹諸也。其鳴詹諸。其皮鼈鼈。其行先光。或作鼈鼈。鼈鼈詹諸也。夏小正傳云。蟻也者。長股也。或曰屈造之屬也。詩曰。得此鼈鼈。言其行鼈鼈。鼈鼈詹諸以脰鳴者。廣雅云。蚊苦蠱。胡鼈。蝦蟆也。爾雅云。鼈鼈。詹諸。郭璞云。似蝦蟆居陸地。淮南謂之去蛟。又蠶蟆。郭璞云。蛙

類。周禮云。蝮氏。鄭司農云。蝮讀爲蟻。蟻。蝦蟆也。元謂蝮。今御所食蛙也。月令云。仲夏之月。反舌無聲。蔡邕云。今謂之蝦蟆。薛君韓詩注云。戚施蟾蜍。高誘注。淮南子云。蟾蜍也。又蝮蝦蟆也。又蟾蜍蝦蟆。又鼓造。一曰蝦蟆。抱朴子內篇云。或問魏武帝曾收左元放而桎梏之。而得自然解脫。以何法乎。抱朴子曰。以自解去父血。

馬刀。味辛微寒。御覽有補中二字。大觀本黑字。主漏下赤白寒熱。破石淋。殺禽獸賊鼠。生池澤。

吳普曰。馬刀一名齊盒。神農歧伯桐君。鹹有毒。扁鵲小寒大毒。生池澤江海。采無時也。御覽

名醫曰。一名馬蛤。生江湖及東海。采無時。

案。范子計然云。馬刀出河東。藝文類聚引本經云。文蛤表有文。又曰馬刀。一曰名蛤。則豈古本與文蛤爲一邪。

蛇蛻。味鹹平。主小兒百二十種驚癇。瘦瘵癩疾。寒熱腸痔。蟲毒蛇癩。火熬之良。一名龍子衣。一名蛇符。一名龍子單衣。一名弓皮。生川谷及田野。

吳普曰。蛇蛻一名龍子單衣。一名弓皮。一名蛇附。一名蛇筋。一名龍皮。一名龍

單衣。覽御

名醫曰。一名龍子皮。生荊州。五月五日十五日取之良。

案說文云。它蟲也。从虫而長。象窻曲。衆尾形。或作蛇。蛇蛻蟬所解皮也。廣雅云。蝮。蝮蛻也。中山經云。來山多空。奪郭璞云。卽蛇皮脫也。

卽蛻味鹹寒。主蛇瘕。去三蟲。伏尸鬼。注蠱毒。殺長蟲。仍自化作水。生平土。

吳普曰。蛻蛻一名白頸蝮。一名附引。覽御

名醫曰。一名土龍。二月取。陰乾。

案說文云。蝮行者。或作蝮。蝮也。廣雅云。蝮蛻引長也。爾雅云。蝮蛻蝮。郭璞云。卽蝮。蝮也。江東呼寒蝮。舊作蝮非。呂氏春秋淮南子。卽蝮出。不从虫。又說山訓云。蝮無筋骨之強。高誘注。蝮一名蝮。端也。舊又有白頸二字。據吳普古本。當無也。

蝮蛻。味辛平。主久聾。效逆毒氣。出刺。出汗。生山谷。

名醫曰。一名土蜂。生熊耳及牂柯。或人屋間。

案說文云。蝮蛻。贏蒲盧。細腰土蜂也。或作蹠。贏。蹠。贏也。廣雅云。土蜂。蝮蛻也。爾

雅土蜂。毛詩云。螟蛉有子。蜾蠃負之。傳云。蝼蛄。蒲廬也。禮記云。夫政也者。蒲廬也。鄭云。蒲廬。蝼蛄。謂土蜂也。方言云。蠶其小者。謂之蠶蟪。或謂之蠶蛭。說文無蠶字。或當爲醫。

吳蚣。味辛溫。主鬼注。蠱毒。噉諸蛇蟲魚毒。殺鬼物。老精溫瘧。去三蟲。御覽引云。一本在水。生川谷。

名醫曰。生大吳。江南赤頭足者良。

案。廣雅云。蜉蝣。吳公也。

水蛭。味鹹平。主逐惡血。瘀血。月閉。御覽作破血瘕積聚。無子利水道。生池澤。

名醫曰。一名蚊。一名至掌。生雷澤。五月六月采暴乾。

案。說文云。蛭。蟻也。蟻。至掌也。爾雅云。蛭。蟻。郭璞云。今江東呼水中蛭蟲。入

人肉者爲蟻。又蛭。蟻至掌。郭璞云。未詳。據名醫。卽蛭也。

班苗。味辛寒。主寒熱。鬼注。蠱毒。鼠瘻。惡創。疽蝕死肌。破石癰。一名龍尾。生川谷。

吳普曰。班。猫。一名班。蟻。一名龍。蟻。一名班。苗。一名勝。髮。一名盤。蚤。一名晏。青。神農。辛。歧。伯。鹹。桐。君。有。毒。扁。鵲。甘。有。大。毒。生。河。內。川。谷。或。生。水。石。

名醫曰。生河東。八月取陰乾。

案。說文云。蠶。蠶。毒蟲也。廣雅云。蠶。晏。清也。名醫別出。芫青條。非。芫。晏音相近也。舊作猫。俗字。據吳氏云。一名班苗是也。

貝子。味鹹平。主目翳。鬼注。蠱毒。腹痛下血。五癰。利水道。燒用之良。生池澤。

名醫曰。一名貝齒。生東海。

案。說文云。貝。海介蟲也。居陸名蜃。在水名蝸。象形。爾雅云。貝小者鱗。郭璞云。今細貝亦有紫色。出日南。又蟻小而精。郭璞云。卽上小貝。

石蠶。味鹹寒。主五癰。破石淋。墮胎。內解結氣。利水道。除熱。一名沙蟲。生池澤。

吳普曰。石蠶一名沙蟲。神農。雷公。酸無毒。生漢中。治五淋。破腹內結氣。利水道。除熱。覽御

名醫曰。生江漢。

案。廣雅云。沙蟲。蠅。蠅也。淮南萬畢術云。沙蟲一名蓬活。一名地脾。御覽蟲豸部引李當之云。類蟲形如老蠶。生附石。廣志云。沙蟲背色赤。大過蟻。在水中入人皮中殺人。與李氏不同。

時則訓云。孟夏之月。螻蛄鳴。高誘云。螻、螻蛄也。方言云。蛄。蛄謂之杜格。螻蛄謂之螻蛄。或謂之螻蛄。南楚謂之杜狗。或謂之蛄。陸璣詩疏云。本草又謂螻蛄。爲石鼠。今無文。

馬陸。味辛溫。主腹中大堅癥。破積聚息肉。惡創白禿。一名百足。生川谷。

吳普曰。一名馬軸。覽

名醫曰。一名馬軸。生元菟。

案說文云。蠲。馬蠲也。从虫。𠂔。益聲。勺象形。明堂月令曰。腐草爲蠲。廣雅云。蛆。蠲。馬蠲也。又馬踐。蠲蛆也。爾雅云。蝦。馬踐。郭璞云。馬蠲。俗呼馬蠲。淮南子。時則訓云。季夏之月。腐草化爲蛆。高誘云。蛆。馬蠲也。幽冀謂之秦渠。又汜論訓云。蛆。足衆而走。不若蛇。又兵略訓云。若蛆之足。高誘云。蛆。馬蠲也。方言云。馬蠲。北燕謂之蛆渠。其大者謂之馬軸。博物志云。馬蠲。一名百足。中斷成兩段。各行而去。

地膽。味辛寒。主鬼注寒熱鼠瘻。惡創死肌。破癥瘕。墮胎。一名玩青。生川谷。
吳普曰。地膽一名元青。一名杜龍。一名青虹。覽

一名醫曰。一名青蛙。生汝山。八月取。

案。廣雅云。地膽。虵要。青蠶。青蠟也。陶宏景云。狀如大馬蟻有翼。僞者卽斑猫所化。狀如大豆。

鼠婦。味酸溫。主氣癰。不得小便。婦人月閉。血癥癰瘕。寒熱利水道。一名負蟠。一名蚌威。生平谷。

一名醫曰。一名矮蚤。生魏郡及人家地上。五月五日取。

案。說文云。蚘。蚘威。委黍。委黍。鼠婦也。蟠。鼠婦也。爾雅云。蟠。鼠負。郭璞云。盆器底蟲。又蚌威。委黍。郭璞云。舊說鼠婦。別名。毛詩云。伊威在室。傳云。伊威。委黍也。陸璣云。在壁根下。糞底中。生似白魚。

熒火。味辛微溫。主明目。小兒火創。傷熱氣。蠱毒。鬼注。通神。一名夜光。御覽引云。各一本。御覽引云。各一本。御覽引云。各一本。

吳普曰。一名夜炤。一名熠燿。一名救火。一名景天。一名據火。一名挾火。藝文

名醫曰。一名放光。一名熠燿。一名卽炤。生階地。七月七日收。陰乾。

案。說文云。爨。兵死及牛馬之血爲爨。鬼火也。从炎。舛。爾雅云。熒火卽炤。郭璞云。

夜飛腹下有火。毛詩云。熠燿宵行。傳云。熠燿。燐也。燐。螢火也。月令云。季夏之月。腐草化爲螢。鄭元云。螢。飛蟲。螢火也。據毛萇以螢爲燐是也。說文無螢字。當以燐爲之。爾雅作燐亦是。舊作螢非。又按月令腐草爲螢。當是燭字假音。

衣魚。味鹹溫無毒。主婦人疝痕。小便不利。御覽作小兒中風。御覽作項強。御覽作起摩之。一名白魚。生平澤。

吳普曰。衣中白魚。一名蟬。鬣

名醫曰。一名蟬。生咸陽。

案說文云。蟬。白魚也。廣雅云。白魚。蛎魚也。爾雅云。蟬。白魚。郭璞云。衣書中蟲。一名蛎魚。

右蟲魚下品一十八種。舊同。

桃核仁。味苦平。主瘀血血閉。瘕邪。殺小蟲。桃花殺注惡鬼。令人好顏色。桃鳧微溫。主殺百鬼。精物。初學記引云。梟桃。在樹不落。殺百鬼。桃毛主下血。瘕寒熱。積寒無子。桃蠹殺鬼邪。惡不祥。生川谷。

名醫曰。桃核七月採取。仁陰乾。花三月三日采陰乾。桃鳧一名桃奴。一名梟景。

是實著樹不落實中者。正月采之。桃蠹食桃樹蟲也。生太山。

案說文云。桃果也。玉篇云。桃毛果也。爾雅云。桃李醜核。郭璞云。子中有核仁。孫炎云。桃李之實類皆有核。

杏核仁味甘溫。主欬逆上氣。雷鳴喉痺。下氣產乳。金創。寒心貴豚。生川谷。

名醫曰。生晉山。

案說文云。杏果也。管子地員篇云。五沃之土。其木宜杏。高誘注淮南子云。杏有竅在中。

右果下品二種。舊同。

腐婢味辛平。主瘰癧寒熱邪氣。洩利陰不起。病酒頭痛。生漢中。

吳普曰。小豆花一名腐婢。舊作付神農甘毒。七月采陰乾。四十日。治頭痛止渴。

名醫曰。生漢中。即小豆花也。七月采陰乾。

右米穀下品一種。舊同。

苦瓠味苦寒。主大水面目四肢浮腫。下水令人吐。生川澤。

名醫曰。生晉地。

案說文云。瓠。匏也。廣雅云。匏。瓠也。爾雅云。瓠。樓瓣。毛詩云。匏有苦葉。傳云。匏謂之瓠。又八月斷壺。傳云。壺。瓠也。古今注云。瓠。壺蘆也。壺蘆。瓠之無柄者。瓠有柄者。又云。瓢。瓠也。其總曰匏。瓠則別名。

水蘄。味甘平。主女子赤沃。止血養精。保血脈。益氣。令人健嗜食。一名水英。生池澤。

名醫曰。生南海。

案說文云。芹。楚葵也。苳。菜類也。周禮有苳苳。爾雅云。芹。楚葵。郭璞云。今水中芹。菜。字林云。琴草。生水中。根可緣器。又云。苳菜似蒜。生水中。

右。菜下品二種。舊同。

彼子。味甘溫。主腹中邪氣。去三蟲。蛇螫蟲毒。鬼注。伏尸。生川谷。舊在唐本經中

名醫曰。生永昌。

案陶宏景云。方家從來無用此者。古今諸醫及藥家。了不復識。又一名羆子。不知其形何類也。掌禹錫云。樹似杉。子如檳榔。本經蟲部云。彼子。蘇注云。彼子合從木。爾雅云。彼。一名排。

三品合三百六十五種。法三百六十五度。一度應一日。以成一歲。倍其數各七。

掌禹錫云。本草例神農本經以朱書。各醫別錄以墨書。神農藥三百六十五種。

今此言倍其數合七百三十名。是併名醫別錄副品而言也。則此下節別錄之文也。當作墨書矣。蓋傳寫浸久。朱墨錯亂之所致耳。

案禹錫說是也。改爲細字。

藥有君臣佐使。以相宜攝合和。宜用一君二臣三佐五使。又可一君三臣九佐使。藥有陰陽配合。子母兄弟。根莖華實。草石骨肉。有單行者。有相須者。有相使者。有相畏者。有相惡者。有相反者。有相殺者。凡此七情。合和視之。當用相須相使者。良勿用相惡相反者。若有毒宜制。可用相畏相殺者。不爾勿合用也。

藥有酸鹹甘苦辛五味。又有寒熱溫涼四氣。及有毒無毒。陰乾暴乾。采造時月。生熟土地所出。真僞陳新。並各有法。

藥性有宜丸者。宜散者。宜水煮者。宜酒漬者。宜膏煎者。亦有一物兼宜者。亦有不

可入湯酒者。並隨藥性。不得違越。欲療病先察其原。先候病機。五藏未虛。六府未竭。血脈未亂。精神未散。服藥必活。

若病已成。可得半愈。病勢已過。命將難全。

若用毒藥療病。先起如黍粟。病去即止。不去倍之。不去十之。取去爲度。

療寒以熱藥。療熱以寒藥。飲食不消。以吐下藥。鬼注蠱毒。以毒藥。癰腫創瘡。以創藥。風溼以風溼藥。各隨其所宜。

病在胸膈以上者。先食後服藥。病在心腹以下者。先服藥而後食。病在四肢血脉者。宜空腹而在旦。病在骨髓者。宜飽滿而在夜。

夫大病之主。有中風傷寒。寒熱溫瘧。中惡霍亂。大腹水腫。腸澼下利。大小便不通。貫臑上氣。欬逆。嘔吐黃疸。消渴。留飲癖食。堅積癥瘕。驚邪癩癰。鬼注喉痺。齒痛耳聾。目盲。金創痿折。癰腫惡創。痔瘻瘰癧。男子五勞七傷。虛乏羸瘦。女子帶下崩中。血閉陰蝕。蟲蛇蠱毒所傷。此大略宗兆。其間變動枝葉。各宜依端緒以取之。

右序例白字。

本草經佚文

上藥令人身安命延。昇天神仙。遨遊上下。役使萬靈。體生毛羽。行廚立至。抱朴子內篇引

神農經據太
平御覽校

中藥養性。下藥除病。能令毒蟲不加。猛獸不犯。惡氣不行。衆妖併辟。神農經

太一子曰。凡藥上者養命。中者養性。下者養病。本草類聚

太一子曰。凡藥上者養命。中藥養性。下藥養病。神農乃作赭鞭鉤鋤。尺制從六陰

陽。與太乙外字五岳四瀆。土地所生。草石骨肉心灰皮毛羽萬千類。皆鞭問之。得

其所能治。主當其五味。一日誤作百七十毒。太平御覽

神農稽首再拜問於太乙子曰。曾聞之時壽過百歲。而徂落之咎。獨何氣使然也。

太乙子曰。天有九門。中道最良。神農乃從其嘗藥以拯救人命。太平御覽引

按此諸條。與今本經卷上文略相似。諸書所引。較本經文多。又云是太乙子說。

今無者。疑後節之。其云赭鞭鉤鋤。當是袁辨候製之假音。鞭問之。即辨問之。無

怪說也。

藥物有大毒。不可入口。鼻耳目者。即殺人。一曰鉤吻。盧氏曰陰地黃精不相二曰

鴟狀如雌鷄三曰陰命。赤色著木懸四曰內童。狀如鷲亦五曰鳩羽。頭赤喙六曰

螭生海中雄曰蜂雌曰螭

藥種有五物。一曰狼毒。古斯解之。二曰巴頭。薑汁解之。三曰藜蘆。湯解之。四曰天雄。烏頭。大豆解之。五曰班茅。戎鹽解之。毒荼害小兒。乳汁解。先食飲二升。博物志經五芝及餌丹砂。玉札。曾青。雄黃。雌黃。雲母。太乙。禹餘糧。各可單服。皆令人飛行長生。抱朴子內篇

春夏爲陽。秋冬爲陰。文選注引神農本草

春爲陽。陽溫生萬物。同上

黃精與朮餌之却粒。或遇凶年。可以絕粒。謂之米脯。太平御覽引抱朴子神農經

五味養精神。強魂魄。五石養髓。肌肉肥澤。諸藥其味酸者。補肝養心。除腎病。其味苦者。補心養脾。除肝病。其味甘者。補肺養脾。除心病。其味辛者。補肺養腎。除脾病。其味鹹者。補肺除肝病。故五味應五行。四體應四時。夫人性生於四時。然後命於五行。以一補身不死。命神以母養子。長生延年。以子守母。除病究年。太平御覽引神農經

案此諸條。當去玉石草木三品前總論。而後人節去。

附吳氏本草十一條

龍眼一名益智。一名比目。齊民要術

鼠尾一名勤。一名山陵翹。治痢也。御覽

滿陰實。生平谷。或圃中。延蔓如瓜。葉實如桃。七月采。止渴延年。御覽

千歲垣中。膚皮得薑赤石脂治。御覽

小華一名結草。御覽

木瓜生夷陵。御覽

穀樹皮治喉閉。一名楮。御覽

櫻桃味甘。主調中益氣。令人好顏色。美志氣。一名朱桃。一名麥英也。藝文類聚

李核治仆僵。花令人好顏色。御覽

大麥一名穰麥。五穀之盛無毒。治消渴除熱益氣。食蜜為使。麥種一名小麥無毒。

治利而不中口。御覽

豉益人氣。御覽

暉日一名鳩羽。御覽

附諸藥制使

唐慎微曰。神農本草經相使正各一種。兼以藥對參之。乃有兩三。

玉石上部

玉泉畏款冬花。

玉屑惡鹿角。

丹砂惡磁石。畏鹹水。

曾青畏菟絲子。

石膽。水英爲使。畏牡桂、菌桂、荒花、辛夷、白微。

鐘乳。蛇牀子爲使。惡牡丹、牡蒙、元參、人參、朮、羊血。畏紫石英、藜蘆。

雲母。澤瀉爲使。畏鮑甲及流水。

消石。火爲使。惡苦參、苦菜。畏女苑。

朴消。畏麥句薑。

芒消。石葦爲使。惡麥句薑。

礬石。甘草爲使。畏牡蠣。

滑石。石葦爲使。惡曾青。

紫石英。長石爲使。畏扁青、附子。不欲鮫甲、黃連、麥句薑、白石英。惡馬目、毒公。
赤石脂。惡大黃。畏荒花。
黃石脂。曾青爲使。惡細辛。畏蜚蠊。
太一餘糧。杜仲爲使。畏鐵落、萑蒲、貝母。

玉石中部

水銀。畏磁石。

殷孽。惡防己。畏朮。

孔公孽。木蘭爲使。惡細辛。

陽起石。桑螵蛸爲使。惡澤瀉、茵桂、雷丸、蛇脫皮。畏菟絲子。

石膏。鷄子爲使。惡莽草、毒公。

凝水石。畏地榆。解巴豆毒。

磁石。柴胡爲使。畏黃石脂。惡牡丹、莽草。

元石。惡松脂、柏子仁、茵桂。

玉石下部

礬石得火良。棘鍼爲使。惡虎掌、毒公、鶩屎、細辛、水。
青琅玕得水銀良。畏雞骨、殺錫毒。
特生礬石得火良。畏水。

代赭畏天雄。

方解石惡巴豆。

大鹽漏蘆爲使。

草藥上部

六芝、萸、預爲使。得髮良。惡常山。畏扁青、茵陳。

朮、防風、地榆爲使。

天門冬、垣衣、地黃爲使。畏曾青。

麥門冬、地黃、車前爲使。惡款冬、苦瓠。畏苦參、青囊。

女萎、蕤畏鹵。

乾地黃得麥門冬、清酒良。惡貝母。畏蕪夷。

昌蒲、秦艽、秦皮爲使。惡地膽、麻黃。

澤瀉畏海蛤、文蛤。

遠志得茯苓、冬葵子、龍骨、夏、殺天雄、附子毒。畏珍珠、蜚廉、藜蘆。

齊蛤、薯蕷、紫芝爲使。惡甘遂。

石斛、陸英爲使。惡凝水石、巴豆。畏白殭蠶、雷丸。

菊花、朮、枸杞根、桑根、白皮爲使。

甘草、朮、乾漆、苦參爲使。惡遠志。反甘遂、大戟、芫花、海藻。

人參、茯苓爲使。惡深疏。反藜蘆。

牛薺、惡熒火、龜、陸英、畏白前。

細辛、曾青、東根爲使。惡狼毒、山茱萸、黃耆。畏滑石、消石。反藜蘆。

獨活、蠱石爲使。

柴胡、半夏爲使。惡阜莢。畏女苑、藜蘆。

菴藷子、荊子、薏苡仁爲使。

疥癩子、得荊子、細辛、良、惡乾薑、苦參。

龍膽、貫衆爲使。惡防葵、地黃。

菴絲子得酒良。薯蕷、松脂爲使。惡萑茵。
巴戟天。覆盆子爲使。惡朝生、雷丸、丹參。

蒺藜子。烏頭爲使。

沙參。惡防己。反藜蘆。

防風。惡乾薑、藜蘆、白斂、羌花。殺附子毒。

絡石。杜仲、牡丹爲使。惡鐵落。畏菖蒲、貝母。

黃連。黃芩、龍骨、理石爲使。惡菊花、羌花、元參、白鮮皮。畏款冬。勝烏頭。解巴豆毒。

丹參。畏鹹水。反藜蘆。

天名精。垣衣爲使。

決明子。薯蕷爲使。惡大麻子。

續斷。地黃爲使。惡雷丸。

芎藭。白芷爲使。

黃耆。惡龜甲。

杜若。得辛夷、細辛良。惡柴胡、前胡。

蛇牀子惡牡丹、巴豆、貝母。

苦根畏鼠姑。

飛廉得烏頭、良。惡麻黃。

薇銜得秦皮、良。

五味子、菴蓉爲使。惡委蕤。勝烏頭。

草藥中部

當歸惡藺茹。畏菖蒲、海藻、牡蒙。

秦茸、昌蒲爲使。

黃芩、山茱萸、龍骨爲使。惡蔥實。畏丹砂、牡丹、藜蘆。

芍藥、須丸爲使。惡石斛、芒消。畏消石、鼈甲、小蘗、反藜蘆。

乾薑、秦椒爲使。惡黃連、黃芩、天鼠屎。殺半夏、葶藶毒。

藁本畏藺茹。

麻黃、厚朴爲使。惡辛夷、石韋。

葛根、殺野葛、巴豆、百藥毒。

前胡。半夏爲使。惡阜茨。畏藜蘆。
貝母。厚朴。白薇爲使。惡桃花。畏秦茸。礬石。莽草。反烏頭。
括樓。枸杞爲使。惡乾薑。畏牛膝。乾漆。反烏頭。
元參。惡黃耆。乾薑。大棗。山茱萸。反藜蘆。
苦參。元參爲使。惡貝母。漏蘆。菴絲子。反藜蘆。
石龍芮。大戟爲使。畏蛇蛻。吳茱萸。
葶藶。薏苡爲使。畏葵根。大黃。柴胡。牡蠣。前胡。
石韋。滑石。杏仁爲使。得菖蒲良。
狗脊。草薺爲使。惡敗醬。
瞿麥。囊草。牡丹爲使。惡螻蛄。
白芷。當歸爲使。惡旋覆花。
紫菀。款冬爲使。惡天雄。瞿麥。雷丸。遠志。畏茵陳。
白鮮皮。惡螻蛄。桔梗。茯苓。葶藶。
白薇。惡黃耆。大黃。大戟。乾薑。乾漆。大棗。山茱萸。

紫參畏辛夷。

淫羊霍、薯蕷爲使。

款冬花、杏仁爲使。得紫苑良。惡阜莢、消石、元參、畏貝母、辛夷、麻黃、黃芩、黃連、黃耆、青柏。

牡丹畏菟絲子。

防己、殷孽爲使。惡細辛、畏葶藶。殺雄黃毒。

女苑畏鹵鹹。

澤蘭、防己爲使。

地榆得髮良。惡麥門冬。

海藻反甘草。

草藥下部

大黃、黃芩爲使。

桔梗、橘皮爲使。畏白及、反龍膽、龍眼。

甘遂、瓜蒂爲使。惡遠志。反甘草。

葶藶。榆皮爲使。得酒良。惡彊蠶、石龍芮。

芫花。決明爲使。反甘草。

澤漆。小豆爲使。惡薯蕷。

大戟。反甘草。

鉤吻。半夏爲使。惡黃芩。

藜蘆。黃連爲使。反細辛、芍藥、五參。惡大黃。

烏頭。烏喙、莽草爲使。反半夏、栝樓、貝母、白斂、白及。惡藜蘆。

天雄。遠志爲使。惡腐婢。

附子。地膽爲使。惡蜈蚣。畏防風、甘草、黃耆、人參、烏韭、大豆。

貫衆。萑菌爲使。

半夏。射干爲使。惡阜莢。畏雄黃、生薑、乾薑、秦皮、龜甲。反烏頭。

蜀漆。栝樓爲使。惡貫衆。

虎掌。蜀漆爲使。畏莽草。

狼牙。蕪荑爲使。惡棗棘、地榆。

常山畏玉札。

白及、紫石英爲使。惡理石、李核仁、杏仁。

白斂代赭爲使。反烏頭。

藟菌得酒良。畏雞子。

藟茹、甘草爲使。惡麥門冬。

蓋草畏鼠婦。

夏枯草、土瓜爲使。

狼毒、大豆爲使。惡麥句薑。

鬼臼畏垣衣。

木藥上部

茯苓、茯神、馬蘭爲使。惡白斂。畏牡蒙、地榆、雄黃、秦艽、龜甲。

杜仲、惡蛇蛻、元參。

柏實、牡蠣、桂心、瓜子爲使。畏菊花、羊蹄、諸石、麴、麴。

乾漆、半夏爲使。畏雞子。

蔓荆子惡烏頭、石膏。

五加皮。遠志爲使。畏蛇皮、元參。

槲木惡乾漆。

辛夷。芫薺爲使。惡五石脂。畏昌蒲、蒲黃、黃連、石膏、黃環、酸棗仁。反防己。

槐子。景天爲使。

牡荊實。防己爲使。惡石膏。

木藥中部

厚朴。乾薑爲使。惡澤瀉、寒水石、消石。

山茱萸。蓼實爲使。惡桔梗、防風、防己。

吳茱萸。蓼實爲使。惡丹參、消石、白堊。畏紫石英。

秦皮。大戟爲使。惡茱萸。

占斯解狼毒毒。

梔子解躑躅毒。

秦椒惡括樓、防葵。畏雌黃。

桑根白皮。續斷。桂心。麻子爲使。

木藥下部

黃環。鳶尾爲使。惡茯苓。防己。

石南。五加皮爲使。

巴豆。羌花爲使。惡藁草。畏大黃、黃連、蘆薹。殺班貓毒。

藥華。決明爲使。

蜀椒。杏仁爲使。畏款冬。

深疏。漏蘆爲使。

阜茨。柏實爲使。惡麥門冬。畏空青、人參、苦參。

雷丸。荔實。厚朴爲使。惡葛根。

獸上部

龍骨。得人參、牛黃、良。畏石膏。

龍角。畏乾漆。蜀椒。理石。

牛黃。人參爲使。惡龍骨、地黃、龍膽、蜚蠊。畏牛膝。

白膠得火良。畏大黃。
阿膠得火良。畏大黃。

獸中部

犀角。松脂爲使。惡藟菌、雷丸。

殺羊角。兔絲子爲使。

鹿茸。麻勃爲使。

鹿角。杜仲爲使。

獸下部

麋脂。畏大黃。

伏翼。莧實、雲實爲使。

天鼠屎。惡白斂、白微。

蟲魚上部

蜜蠟。惡芫花、齊蛤。

蜂子。畏黃芩、芍藥、牡蠣。

牡蠣。貝母爲使。得甘草、牛膝、遠志、蛇牀良。惡麻黃、吳茱萸、辛夷。

桑螵。蝟畏旋覆花。

海蛤。蜀漆爲使。畏狗膽、甘遂、芫花。

龜甲。惡沙參、蜚蠊。

蟲魚中部

蝮皮。得酒良。畏桔梗、麥門冬。

蜥蜴。惡硫黃、斑貓、蕪荑。

露蜂房。惡乾薑、丹參、黃芩、芍藥、牡蠣。

蠱蟲。畏阜茨、菖蒲。

蟻。螞。蜚蠊爲使。惡附子。

鼈甲。惡礬石。

蟹。殺芫荽毒。漆毒。

鮫魚甲。蜀漆爲使。畏狗膽、甘遂、芫花。

烏賊魚骨。惡白斂、白及。

蟲魚下部

蜚蠊畏羊角、石膏。

蛇蛻畏磁石、及酒。

班貓、馬刀爲使。畏巴豆、丹參、空青、惡膚青。

地膽惡甘草。

馬刀得水良。

果上部

大棗殺烏頭毒。

果下部

杏仁得火良。惡黃耆、黃芩、葛根。解錫胡粉毒。畏蘘草。

菜上部

冬葵子。黃芩爲使。

蔥實解藜蘆毒。

米上部

神農本草經 卷三 附諸藥制使

麻蕒、麻子、畏牡蠣、白微、惡茯苓。

米中部

大豆及黃卷、惡五參、龍膽。得前胡、烏喙、杏仁、牡蠣、良。殺烏頭毒。
大麥、蜜爲使。

右二百三十一種。有相制使。其餘皆無。三十四種續條案
當云三十五種

立冬之日。菊、卷柏先生時。爲陽起石、桑螵蛸。凡十物使。主二百草爲之長。

立春之日。木蘭、射干先生。爲柴胡、半夏使。主頭痛四十五節。

立夏之日。蜚蠊先生。爲人參、茯苓使。主腹中七節。保神守中。

夏至之日。豕首、茱萸先生。爲牡蠣、烏喙使。主四肢三十二節。

立秋之日。白芷、防風先生。爲細辛、蜀漆使。主胸背二十四節。原注右此五條出
藥對中義旨淵深

非俗所究。雖莫可遵。用而是主。統之本。故亦載之。

神農本草經終

曹炳章主編
中國醫藥大學
神農本草經

全二冊 實價國幣肆角

中華民國二十五年十二月初版

述者 魏·吳 普

同輯者 清·孫 星 翼
孫 馮 衍

發行人 沈 駿 聲
上海北福建路三三一號

印刷者 大 東 書 局
上海北福建路三三一號

總發行所 大 東 書 局
上海福州路三一〇號

分發行所
 開封 安慶 常州 無錫 信陽
 南京 北平 天津 濟南 西安
 徐州 濟南 漢口 梧州 重慶
 蘇州 南昌 雲南 杭州 重慶
 汕頭 廣州 衡陽 哈爾濱
 大東書局

(本 書 校 對 者 朱 晉 材)



3.081
J
2(1)2

\$40